

Берібыт кердэб

4.2020

ПЕТӢ 1926 ВОСЯНЬ

ЛЭДЗӢНЫ: КОМИ РЕСПУБЛИКАСА ЮРАЛЫСЬЛӢН АДМИНИСТРАЦИЯ,
КОМИ РЕСПУБЛИКАСА ГИЖЫСЬ КОТЫР

ВОЙВЫВ КОДЗУВ



ISSN 0134-4323

БЫД ТӢЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

4 (880)

КОС МУ (АПРЕЛЬ)

2020

ТАЙӢ НОМЕРЫН:

Евгений ВАЛЕРИАН. МамкӢд думӢн сӢрнияс.	
Кывбурьяс	3
Елена АФАНАСЬЕВА. Куим вӢт. Висьтьяс	7
Вячеслав БАБИН. ЭскӢм. Кывбурьяс	19
Алексей ПОПОВ. ВӢтӢн да вемӢсӢн. Серпасьяс	22

Е.В. КОЛЕГОВЛЫ 125 ВО ТЫРИГКЕЖЛӢ

ГижысьлӢн олан туй	46
Геннадий БЕЛЯЕВ. Кыпыд лов — Шор Ёгор	47

ВОЯС ДА ЙӢЗ

Никон ХАТАНЗЕЙСКИЙ. Лов да сьӢлӢм менам тан	52
--	----

12+

Обложка вылын снимокыс Николай ЗабоевлӢн.

© «Войвыв кодзув» («Северная звезда»), 2020 г.

СЫКТЫВКАР

СЕВЕРНАЯ ЗВЕЗДА



*Ежемесячный
литературно-художественный
журнал*



Учредители:

АДМИНИСТРАЦИЯ ГЛАВЫ РЕСПУБЛИКИ КОМИ

**«СОЮЗ ПИСАТЕЛЕЙ РЕСПУБЛИКИ КОМИ» - РЕГИОНАЛЬНОЕ
ОТДЕЛЕНИЕ ОБЩЕРОССИЙСКОЙ ОБЩЕСТВЕННОЙ ОРГАНИЗАЦИИ
«СОЮЗ ПИСАТЕЛЕЙ РОССИИ»**



Издатель:

АУ РК «ИЗДАТЕЛЬСКИЙ ДОМ КОМИ»

ДИРЕКТОР ОРЁЛ И.Н.



РЕДАКЦИОННАЯ КОЛЛЕГИЯ:

Главный редактор

ПОЛУТРУДОВ А.В.

Ответственный
секретарь

КИЧИГИН И.Н.

КОЗЛОВ Е.В.

УЛЬЯНОВ А.В.

УЛЯШЕВ О.И.

ЛИМЕРОВА В.А.



Евгений ВАЛЕРИАН



МАМКӨД ДУМӨН СЁРНИЯС

КЫВБУРЪЯС

* * *

Гортө локтам — колям кок туй,
Мамыд шуас: «Локтөй, локтөй!»
Карө мунам — колям кок туй,
Мамыд:
«Прөстманнды да, локтөй!»

Кок туй чужанінлы колө.
Кок туй бырө, он кө волы.
Мортлы — керка.
Мулы — кок туй.
Бара кыла: «Локтөй, локтөй!»

10.12.2018

Гортө лэччылөм бөрын

Мамыд сійө шоныд руа керка,
Рытъя сёрөдз өшиньясын би.
Мед көть кызди олөмыс оз бергав,
Нэмсө кыссям чужан позйө ми.

Медся лёк, кор шоныд руыс бырө.
Эськө локтан, сөмын кытчө пыран?
Позьө өзтны өшиньясө би,
Сөмын чужан позйыд — өттор йи.

27.11.2018

* * *

Мама, алло! Тэныд висьтавны тэрмасы:
Да, эг на гөрөй, и кадыс, дерт, вошö,
Пыр на тай лымгьялис лёкыс да зэрласис.
...Мама, дзик öнi на лэбис со вотшөр!*

Май бөръя лун — сийö вöлись на садьмöма,
Унзиля, ньöжйöник кайис вокзаллань.
Помнита, челядькöд асланым сад йöрын
Ёна и котравлим... Радлуныс налөн!

Асьным öд сiдзи жö кутасьлим коркö ми —
Вöтчам веж баддьöдз, колхозной амбарлань.
Вой шөр бөр сöмын и волiм сэк гортö миö.
Син водзын ставыс, и казътывсьö бара.

Вотшөр кө лэбзис, то шондöдас... Дерт жö, нин!
Мама, эн майшась, и локтам, и гöрам.
Муыд да вөр-ваыд пыр на тай вердöны,
Ас кадö сöмын мед волiс быд пöра.

04.06.2017

* * *

Кор көлеса параяс ниртчöны рельсö
Да гыпкöмөн уджалö дизель,
Перрон дорын тiралö ва тыра пельса,
Код весиг и тöвнас оз йизъыв.
Öд здук мысти ылыстчас тайö составыс,
И лөнъ матигöгöрас лолö.
Но мöд көнкö локтö нин, кылö, и ставöс
Встречайтны да колльöдны колö.

...И бöрын, и водзын — сöдз читкыра бияс.
Вой пемыдсьыс мыччысьлас нывка
Да ньöжйöник довгас маслёнкаөн киас,
И бара вой пемыдас кывтас.
Мый мöвпавлö сийö? Мый сьölöмас пестö?
Кор велалас выль олём слöяс?
Быд вöтын тай волö на ичöтик грездас,
Быд вежон на ыстö письмöяс.

Но бергалö олём, но увгöны рельсьяс,
Но муноны помтöг составьяс.
Лун сьöмöснас лым пондiс сывны апрельсянь,
А тулысыд кыпöдлö ставöс.

* Вотшөр — майский жук.

...Мый виччысьö водзын, тэ думыштны полан.
Эн пов, бурыс эмышт жö сәні!
Оз куслыны биясыс Микунь деполөн,
И регыд нин локтас выль смена.

10.10.2019

* * *

Кор дона мортыд мунас бөръя туйö,
Оз вочавидз кор сылөн телефон,
Сэк гөгөрвоан олöмыслыс дон,
И мыйта бурсö эськө öнi шуин.
Көть звöнитан, но нюжалö гудок,
Но некодi оз шыась мöдар помас.
И нем абусьыс дугöдчыны ковмас,
Öд вежöртан, мый мунысь оз нин лок.
Но ачым ме...
Эн йöй вылö моз видзöд,
Но ыстыли раз-мöдысь sms.
И полi — друг да збыльысь вочавидзас,
Друг эм жö сәни йитöдыс.
Но эз...

14.01.2020

Садьман здукö воём мөвпьяс

* * *

Кутшöмкö рытö
Выль патералөн балкон öшиньöд
Пырис бобув.
Тайö вöли миян медводдза гöсьт.
2008

* * *

Син аддзан енэжыс вежöртö вордö,
Лунтырөн — дзик öти сера кымөр,
Быттöккö чышкöмны лэбачлөн бордөн.
Чайта да, тадзи кымын...

1990-яс

* * *

Вежа пу менам вöли нин кос;
Босьтiн чальсö да выльысь вужйöдiн.
Сотчис ю вомөн бөръя пос —
Мöдар берегö сойбордйив вуджöдiн.

1998

* * *

Кодыр гижöдыд вöйысьö, шондi оз ков,
Сэки син пыдди уджалö лов.

01.01.2019

* * *

А гортад —
Мед пöлöс,
но гортад.
Мед пöлöс, но гортад.
И пом!

2019

* * *

Ю берег пöлөн
Довга да видзöдала галя изъяс.
Быд из йылысь позьö гижны кывбур.
Но тырмас-ö морт олём,
Медым гижны быд из йылысь...

28.06.2019

❖ ❖ ❖

Елена АФАНАСЬЕВА



КУИМ ВӨТ

ВИСЬТЪЯС

Домавтөм пыж

Тувсов ва вьвті кылалөма пыж, но сійөс кутны некоді абу петалөма. Некымын лун мысти Густя баб ордө кутшөмкө могөн пыралөма Манеп да висьталөма:

- Пыжыдлөн көзяиныс тай сюрөма.
- Кытысь нө?
- Крест дорсьыд. Сывъялөма пө и кувсьөма.
- Коді нө?
- Кодкө катыдса.
- А пыжыс?
- Мый сылы пыжсьыс? Мөд пыжө нин водтөдасны да лэдзасны бөрья туйө.
- Кутшөм грек понда нө?
- Ог төд. Но ачыс шулөма, овны пө оз сет...

Вөліны май медбөрья луньяс. Евгения (пөдругаясыс сійөс томдырсянь шуоны Женяөн) воис самолөтөн Москваө. Сійөс паныдаліс Катя. Кымынкө во эз адзысьлыны! Топөдчисны өтамөд бердас: «Кутшөм бур! Москва шөрын эм матысса морт!»— шуис Женя. Асывнас кар шөрөдыс мунөма бушков да пөрөдөма Катялөн керка дорысь сыв кызта некымын пу. «Бушковөн локтан»,— нюмъөвтис Катя, Женялань видзөдлігмоз. Пырисны джуджыдсьыс-джуджыд керкаө да кыпөдчисны лифтөн нельөд судтаөдз.

Куим жырья патералөн өшиньясыс петісны юяслань. «Тайө менам Ву да Ку»,— серөктыштис Катя. «А көні Ы?»— воча юалис Женя. «Сійө писькөдчө на»,— шмонитыштис ныв.

Неуна шойччыштӧм бӧрын петісны лолыштны москваса сь-
нӧдсӧ. Вӧлі шондіа, но тӧла. Быттӧ Цветаевалӧн кывбурысь тӧ-
лыс — пыр-пыр нуас:

**«...Другие — с очами и с личиком светлым,
А я-то ночами беседую с ветром.
Не с тем — италийским Зефиром младым,
С хорошим, с широким,
Российским, сквозным!»**

Сёрнитігмоз нывъяс восьлалісны дворъясӧд. Катялы окота
вӧлі петкӧдлыны «ассьыс Москвасӧ»: «Татчӧ ме радейта волив-
лыны ӧтнам. Тан вывтӧ лӧнь». — «Москва шӧрын сы мында важ
да энотӧм керка, — чуймаліс Женя. — И некод тан оз ов?..»
Сэсса пырисны кафеӧ, босьтисны кофе да сыр, петісны да пук-
сисны лабич вылӧ. Орччаас нывъяслы мышкӧн узис бомж.

Нывъяс кофе юигмоз мый йылысь кӧ сёрнитісны. Сэсса
Женя пондіс висътавны кутшӧмкӧ чуднӧй турун йылысь, кодӧ
этадз быдмӧ.

— Катя, ме аддзылі сійӧс, збыль аддзылі.

— Мыйӧн сійӧ тӧнӧ татшӧмасӧ чуймӧдіс?

— Ог куж висътавны. Но меным сэтшӧм дивӧ, мый сійӧ эм.

А сылӧн дзоридзыс гождӧмнас лоас пыдӧстӧм енӧж рӧма.

— Но усяс лым, и сійӧ тшӧтш...

— Ме сійӧс аддзылі.

Аскинас Женя ветліс кутшӧмкӧ могъясӧн. А сэсса сёрнитчис
Катякӧд бара аддзысьлыны тӧдса кафе дорас. Кызди и век,
босьтисны кофе да сыр, петісны ывлаӧ. Орчча лабич вылын ба-
ра узис руд паськӧма мортыд.

Сэсса Женя паніс бӧръя кадӧ вӧчан удж йылысь сёрни:

— Тӧдан, мыйӧн ӧні ола? Гижа вель висът.

— Мый йылысь нӧ?

— Кымынкӧ во сайын вошис орчча сиктысь мужичӧй. А сы-
лысь пыжсӧ сійӧ тулыснас аддзылӧмаӧсь — кывтӧ пӧ вӧлӧм
ыджыд ва вывтӧ. И ӧні быд тулыс петкӧдчылӧ — кодкӧ да код-
кӧ сиктса йӧз пиысь казявлӧ. Но некод оз сибӧд берегӧ, быдӧн
тӧдӧны: тайӧ абу бур водзын.

— Мыйкӧ сійӧ кӧсйӧ шуны?

Женя эз вочавидз. Сӧмын лӧптыштліс пельпомсӧ.

Пансис вель лун. Москваын асывбыд зӧрис. А сэсса кобис, и
карсӧ ойдӧдіс шондіӧн.

— Катя, — пажын бӧрын шыасис Женя, — вай петалам карӧ,
миянлы колӧ сёрнитыштны.

— Вай петалам и эм! Ме лунбыд нин думайта тӧнад гижӧд
йылысь.

— Сэні нин сэсса водзӧ висътала.

Кафе дорас, лабич вылын, бара узис мужичӧйыд.

— Гортис талѳн абу,— шуыштис Женя.— А интереснѳ, кѳни сійѳ тѳвйѳ?

— Кѳнкѳ важ керкаясас либѳ кутшѳмкѳ пѳдвалын... Но висътав нин гижѳдтѳ водзѳ.

Нывъяс пуксисны лабич вылѳ.

— Тайѳс ѳд ме эг думышт, тайѳ збыль олѳм. Мортис, кодѳ быттѳкѳ кувсис крест дорас, мыйтакѳ кадѳн куимысь керавлѳма сійѳс. А сиктса анъяс сувтѳдлѳмаѳсь выльѳс.

— А сиктсаяныс сійѳ ылын?

— Кѳнкѳ, дас нель верст лоѳ.

— Мужичѳйыс, гашкѳ, шудтѳмысла тадзи вѳчис?

— Гѳтырыс ѳнѳдз на виччысьѳ.

— Но ѳд мортис кувсьѳма кѳ...— чуймис Катя.

— Шуѳны, кор мунѳмаѳсь вайны, мортсѳ абу аддзѳмаѳсь.

— Кыдзи? А кѳни нѳ сійѳ?

— Ме танѳ,— виччысьтѳг шыасис орчча лабич вылын узбысь морт.

Нывъяс весиг чурмунлисны да бергѳдчисны сылань. Руд паськѳма морт надзѳникѳн кыпѳдчис да пуксис:

— Да, вѳли дела... Унмовси крест дорас. А садьми Москва шѳрын.

— А кѳни нѳ олан?— чуймѳмѳн юалис Женя.

— Шондѳ саяс.

— А мыйла пыр танѳ?

— Велалѳма. Бурджык висъталѳй, кыдзи нѳ тѳ менѳ аддзиньыд?

— Ми эськѳ эг корсьѳй да. Прѳстѳ кывлим сэтшѳмтѳ морт йылысь, кодѳ крест дорас ту ни бу вошѳма. Но мыйла тѳ гортад бѳр он лок?

— Некод оз вѳрѳд, и бур.

— Ме ветла да пѳсь тшай вая,— и Женя тѳрмасьѳмѳн мѳдѳдчис кафелань.

Вайис тшай, нянтор да сыр, мыччис мужичѳйлы. Сійѳ велалѳмпырысь босьтис да ичѳтика ньылалыштѳмѳн пондѳс юны. Но няньсѳ да сырсѳ весиг эз вѳрзьѳдлы. Женя видзѳдѳс сы вылѳ, кыдзи матысса морт вылѳ нин, а сѳсся юалис:

— А крестсѳ мый понда кералѳн?

— Мый понда, мый понда... Тшѳктисны, и кералѳ.

— Кодѳ?

— Лолѳй сѳдзи тшѳктис.

— А гѳтыртѳ казытьвлан? Сійѳ ѳнѳдз на быд лун ю дорѳ лѳччылѳ и тѳнѳ корѳ — мѳдлапѳв вѳрланьыс видзѳдѳмѳн горзѳ.

— Ме сылысь гѳлѳс ог кыв. Ме кыла мѳд гѳлѳс.

— Кодлысь?

— Сійѳ муслунѳйлѳн гѳлѳс.

— И мый сійѳ тѳныд висъталѳ?

— Сійѳ чѳв олѳ. Но ме кыла!

— И кутшѳмджык вѳли муслуньыд?

Мужичѳй дыр эз шыась. Сѳсся быттѳ паялис:

— Кор тай вой шөр бөрас муртса югзыштас, и му вылас лөнһ-лөнһ, а тэ видзөдан, и сьолөмыд морөс пытшкад оз төр — вот татшөм — выльөн садьмысь асыв кодь вөлі сійө.

— А кызди сійөс шуисны?

— Оляөн.

— Оляөн? Кызди и менсьым мамөс...— чуймис Женя.— Кывзы, но тэ өд крест дорас мунін сэсся. Тэ сійөс сывъялін? Сідзкө, прөща корин?

— Кори. И бөр кори сылысь радейтөмөс. Сьод паськөма нывбабаыс мырддис менсьым сійөс.

— Кызди мырддис?

— Кызди, кызди... Ме вөлі том да вежөртөм. А сійө лунас ветлі увйысьны. Кыпөдчис ыджыд бушков и понді пөрлавны пуяссө. Некымын пу пөрисны да лязісны менө му бердас. Лов эз шед. Сэсся кыськө воис сьод паськөма нывбаба. «Отсав!»— кори сылысь, но ассьым гөлөсөс эг кыв.— «Отсала. Но босьта олөмсьыд меддонатортө».— А менам сэки нин вөлі Оля. Садьми тайө нимнас и воді тайө нимнас.

— И мый водзө лои?

— Мездіс менө нывбабаыд. Но регыд невестаөй петіс мөд сайө.

— Сідзкө, эз радейт?

— Радейтіс... Но кутшөмкө вынъяс ставсө дзутисны! Ог вермы тадзи овны! Ме век на радейта сійөс. Көть нэмөс мөдкөд олі.

— А пыжыд... Пыжыд... Быд тулыс өд петкөдчылө йөзыслы!

— Пыжыс — сійө менам лолөй. Мед кывтө. Сійө ачыс олө. Сылөн аслас туй,— шуис мужичөй и чеччис:

— Меным мунны колө.

— Но кытчө?— юалис Женя.

— Шонді саяс.

Женя аскинас лэбис мамыслөн сиктө. Сылы колө вөлі быть аддзөдлыны Густя тьөтөс.

— Но, лок пыр, карса гөсьтя,— быттө водзвыв төдөмөн шуис Густя тьөт.— Кывза могтө.

— Коді сійө мужичөйыс?

— Кутшөм мужичөй?

— Коді тай вошис крест дорсьыс?

— А-а... Но... Сійөс шуисны Екша Сашөн. А мыйла юасян?

— Тэ он төд, кодөс сійө радейтіс?... Томнас?

— Оляөс...— и дыр сэсся кыв эз шу. А сэсся лов пыдөссьыс быттө чуктөдіс:— Мамтө.

— Мамөс?!

— Сійө век мамтө радейтіс. Оні тайөс некод оз төд. И кытчө Сашө воштысис... Но ме төда. И Оля век сы сьолөмын. Век. Мед көть ачыс и мөдарьюгыдас.

Женя бөрддзис.

— Мамыд кор петіс верөс сайө, мыйкө ме и жалитлі сійөс. Но нинөм он вермы вөчны. Нинөм. Но тэ... Тэ и Сашаыс...

Женя эз нин кыв Густя тьѳтлысь бѳръя кывъяссѳ, котѳрѳнмоз петіс керкасьыс да сетчис валань. Дыр сулаліс да бѳрдіс. Ѳні эськѳ сійѳ нывбабаыс моз горѳдіс — сьѳлѳмас некыдзи эз тѳр помтѳм дойыс... И кутшѳмкѳ здукѳ син улас уси ва вывті кывтысь пыж. Нывка уськѳдчис берег дорын сулалысь пыжъяс дорѳ, йѳткысис и суѳдіс. Пыж пыдѳс пыддыыс вѳлі син, ставнас енѳж йирыс сьѳ сунгысьѳма. «Кутшѳм пыдѳстѳм олѳмыс...— мѳв-пыштіс Женя.— Ог кѳ вешйы ѳні, кыскас. Колѳ мунны тась, мунны...»

Лѳбач

Сиктын нывкаѳс шуисны Лѳбачѳн. Мый понда, сэки эг гѳ-гѳрво. Кузиник да чангылъ ныр пондаыс, гашкѳ? Либѳ сы понда, мый восьлалігас тувччалѳ кыдзкѳ аслыснога, вадор истан моз. А нѳшта... сыын быттѳ енѳжыс оліс. Став джуджданас. И чѳв-луннас. Нывка эз сѳрнит.

...Гожѳмбыдъясѳн ме олі сиктын. Лѳбач коръяскѳ пыравліс ме ордѳ, пуксьыліс пристук помѳ да видзѳдіс стенин ѳшалысь кѳка часі вылѳ; прѳстджык лунъясѳ котѳртлім вѳрѳ либѳ лѳччылім вадорѳ. Сійѳ менѳ нуѳдліс сѳтшѳм тѳдтѳминъясѳ, кѳні дикмылѳ лолыд.

Нывкалысь збыль нимсѳ некѳр эг кывлы. И некодлысь эг юавлы. Лѳбач нимыс меным вѳлі тырмымѳн.

...Эмѳсь тыдалана юяс. А эмѳсь... тыдавтѳмгьяс. Нывкаын найѳ вѳліны, и ме кылі сыын юясыслысь вынсѳ. А нѳшта... быд ад-дзысигѳн сійѳ мыйѳнкѳ да пыр чуймѳдліс. И век вѳлі дась кыт-чѳкѳ мунны. Кыв шутѳг эскылі да вѳтчылі сы бѳрся.

Таво гожѳмнас бара вои тѳдса нин меным сиктѳ. Юсѳ вуджѳдісны пыжѳн. Сиктлань нуѳдысь ордымыс сѳні котѳртѳ пѳлѳзничаа сѳн пѳлѳн. Видзѳда: аслыспѳлѳс воськовъясѳн да дзоридз китырѳн тѳрмасьѳ кодкѳ. Матыстчис сиб. Вѳлѳмкѳ, менам Лѳбач. «Кытысь нѳ кывлін, кытысь?!»— шуалі дивуйтчѳмѳн. Кужтѳма сывъяліс менѳ да ѳтшкис морѳс бердѳ дзоридз китырсѳ. И друтысь ме серѳкті, ѳд некѳр и некоді на эз козьнавлы меным енѳж йирсѳ. Лѳбач тешкодя видзѳдліс ме вылѳ, а сѳсся тшѳтш вакѳдіс. И, шудаѳсь, ми мѳдѳдчим пѳлѳзничаа кок ув енѳж кур-тігмоз. И некутшѳм ордым эз ков. Тадзи вуджим сѳнсѳ да регыд воим кыр йылѳ. И паськыда нюмѳвѳтім рыгъя шондѳн меліалѳм сиктлы.

Ыркыд, улис руа керкаѳ пырѳм бѳрын босьтчи ректыны олас тыра сумкаѳс. А Лѳбач сьылысь вугъя неыджыд ведраясѳн петаліс вала да ѳшис чайник, и велалѳмѳн нин ладмѳдчис пристук помѳ. Ме бергѳдчи сылань чужѳмѳн:— Лѳбач! Видзѳдлы жѳ, мый ме тѳныд вайи...— Сійѳ яндысигтыр матыстчис, босьтис киысь козинсѳ, сувтис ѳшинь водзѳ да паськѳдіс. Тайѳ вѳлі чышгьян. Но Лѳбачлѳн киын сійѳ пондіс ворсѳдчыны рыгъя кыа моз, а сы гѳгѳр сералісны унзіль дзоридзьяс. Нывка топѳдліс козинсѳ морѳс бердас, сѳсся сывъяліс менѳ. И друг ышмис —

чышгьянсö юр весьтас лэптöмөн босьтчис долыда бергавны ас гөгöрыс. Но и Лэбач! Дзик кага моз радлö! А öд сылы комын сайö арöс нин.

Кор тайö сиктсьыс ньöби керкасö, Лэбач некөн эз вöv. Сöмын кывлi йöзсянь, кутшöмкö нывка пö вөрö ылалöма. Во сайö корсьысьöмаöсь, но сiдзи абу и югдöма. Коркö сэсся ачыс воöма. Көнi та дыра вөлöма, висьтавны оз вермы. Повзьöмысла ли мый ли — кыв-ворсö воштöма. А тöдмасьöмыс миян лои кык во сайын. Тайö чуднöй лунсö некор ог вунöд... Мунi вотчыны. Сийö арнас яг подийö пувсö вöли быгтьö кисьтöма — ставнас гөрö. А ме, тайкö пöртмалöма, пыри пыдöджык и пыдöджык. Падгьянöй тыри нин, сэсся чышгьянö пондi вотны тусьсö. Кутшöмкö здукö палялi, а петан туйыд вошöма. Мудзтöдз ветлöдлi — некутшöм туй рöч ни мортөн кольöм пас эз петкöдчыв син водзö. Сэсся вои чукля пожöм дорö да сувтовкерлi. И друг... Кодкö вуджөртис öтчыд, дай мöдысь. Сэсся быгтьö пондiс матыстчыны. Меным весиг ёрдзим лои. А сийö дiнöдз нин воис, а эз шыась ни висьтась. Нывка тай вөлöма. Но сиктысь сийöс некор на эг аддзыв. «Кудiнса ли Катшаса ли кодкö», — мövпышти. А сийö сiдзи видзöдö ме вылö, быгтьö мыйкö юавны кöсйö. «Воши тай, — шуи ме сылы. — Кодарö мунны колö?» Нинöм эз вочавидз. Матыстчис менам чукля пу дорö, тапкöдыштiс сийöс: «Он тай вермы пуыды тшöктыны веськыда быдмыны...» Кыдзи сэки сийö кужис пуктыны тайö кывъяссö вежöрам, ог тöд. Но гөгөрвои кыв шутöг. Сэсся чöвтлiс мелань видзöдлассö и мöдöдчис. Став туйбыдсö восьлалiм чöла. И ме нин кылi: тайö нывка-аньыс менö ас дорас кöрталiс.

...Коркö бöрынджык нин ковмис миянлы келавны тöдтöм вөрьясти, сэсся петiм кутшöмкö шор дорö. Дыркодь сэнi пукалiм. И тешкодь мövп визнитiс юрам:— Лэбач кодöскö виччысьö. Но кодöс? Тани, вөр пыдiас?— А сийö быгтьö кылöма менö, уськöдчис нитш вылас кымынь да пондiс урсасьöмөн ымзыны.— Тырмас!— шуи сылы.— Мöдiм тась!— Но сийö менö быгтьö эз кыв. Коркö сэсся сувтис жö. Мöдöдчим. Но туйчöжыс весиг эз видзöдлы мелань. А ме водзö нинöм эг шу и нинöм эг юав. Кутшöмкö ногөн гөгөрвои... Ме думысь, татчö сийö воывлiс нин, и эз öтчыд. Гашкö, весиг быд лун...

Мöд асывнас, сöмын удитi пач ломтыны, локтис. Пуксис кöтшас, пристук вылö.

— Лок, прöйдит, тшай юам!— кори пызан сайö. Кывзысис да матыстчис.— Пуксьы! Со юмов няньсö видды, рыгнас пöжавлi. Мися, волан, гашкö, — и ачым эг тöдды, чай кисьтигмоз крапки:— Эн дилав! Кылан? Кодöс виччысин сэнi, шор дорас?..

А сийö сувтöдiс ме вылö вöй синсö, сэсся звирк чеччис пызан сайысь да котөрөн петiс керкаысь.

«Мортсö вöтлöма лои, — ас вылö дöзмышти ме.— Но а мый эськö, сiдзкö, нетшкысьö?!» Тадзи мövпышти, а сьölöмөн öд кылi сылысь восьса дойсö. Но мыйөн ме верми отсавны? Он öд дояинас кутшöмкö турун ляску.

Некымын лун мысти сийö менö бара весьöпöртис. Вöли лун шöра лун. Пырис — кузь платтьöа. И меөн козьналöм чышгьяна.

Кыкысь воськовтѳмѳн и воис ме дорѳ, джѳм сувтѳс да сюйис киама клотшкан турун китыр, и топѳдчис ме бердѳ.

— Мый нѳ лои? Кытчѳ тадзсѳ вѳччин?

Нѳштаысь топѳдчыліс и мунѳс. Ме коли сулавны керка шѳрына. Сѳсся уськѳдчи сы бѳрся. Видзѳда, сикт помлань кывтѳлѳбѳ.

Пыри гортѳ, пукси лабичѳ, а туруныс кийн югзѳмѳн-югзѳбѳ. Да ѳд ѳти чукѳрѳ сунисѳн кѳрталѳма да унаысь на и гаровтѳма. Мый бара мѳвпалѳс-а тайѳс вѳчигѳн? Некор он тѳдмав. Кывворыс абу, и став мѳвпыс мортыдлѳн ас пытшкас кольѳбѳ.— А гижны ѳмѳй оз куж?»— друг вирдыштѳс юрам.

Некымын лун эз воы. Ывлаыс зѳрласис, и ме некытчѳ ылѳ эг петав. Сѳмын вала. Коркѳ сѳсся локтѳс жѳ. Кыдзи и век, пырис да пуксис пач дорѳ.

— Матыстчы югыдланьыс, видзѳдла кѳтъ тѳ вылѳ, а то чужѳмтѳ нин вунѳдны пондѳ,— бурпырысь шуалѳ ме.— Да, век кѳсъя юавны ѳтитор, и ог лысьт. А талун... Эн дѳзмы... Кѳнѳ тѳ вѳлѳн сы дырасѳ? Ягас вошлѳн?

Довкнитѳс юрнас.

— Кодкѳ тѳнѳ повзѳѳдѳс?

Бара довкнитѳс юрнас.

— Тѳ кодѳскѳ виччысян шор дорас?

Та вылѳ нинѳм эз вочавидз, весиг синнас эз лапнитлы. Быттѳбѳ эз кыв.

А менѳ юр йывсянь кок улѳдз кынтыліс. Быттѳбѳ вѳрса визлѳгыслѳн кодзыд руыс ме пыр мунѳс. Недыр мысти вои ас выйѳ да лѳня юалѳ:

— А тѳ... сяммин эськѳ гижны та йылысь?

Дыр пукаліс вѳрзѳбѳдчывтѳг, видзѳдѳс кытчѳкѳ кок улас. А сѳсся ме аддзи, кыдзи бан бокѳдыс вѳсна-вѳсна визнитѳс синва. Тѳддытѳг бергѳдчи ѳшиньлань.

— Талун некытчѳ эн мун... Аддзан, ывлаас кутшѳм тѳла,— шуи тадзи, а гѳгѳрвои, мый сылѳн сьѳлѳмыс, дерт жѳ, мѳдтор тѳпкѳ... Но кольччис, и ми пондѳм дасьтыны пажин.

...Суседьяскѳд коркѳ ветлѳ чѳдла. И ягас нин, чай юигѳн, пансис сѳрни. И Володь мортыд дѳжналіс, мый Ылыс шортѳ пѳ вуджны бурджык оз ков, верман мѳд мирѳ веськавны.

— А кѳнѳ сійѳ шорыс?— юалѳ.

— Ю чукыль вылысладорын веськыд ки вылас.

— А, сѳдзкѳ, тѳда.

— Кытысь? Ветлѳн нин коркѳ?— сюся видзѳдлѳс ме вылѳ Володь.

— Вѳлім... Лѳбачкѳд. А мый?

— И вуджалѳнныд?

— Эг.

— Войнаѳдзыс на Сандыр дѳдѳ сѳтчѳ вошлѳма. Шор саяс сылѳн неыджыд видз вѳлѳма. ѳтчыд ытшкыны мунѳма. Но бѳр мѳдас, воас коланаинѳ, а шор визыс некѳн абу. Корсигмозыс петас ота кушинѳ. А шѳрас черепичнѳй вевта керка пѳ сулалѳ. Пырас. Ис ни ру. Бѳр петас да водзѳджык на ветлас. А сѳнѳ

гөрд черепичной вевта керкаяс тыдалоны. И тонгыя мосьяс луд вылын йирсьоны. Ме, шуо, өдйөджык бөр косі... Сөмын рытланьыс шор визьөгтө аддзөма, вуджөма да лючки нин воөма гортө.

Володълөн висьтыс шызьөдіс менө. Татшөмтор некыдзи эг куж весиг мөвпыштны.

— Буракө, тыдавтөм өдзөс сэні эм, колана кадө пөдлавлөны и восьтлөны,— ассянь вөзйи ме.— Сідзкө, и Лэбач вермис сэтчө веськавлыны?

— А быдтор вермас лоны,— чигарка помсө кусөдігмоз чөвтис Володь.— Сөмын өд сійө, помнитсё, воысь дырджык ветлөдліс.

— Сингьяс сертигыс тай өнөдз на абу тани,— содті ме. И водзө нуөді:— Володь, а мыйла сылөн нимыс татшөм?

— Ог төд, дзолясяньыс тай сідзи шуисны-а. Пыр вөлі сылө, да сійөн кө-а. Кытчө тай оз мун — вомгорулас мыйкө нунгөдө.

— А збыль нимыс эськө кутшөм?

— Мый и нимыс?..— балябөжсө гыжъялыштис Володь.— Весиг вунөдсьөма. Важ нога ним эськө да...— сэсся бергөдчис неылын вотчысь гөтырланьыс:— Машө, кылан, кыдзи нин Лэбачсө нимнас шуөны? Мый, Лика?— и бөр мелань бергөдчис:— А, Лика и эм.

— Лика?— чүйми. И аслыммоз нюмгөвти:— Лукерья, сідзкө.— Мыйтакө чөв олыштөм мысти бара на юалі: — А вөлі-ө сылөн мужичөй?

— Овмөдчыліс эськө Стасиккөд, да мортыс чериасигөн вөйи. Томөн-бурөн... Водзө өтнасөн и оліс.

— А уджаліс көнкө?

— Нянь пөжаліс. Бабаяс тай вөлі шуөны, пөжасигас пө век жө сылан модаөн нунгөма. Чөскыда пөжасис. Көлачтө ньөбны воывлөны вөлі и мукөд сиктьясысь.

— Сідзкө, и пөжасны кужө?.. Весиг он чайт. Öні пыр довьялө да.

— Сійө өд вошлөм бөрас татшөмөн лои.

Некымын лун мысти Лэбач пырис ме ордө. Вөлі водз асыв. Кинас өласьөмөн да ымзөмөн корис ветлыны сыкөд. Ме пыр жө чукөртчи, наберукаө босьті выя нянь кык шөрөм и петі сы бөрся. Дерт, шорөдзыс абу матын. Да и луныс жара пуксьө. Но Лэбач восьлаліс тэрыба — ме өдва удиті сы бөрся, весиг лов тырлі.

— Ог-ө шойччыштөй эстөн берег дорас?— вөзйи ю вуджөм бөрын.

Довкнитіс юрнас, но став вир-яйнас вөлі нин сэні, шор дорын. «Мыйла сійөс татшөма кыскө сэтчө?»— сөмын и верми думыштны. Здук-мөд вежим ловнымөс, мыссим ыркыд ванас и мөдөдчим водзө. Кор воим шор дорас, Лэбач пондіс өгарө-мөдарө ветлөддыны. Кадысь кадө сувтовкерліс да кывзысис гөгөр. Горшөй пондіс косьмыны, но Ылыс шор йылысь кывлөм висьтсө

казытыштѳм бѳрын юны эг ышты. А шорыс и збыль вѳлі зѳв аслыспѳлѳс: ва пыдѳсын олысь неыджыд мыняссѳ мыськѳма лѳставтѳдз. Лун шѳра лун, шондѳ югѳрыс ва веркѳсас ѳзталѳ зарни чутъяс, синтѳ гажѳдѳ. Шор дор мозыс сѳтѳр быдмѳ — вотѳсыс гѳрд ѳшалѳ, и ме пондѳ розйѳн-розйѳн босътавны воѳм вотѳссѳ. Сѳсся сѳтшѳма тѳвзьысис — пуяссѳ и байдсѳ пондѳс муѳдз копрѳдлыны. А кѳнкѳ, шор ковтыс мѳдарас, ылын-ылын, пондѳс кывны гѳлѳс. Быттьѳ кодѳскѳ чукѳсталѳс. Ме весиг вотчѳмысь дугѳдчи да став ловтырѳн зѳлѳдчи. А гѳлѳсыс пыр матыстчис. Сѳсся вежѳрам быттьѳ ыджыд югыд шар ѳзтылысны: мужичѳй гѳлѳс корис... Лѳбачѳс. Нимнас шуис. Ме вешйи туся кустъяс дорсыс да сибѳдчи сылань. Шызѳма. Радысла тайкѳ лѳбас. Кияссѳ этадз паськѳдѳма, быттьѳ дась нин сывъявны абутѳм на мортсѳ. Сѳсся бергѳдчис мелань, питшѳгсыс кыскис кабалатор да мыччис, топѳдліс менѳ ас бердас, окыштѳс бандзибѳ и вешйис. А сѳсся сылі син водзысь. Некымын здук ме эг вермы кыв шуны ни места вылысь вѳрзьѳдчыны. Син водзѳй пемдѳс, быттьѳ кѳнкѳ морѳс пиын, кутшѳмкѳ ылі пельѳсын, олѳмыс кусѳ. Водѳ му вылас да ланьтѳдчи, садьям джумъя кутшѳмкѳ юкмѳсѳ вѳйи. Кор палялі, гѳгѳр вѳлі лѳньсыс-лѳнь. Став туруныс и быд дзоридз ме гѳгѳр трѳпѳка кывзѳсны олѳмсѳ. «Кѳні нѳ кабалаыс?» — медводз воис юрѳ. Аддзи дзутсыѳм турун пѳвстысь. Восьтѳ. А кипѳдтуйыс — дзик быттьѳ рака кѳкѳн парсалѳма. Пондѳ лыддыны, да ни ѳти кыв эг гѳгѳрво. Пукси шор бокас да лунсѳ кѳттшѳб виччыси Лѳбачѳс. Рыт воис, но некодѳ весиг эз вуджѳртлы шор саяс. Ѳтнам и довги гортлань.

Ѳг тѳд, кыдзи сѳки верми ас дорысь лѳдзны сѳйѳс. Но мунысьѳс верман ѳмѳй кутны? Такѳдѳ на ачымѳс, но гѳгѳрвои ѳд: бѳр оз нин лок. Чайта, сѳні сѳйѳс радейтѳны, а танѳ ме кындзи сылѳн некод эз вѳв. Мѳвпнам унаысь гѳгѳртлі сѳтчѳс местаяссѳ, казьявлѳ лов пыр мунысь видзѳдлассѳ... Ме ѳд весиг и керка пытшкѳссѳ сылысь ѳг тѳд — гортас некор эз чукѳстлы. Но вежѳн пыртѳдліс сѳтшѳм кышыд вѳр пельѳсысѳ, вуджалѳм кок улын лайкьялысь сѳтшѳм зыбучьяс да кевлѳм гулю коктѳ кынтысь сѳтшѳм ѳльяс.

...Уна лун корсим, кодьяскѳ збойджыкьяс весиг шор мѳдлапѳлас вуджалѳсны, но черепичнѳй вевта некутшѳм керка абу аддзылѳмаѳсь. Володь татчѳ шуис, сѳдзкѳ пѳ, тыдавтѳм ѳдзѳсыс мѳд мирас пѳдса.

...Да, лѳдзи ас дорысь Лѳбачѳс. Бураси лѳѳмторйыскѳд. Но сытѳг сиктыс лѳи мѳд нога — кутшѳмкѳ тыртѳм да гажтѳм. Вѳдзѳ танѳ менѳ нинѳм эз кут. И регыд бѳр мунѳ карѳ.

Ѳти арся лунѳ звѳнитлі Володьлы. Висьталѳс, мый Лѳбач абу и волѳма. Нѳшта юѳртѳс, вѳй кыаыс пѳ тавѳ сѳтшѳм водз востымаьсны пондѳс да сѳтшѳм рѳмъясѳн — дивѳ босьтлѳ, енѳжсѳ быттьѳ югыд бордѳн мавтышталѳны. Став сиктѳн петалам видзѳдны.

Ветла, вичмѳда кад да быть ветла. Колѳ аслам синмѳн аддзывны. Тайѳ кѳ Лѳбачсянь юѳрыс, гѳгѳрвоа. Сѳйѳ ѳд меным ысталѳ.

Нюрныв

— Муй нө сулалан бара? Өкты тусьсө, өкты! Век кытчөкө ылааломыд, — шуалө нывкалы мамыс.

— Ме кылі гөлөс. Сійө менө нимнам чукөстис, — вочавидзө ныв.

— Некод некөн абу, вотчы вай, сійөс төд!

Кутшөма воөма вотөсыс! Мукөдсө босьтан киад, да ляксөны нин чуньяс костад. Но эмөсь на и гөрд бана тусьяс. Нюра найөс и пуктылө вомас — мед пиньяс костас гурчмунлө.

Нывка радлө вотөса быд дзулы. Но наберушкаыс некыдзи оз тыр. Мамыслөн жө регыд чукйөн нин лоө, да и лөп вуджөр вотөс вылас абу. А Нюралөн... и мырпом корйыс, и песни чалыыс, и лыскыс, и чөд кор на кыськө веськалөма.

— Но, вай сэсся гортлань мөдөдчам, волөм понданым тай лышті-а,— тайө кывъяссө кылөм бөрын нывкалөн вежөрын өвтыштіс ювивса ыркыдөн.

«Гортө! Өдйөджык гортө!»— Нюралөн юрыс нин кольмис лунтыръя жарсьыс да керч дукусь пөдөм нюрсьыс. Воасны да медводз мырпома йөв паняласны. Медся сыв тусьяссө бөрьясны. А водөм водзас Нюра пондас казытивны сійө гөлөссө, коді тай вөр пидісянныс нимнас чукөстліс. Нывкаөс весиг сэрөд босьтліс. «Коді нө эськө сэні вермис лоны?.. Мыйкө өд бабьяс, помнитсьө, казытылісны төвся кутшөмкө рытө: вөлөн ли подөн пө кор мунан Ді пөляті, вермас и вержитчыны, дай вөрас пө этійояс гигзылөны... нешиведиясыд. Кодъяс найө сэтшөмьясыс? И мыйла тайө вуммуніс меным?»

Мыйта кад коли, но Нюра өнөдз на оз төд вочакывсө. А неважөн казытыштіс нөшта өти лоөмтор: коркө нылалан кадас Діын көлыясисны и сөрөнкодь нин вөла доддьөн петісны гортлань. Мөдісны эськө, да Ді пөлясыс водзө некыдзи эз вермыны мунны — вөлыс кытшов бөрся кытшов гөграліс, бөр ковмис Діө мунны да сэні войколавны. А мөд асывнас кокниа вартіс — некытчө эз кеж, и некутшөм кытшов эз падмөд. Регыд и воисны Пөгөстө.

«Кыдзкө өд бабө ас ногыс вөлі шуө найөс, чукляяссө?»— пондіс казытивны Нюра, некымын лун эз вермы мынтөдчыны тайө мөвпсьыс. Кутшөмкө лунө сэсся удж вылас восьтіс словарь. «Гашкө, тані эм,— надеяөн мөвпыштіс ачыс, а кодкө мөд быттьө шуаліс:— өдвакө, өдвакө...» Дыр листаліс бөр и водз, но коланаыс эз и шед. Син улас сэсся веськаліс дзык мөд вежөртаса кыв. Сыөн сэсся и нимтіс нюрын чуксасысьсөс. «Тайө өд миян кывйыс, вашкаса»,— радмыштіс весиг, а син водзас пыр и петкөдчис пыжөн ю вуджысь кузь юрсиа ныв. Со сійө нин сибөдчис мөдар берег дорас да кокниа чеччыштіс галя изйөн көдзөм лыа вылө — и кинас платтьө бөжидорсө кутышталө. «А кутшөм кузь платтьөа! Кытчө нө тадзисө мөдөма? Нюрө өд татшөм платтьөөн оз жө ветлыны. И коді тайө нылыс? Быттьө абу миян сиктса?»— падъялөмөн мөвпаліс тадзи и сэк жө поліс воштыны син водзсыс ру кодь серпассө. А нывка та коста кайис нин

зѳм кыркѳтш йылас и регыд саймовтчис вѳр подйѳ. Нюра быгтѳѳ садѳмис: «Тайѳ жѳ этйѳ... нюрсаыс... кодѳ менѳ нимнам коркѳ чуксавліс. Збыль ѳд сйѳ!» И окота лои казѳтыштны важсѳ да мѳвпнас выльысь вольны сйѳ нюрас. Тадзи гижис сѳки некымын висѳт, а сѳсся дасѳтѳс книга. Серпасавны босѳгчылісны унаѳн, но некодѳ эз сяммы петкѳдлыны Нюрнывлысь ловрусѳ, а книгасѳ колѳ вѳлі нин нуны типографияѳ. Бѳрѳя здукас нѳшта ѳти художница кѳсйысис босѳгчывны.

...Вой шѳра войѳ Нюра садѳмис кутшѳмкѳ шыысь: стен бердын сулалысь ыджыд шкапыс ставнас тѳравны мѳдѳс, сѳсся мыйкѳ сѳтшѳма трачмунліс. Нюра чеччыштѳс диван вывсьыс да тѳрмасѳмѳн петѳс комнатасѳыс, и сйѳ здукас кыдзи тай мыйкѳ сѳвмунас. Вѳлѳмкѳ, рѳмпѳштаныс шкап ѳдзѳс бердысь торѳьялѳма — джодж пасѳтала стеклѳ торпыриг лои. «Мый нѳ тайѳ? Эз-ѳ кѳть нин Нюрнылыд таджикѳн петкѳдлы асьѳ?» Асывнас художница вайис серпасѳяссѳ, и ставѳн наысь аддзисны Нюрнывкаѳс. Сѳдзкѳ, войнас сйѳ и волѳс.

А мѳдысь, гортас машинаѳн мунѳгѳн, Нюра ас кежсьыс панѳс ськѳд сѳрни:

— Нюрныв, тѳ ѳд збыльвылас абу, сѳмын менам вежѳрын?

— Вийым ме,— друг вочавидзис сйѳ. И тайѳ кывѳясыс воисны Нюралы веськыда вежѳрас.

— А вийым кѳ, казьѳд асьѳ,— кѳсйис сюсявны Нюра. Но мѳдыс чѳв олѳс. Коли мыйтакѳ кад, Нюра весиг вунѳдліс нин сы йылысь. Но кутшѳмкѳ здукѳ...

Тувсов нюрѳяс ойѳдѳмаѳсь вѳлі, и ваыс воѳма дзик туй дорѳдзыс. Веськыдладорсьыс вой тѳв турун чукѳр Нюра казяліс, мичасѳыс-мича. «Тайѳ и эм тѳсянь чолѳмыс?»— юалѳс Нюрнывкылысь. И та бѳрын нѳшта ѳти чукѳр, мѳд, коймѳд — югыд войѳ шондѳѳн ойѳдѳдѳм дѳяс петѳсны и петѳсны син водзас. «Ладнѳ, ладнѳ, тайѳ чолѳмыс збыль тѳсянь. А нѳшта?»— нюмѳѳвтѳс тыдавтѳм нывкалы Нюра. Туйыс водзѳ мунѳс яг веретя вывтѳ, а сѳсся лѳччис увтасѳнѳ да сунѳс пѳпуа раскѳ. И друг сѳтысь машина водзаныс кѳч чеччыштѳс, да сѳтшѳм ыджыд! Татшѳм кѳчсѳ Нюра некор на эз аддзывлы. А кѳчыд мѳдѳс тай машина водзас котѳртны. Миша надзмѳдѳс ѳдсѳ. И кѳчыд сувтовкерис. Бергѳдчис раслань нырѳн, пуксис и пукалѳ. Мишалы ковмис сувтѳдны машинасѳ — виччысьѳ, кор табѳя кокаыд туй вывсьыс вешѳяс. А сйѳ оз и думайт вѳрзыны. Мишалы дышѳдѳс жѳ да заведѳтѳс моторсѳ и газнѳтѳс нарошнѳ, и кѳчыд водзѳ тривксѳѳдны мѳдѳс. Тадзи куим пѳрйѳ на сувтліс. Сѳсся кутшѳмкѳ здукѳ боквыв сетчис и саяліс асьѳя рѳмыдас лѳзалысь пѳпуяс костѳ. «Ладнѳ, тайѳ чуднѳй кѳчыс тшѳтш тѳсянь,— мѳвпыштѳс Нюра.— А водзѳ?»

А мѳд асывнас Сашкѳ вайис яй. Шуис, мый войнас пыскѳд лолаѳс лыйѳмаѳсь. «Но вот тай дивѳ!— ас кежсьыс чуймалѳс Нюра.— Кѳнкѳ ѳд, Нюрнылыд и вѳтліс налань йѳрасѳ».

Но тайѳ на мый! Лун-мѳд мысти Нюра тѳдсаѳс паныдалѳс. Кыдзи век, сѳрнѳтѳсны быдторсѳ, а сѳсся аныд нюмѳдѳс да гусьѳнмоз и висѳталѳс: «Колян во гѳжѳм мырпома нюрѳяд ветлі, дак Нюрнывтѳ ѳд аддзылі. Нач сѳтшѳм, кутшѳмѳн нѳгаад гѳжѳ-

мыд: кузь платгьоа и вöлі, банийом мырпом рöма. Вуджис нюрсö син водзті и вошгысис. А ме дьр на сулалі вомöс паськöдöмөн — парзовтліс-ö мый менö, код тöдас, ас выйö тай вои да кьдзи уськöдчи нюр вывсьыд — весиг тусьыс абу жаль, нюрсö весьтас да весьтас нюж келі, некутшöм трöпа эз ковмы. Кутшöмкö ёльöб на садьтöгыд вуджсьöма — люч ва вои гортö. А кьдзи вои, ог весиг помнит. Öнöдз на шункур ветлöдла. И Нюрнылыд пыр на син водзам. Тэныд со висьталі, а сиктын вом тшимöмөн ола, некодлы воссьыны ог лысьт — ййöн чайтасны».



Удораса сёрни гөгөрвоёдөм:

Трөпöка — *зэв сюся, ас пышкас быд шы босьтöмөн.*

Лунсö кöттшöб — *кузь лунтыр, орöдчывтöг.*

Сыв — *воём, кисьмём.*

Сэрöд босьтліс — *кынтыліс.*

Вартны — *гөнитны.*

Вой төв турун — *калужница болотная.*

Лола — *йöра.*

Парзовтны — *вомдзавны.*


Нюж — *зэв öдйö.*

Люч ва — *сулик ва, брöг ва.*

Шункур — *сынисагь.*

Вом тшимöмөн — *вом топöдöмөн.*





Вячеслав БАБИН

ЭСКӨМ

КЫВБУРЪЯС

Гортын

Тані, тані, тані, тані,
Көні сиктөй лунө бана.
Көні муыв уджъяс пана,
Көні дышлунөн ог янав,
Вөлись кок йыв сувті ме.

Вөлись куті лоны мортөн
Тані, тані, тані, гортын.
Лои быттьө биа-борда,
Аддзи сэтшөм уна ёртös,
Водзті өткөн олі мед.

Вой төв

Вой төв жбуткө, и оз өвсьы,
Бывла нормис тайö төвсьыс.
Льөмлы дзоридзавны колö,
А со гартөг век на олö.

Зараваыд оз жö войтав,
Мыйла ставсö дзугин, вой төв?
Йöрын дзоридз оз на пет и,
Вижьюр ойдөдөма сәті.
Сійös өкта эськө соддзö,
Но виж рөмыд — юксьом водзö.

Йӧз

Сир курыд шог кӧ сьӧлӧм бердад локтас,
Эн зиль тэ йӧзлы восьтны ассъыд шогтӧ.
Ӧд йӧзыд йӧз и эм, оз юкны сийӧс,
Оз мыччыны тэн жалитана кияс.
Кор мортлы мойвиӧ, сэк завидьтысьыс уна,
А висьман да — дзик ӧти здукӧн вунан.

Эскӧм

Копырӧн да пернапасӧн
Паныдала дзик быд асыв.
Эска: луныс шуда лоас,
Ен пельӧдз кӧ корӧм воас.
Сьӧкыд эскытӧгыд овны:
Сисьман вир-яйнад и ловнад.

Лача

Кор шогыд уськӧдчылӧ кутшӧн,
Да гыжсьыс мездьсьны он куж,
Сэк гӧгӧрвоан, жеб на кутшӧм
Ас муӧ лэдзӧм олан вуж.

И синванад кӧть кыдзи киськав,
Оз сийӧ вужлы вынсӧ сет.
А сетас енув пельӧс сиськыс,
Код яра ӧзийӧ, а оз чискы,
Шог-кутшӧ чижкалыштны мед.

Тӧжд-мог

Дзик нинӧм киясӧ оз пыр,
Весь бовъяла, ог аддзы инӧс.
А могыс водзын — юр выв тыр,
Да оз тай артмы дзик-дзик нинӧм.

И весиг йӧзлы кӧсийӧмтор
Ог слӧймы вӧчны, кыска, кыска.
Но кодыр уджыс пом ни дор,
Оз отсӧг чукты весиг кыськӧ.

Мый тайӧ — дышмӧм али мудз?
А, чӧжсьӧм веськодълун нин, гашкӧ!
Кор гыррдза курччыны он судз,
Кӧть шӧрипельӧ асьтӧ чашкӧд.

Төжд-могыс өкмө, и оз быр,
Лун-вой тадз кольо, майшөг лолон.
И век жө эскөм эз на быр,
Мый ылөсас ог чужъяв олөм,
Мый могыс водзын — юр выв тыр,
Мый му вылас ме, сідзкө, кола.

Гуран

Көть и эськө
Туйой веськыд,
Повтөг восьлала, ог чот.
Сөмын гуран
Кодыр сюрө,
Падма, быттё кодзувкот.

Гуран венны
Сьокыд меным,
Эг и велав олөм чөж.
Весяс чайтсьө:
Туй выв няйтсьыс
Петан сям эг этша чөж.

Войтва

Керка вевтө жөлөб зэвта,
Медым чөжны зэра ва.
Тулыс чөжөн юа көшөн
Сійос, быттё зарава.

Тувсов зэрыд аттө вына,
Коя ванас пывсян гор.
Киськася да мудзысь мына,
Пөттөдз корөсяся кор.



Алексей ПОПОВ



ВӨТӨН ДА ВЕМӨСӨН

СЕРПАСЪЯС

Водзкыв

Неважөн лыдди суйорсайса өти гижысьлысь дженьыдик гижөдъяс. И зэв сьөлөм вылө воисны. Мортыс кузя нюжөдтөг восьтөма кутшөмкө сюрөс. Абу шыблассьөма, абу виддөма подулавны, мыйла мортыс тадзи вөчөма. Быттьö кежөма висьтлөн законъясысь. Менам юрын вөлі некымын висьтлы сюрөс. Да и кымынкö кывйөн кабала вылө пасъявлі. Мед ог жö вунөд. И со мөвпышті тайö сюрөсъяс сертиыс лөсьөдны неыджыд гижөдторъяс, кодъясöс висьтөн шуны ог весиг кут.

Мукөд висьтсö лыддян да весиг дözмылан. Мый морла висьтыслы кутшөмкө ас туй индөмаось? Кутчыяс гижысь висьт гижны. Колö сылы быттьөн пасйыны, кутшөмджык көть нин шөр геройыс. Со и гижасны, мый медводз юрас вартас: кызіник льöбъяса, сьөд синма, тэрыб либö ньöжмыд вöраса. Быттьö лыддысьыслы тайö зэв колö. Сэсса кодкө кө веськалас вөрö, то быттьөн кутчыясны вөр-васö серпасавны: кок улын кышакылісны усьөм коръяс, пуясыс зарниөн öзйисны (ар кө быттьö). Менам бать босытчас вөлі лыддысьны да зэв öдйö водз гижөмсö листайтас. Мися, мый нö он водзсянныс лыдды? Тани пö куим лист вылө гижөма, кыдзи шондi петö. Ме пö сійöс ачым быд асыв видзöда, нинөм выльсö ог тöдмав.

А мыйкө кө шөр геройыс либö мөд морт вөчас, то колö вель кузя подулавны, мыйла тайöс вөчис. И кутас гижысь юрсö песны. А олөмас дзык мөд ногөн овлө.

Коркө важөн нин паныдаси водз асылын өти төдса өрткөд. Зэв жугуль. Ковмис юасьны.

— Ме төрыт рыг ылали да со эг гортын узь. Мөд нывбаба дорын,— ышловзис сійө.

— Мыйла нө тадзисө вөчин?— нюммуни ме.

— Мун да сэсса өни и төд. Гортө мунны со колө. Со и мөв-пала, мед эськө война ли мый заводитчис. Сэки көть эз ковмы гөтыр водзын дорйысьны, мыйкө лөсьөддыны.

Верөсьяслөн мөд дорын узьөм йывсьыд литератураад унаысь паныдасьлө. Гижысьыс босьтчас кузякодь висьтавны, мыйла та-дзисө вөчис, корсьны кутшөмкө подулалана помкаяс. Быттьө босьтчө дорйысьны лыддысьысь водзын. Со пө гижы, а тайөс мортлы вөчны оз ков, абу мича, со пө кызди ковмө майшасьны. Мукөддырийыс вель кузя гижасны, мый мудзлан. Окота өдйө-джык төдны, мый лоас гортас? А сэни вөлөм гөтырыс асьыс мыйкө мөвпалө. Бара жө вель кузя гижөмаось та йылысь. Коскө-дзыд лым толати собөм кодь долас тайөс лыддынысө. Бур, казя-лан кө кузь гижөдсьыс кутшөмкө водзти кывлытөм мөвп. Но ов-лө, мый ставсө тайөс тэ төдан нин. И мөвпыштан, мый гижин кө эськө тэ дженьыдджыка — бурджык да. Ме сэсса ачим кызкө юрын мөвпышта, мыйла тадзи вөчисны.

Тайөс төд вылын кутөмөн и гижы тайө нель гижөдсө. И ог шу висьтъясөн, а серпасъясөн.

Мый вөлөма, кольөма

Митрей Ваньлы телевизор вылө дзоргыны дзык дышөдiс. Быд-сяма нинөм абусө петкөдлөны да. Кусөдiс да пукалис чөв-лөняс. Дзык чөлөн эськө карса олөмтө он шу. Кодкө лифтөн лэччө-кайө. Машинаыс на жургөны-ветлөдлөны. Но на дорө велалөма нин да, быттьө оз и кыв. Öшиньö лунтыръясөн видзөдны дышөдө жө. Гожөмнас көть йөрас петалас либө кар кузя тапикасяс. А төв-над оз төд кытчө асьсө воштыны. Керка пытшкөссө бура пель-көдiс, нинөм вежны оз ков. Он кө быттьө дивансө да паськөм видзан шкапсө быд лун өтарө-мөдарө вештав. Коли сөмын небы-дик пуклос вылө шняпкысьны да вугравны либө мый йылысь кө мөвпавны. Митрей Ваньлы юрас воис весьөпөрана мөвп. Весиг кывзысьыштiс, чайтiс, мый кухняын ноксьысь гөтырыс вермис кывны юрас воөмторсө. Сылы воис мөвп, кызди эськө мунис сылөн олөмыс, быттьө гөтрасис кө кутшөмкө ныв вылө, кодкөд мусукасьыс томдырийыс. Эз эськө торья унаыс и вөв да. И өни нем виччысьтөг шензышптiс, мыйла сійө буретш олө Машөыскөд, кодi тай кухняас ноксьө. Мыйла мөдкөд олөмсө эз йит? И ку-тiс син водзас сувтөдавны сэкса нывъяссө. Быттьө стройөн сув-төдалiс. Öни, дерт, найө вежсисны нин, сы кодь жө нярмуном чужөмаось. А сэкинас ставныс вөлины томось да мичаось. Со Нина сулалө. Кыз эськө олөмыс мунис сыкөд, ас сиктса том дояркаыскөд?

Асыв. Ывла вылын кӧдзыд. Войбыднад керка пытшкыс дзи-кӧдз ыркаліс. Кӧть эськӧ Митрей Вань оланінсӧ ас кинас кыпӧ-діс, стенсӧ лӧсаліс и кер костъясас нитшсӧ бура сюяліс, но кӧ-дзыдыс тай шоныдад сюйсянінтӧ век аддзас.

— Ванюк, чеччы, пачсӧ ломты,— меліа корӧ сы дорӧ топӧд-чӧм Нина.

— Вай узьыштам на.

— Некор нин, Ванюк. Витӧд час вылӧ нин петӧма. Ломты пачсӧ. Шоналыштас керка пытшкыс, да ме сувта жӧ.

— Позис на эськӧ узьыштны да,— эз лёкыс броткы Митрей Вань.

— Кӧдзыд да, тракторыд на дыр оз заводитчы. Тэнӧ ӧд талун вӧрӧ кер вайны ыстісны. Тӧрыт тай ачыд висьталін.

Дыш да быть ковмис сувтны. Ломтіс пач. Сюйис тшайник, чугуно тэчис мыськалӧм картупель. Ачыс думсьыс нимкодясьыштис на, мый пыксис ассьыныс мӧс видзны кутчысьӧмсьыс. Нинаыс эськӧ кӧсйис да. Гидад кӧ нӧшта мӧс, порсь да кукань вӧліны, то куим часын эськӧ ковмис чеччыны. Сёйыштӧм бӧрын пальӧдісны нывсӧ да писӧ. Детсадыӧ на ветлӧны. Но татшӧм водзтӧ сійӧ оз на уджав. Колӧ тьӧща дорас гаражӧ мунигмозыс даддӧн кыскыны. Челядыс абу вильышӧсь. Чӧла сувтісны да виччысисны, кор мамыс пасьтӧдас. Нурьясьыштасны нин тьӧща дорас. Бур, мый сійӧ эм. Эз кӧ вӧв, то дзик пӧгибӧ воины. Кытчӧ татшӧм водзнас иналан?

Со нин кызь во олӧны Нинаыскӧд. Митрей Ваньлӧн кӧдзыд дырйи уджалігад гӧгӧр нин юкалӧ. Ниналӧн скӧт картаас пыр ӧдзӧсьясыс восьсаӧсь. Тӧв улад ноксигӧн быдлаті жӧ висьӧ. Но век на Ваньӧс Ванюкӧн шуӧ. Зэв мелі Нинаыс вӧлі да. Абу ӧнія гӧтырыс кодь. Сійӧ эськӧ первойсӧ мелі жӧ вӧлі, но ӧтлаын олігад тай куш мелінад лоны сьӧкыд. Пинясьӧмӧдз воывлісны весиг. И эз ӧтчыдысь. А Нинаыс со абу сэтшӧм. Кӧть висьӧдчӧ, оз нин томдырся мозыс ставсӧ котӧрӧн вӧч. Но мелілуныс абу вушйӧма. Гашкӧ, та вӧсна и колӧ вӧлі сы вылӧ гӧтрасьны да?

Но кызди сувтӧдіс син водзас кӧдзыд тӧвныр улын трактор дорын гудйысьӧмсӧ, весиг ӧні небыд пуклӧс вылын да шоныдінын пукалігас йирмӧг босьтіс. Гашкӧ, весиг та дырасӧ эз ов, висьӧмысла куліс. Бур, мый Нинаыскӧд олӧмсӧ эз ӧтлаӧд. Дерт, сэкинас эз та вӧсна дзугсьы налӧн мусукасьӧмыс. Сэки та йылысь Митрей Вань весиг мӧвпавнысӧ эз кужлы. Мыйкӧ мӧдторйысь артмис налӧн янсало́мыс. И бур, мый артмис.

Нинакӧд орччӧн со сулалӧ Дина. Ок, и варов сійӧ вӧлі! Эз вермы овны ӧтнасӧн, сылы пыр колӧ вӧлі кутшӧмкӧ кампания. Весиг Митрей Ванькӧд мусукасигӧн эз кужлы дырсӧ ӧтлаын овны. Вай пӧ код дорӧ кӧ ветлам. И курыдторгӧ радейтіс. Пуксясны вӧлі пызан сайӧ, да Ваньӧ кӧ нюжмасьыштас сылы вылӧ кисьтӧм курыдторсӧ юны, то Динаыс ассьыс зэв ӧдйӧ гулькнитас да сылысь вомас койыштас. А кыз эськӧ татшӧмыскӧд оліс? Быттӧ ӧтлаасисны кӧ? Ӑд сылань вӧлі ставыс муно. Ваньӧлы зэв кажитчис тайӧ нылыс, коді некытчӧ эз матайтчы.

Дерт, карын олісны. Динаыс сиктад овны эз кӧсйы. Сэні пӧ

некытчө петнысө. Некодкөд весиг сёрнитыштны. Гажтөмысла пө кулан. И со найө жыкруйтөны карса патераын. Динаыс сяммис судзөдны оланінсө. Митрей Вань помысь эськө нинөм эз чукты. Көні найө кыкнанныс уджалөны — оз весиг вермы урчитнысө. Дерт, көнкө уджалісны. Сытөг некыдзи жө. Но садьмөм бөрас Дина выныштгөмөн топөдчыштө верөс дорас да ышловзбө:

— Неуна унджык жө эськө төрыт юөма лои да. Мыйла нө, Ваньбө, менө вывті юөмсыс эн кут?

— Видлі жө эськө да,— дорйысьны босытчис Митрей Вань.— Но тэ тай кыдз кодзнитлім ме вылө.

— Сэссия ог кут тадзисө,— топыда сывйыштис Динаыс верөссө.

Унаыс нин тадзисө шуліс да, Митрей Вань весиг эз вочавидз.

— Он эскы али мый? Збыльыс сэссия ог кут,— сэтшөм мелиа шуис Динаыс, мый мужичөйлөн морөс улыс топавліс.

Гозья дыр эз сувтны. Небыд да шоньд вольпасяд куйлігөн быдсымаыс вөлі. Коркө сэссия энөвтисны жө узыланінсө. Ваньбө веськөдчис кухнялань тшай пуктыны. Сійө тырөма мыськытөм тасыті-паньбөн, көструльясөн. Кык улөс пөрөма. Төрыт Динаыслы ки улас веськавлісны да. Гашкө, Ваньбө ачыс найөс пөрөдіс. Вель жө гажа юра вөлі да. Водзті сійө юнытө эз торья радейт. Неуна вирсө сорлавлыліс, и тырмымөн. А Динаыскөд өтласьбөм бөрын вочасөн и сійө өнджыка босытчис юнысө. Гөтыр бөрсяыс бытгтбө вөтчис. Первойсө лючки сы вөсна, мый садьджык юрнад эз кут кажитчыны пөлыслөн люллялөмыс. Унджык кө юис, то тайөс бытгтбө эдджык казьяв.

Дина нөдзласигтыр локтіс жө кухня вылө.

— Часлы, ас садьбө воа да, ставсө мыськала,— топөдчыштліс верөс дорас том нывбаба. Татшөм меліунсыс Митрей Вань ставсө дась вунөдны. Весиг ачыс кутчысис да став тасыті-паньсө мыськаліс. Тшай юисны, варовитісны, казытылісны төрытгья йөзсө. Код вылын кө серальштисны. Кодөскө жалитыштисны. Сэссия неуна пелькөдчыштисны патераас. Ставыс лючки-ладнө лоис. Но рытладорыс Дина кутіс жугыльмыны.

— Гашкө, ветлам кодкө дорө,— кевмысяна гөлөсөн шыасис сійө верөс дорас.— Кыкөнлытө өд зэв гажтөм рытыс лоас.

— Колөкө, ог да. Гортын пукыштам. Варовитыштам.

— Ми тэкөд ставсө нин сёрнитім да. Мөд пөв өд висытавны ог кутбө,— чушсө нюжөдіс Дина.— Меным лөсьыд, кор вель йөзкөд паньдасыла, төдмасы. Гортын овнытө удитам на. Пөрысьмам да сэки. А өні гажаджыка овны колө.

Митрей Ваньлы пыксыны абу кивыв. Оз кө гөтыр ногыс вөч, то рытнас олом оз ло. Пыр кытчөкө крукасыны босытчас, пыркьявны. Та йылысь мөвпыштис да шуис:

— Код дорө нө ветлам?

— Сюрас на код дорө. Төрыт тай өти гозья вынөн гортаныс вөлі нуөдөны. Ме эськө дась вөлі ветлыны, да тэ мырдысьбөн гортө кыскин. На дорө и ветлам. Со телепонсө весиг налысь гижы.

Рыгнас найо нин пукалісны пызан сайын. Вель бура дасьтысьмаоьс налөн воигкежлө. Весиг мукөд госьтгьясөс на корөмаоьс варов, мича Динакөд төдмасьны. И дерт, юыштисны бурпөт. Гажмыштөм Дина пыр өтарө висьталө и висьталө. Мукөдыс сералөны. Öти том мужик вөлі өтрасөн. Либө гөтыртөм, либө пөвсө аскөдыс абу босьтөма. Синсө пуктис Дина вылө. Нывбаба дзикөдз ышмис сылөн леститчөмысь. Кытчөкө саймовтчылісны, да Митрей Ваньлы ковмис весиг корсьны чечывны. Видзөдө да, гөтырыс коридорас мужичөйыдкөд нин окасьө. Эз жө тай тышкө воны-а. Дыр сэсся Динаыс прөща корис. Ковмис прөститны. Мөдысь татшөмтор лотөдзыс бура олісны. Дерт, асьныс госьтитны ветлісны, и на дорын чукөртчылісны.

Сэсся Митрей Вань аддзис асьсө да Динаөс кызь во мысти кымын. Со нин найо рөтйысьөм паськөмаоьс ветлөдлөны кар кузя. Овны некытөн, патерасө важөн нин вузалісны да юисны. Дина вылө и видзөднысө нин шог. Митрей Вань асьсө сувтөдіс син водзас, да йирмөг весиг босьтис. Сьөкыда ышловзис. Видзөма жө сійөс Енмыс Динаыскөд өтласьөмысь.

Динакөд орчөн Валя сулалө. Митрей Вань зумыштчис. Көс-йис корсьны нылыслысь кутшөмкө нелючкитор, коді эськө бура подулаліс, мый сыкөд кө өтласис, то олөмыс эз жө тыр-бура мун. Тайөс асьсө такөдөм могысь мөвпаліс, мед кызкө бурөдны асьсө. Но эз өд и аддзы. Пошта вылын Валяыс уджаліс. Зэв раминик. Сыкөд варовитигөн Ваньө весиг гораджыка шуны эз лысьт. Чайтис, мый повзьөдны нывсө вермас. Недыр эськө сыкөд и паныдасьлісны да. Кытчөкө мөдлаө Валясө ыстисны районса шөр сиктсьыс, кытчө армия бөрас овмөдчыліс Митрей Вань. Дерт, гажтөмчисны кыкнанныс. Сиктыс, кытчө нывсө мөдөдісны, көть и өти районуын, вөлі зэв ылын. Сөмын ичөт самолөтөн письтан воөдчынысө. Машинаыс сэтчө ветлісны сөмын төвнас да гожся кос кадө. Кыкысь-куимысь Митрей Вань ветліс жө Валясө видлыны. А сэсся кызкө вунөдыштны кутис. Гашкө, мөд ныв син улас уси, коді дзик дінас. Валя эськө гижис и звөнитис. Но сэсся и ачыс эз кут. Кывсис, мый зонкөд жө паныдасьлө. Кызди эськө Митрей Ваньө оліс татшөм рамыскөд? Эз вермы бурасө и гөгөрвоны. Гөтырыс, Машөыс, абу сэтшөм да. И недыр кежлө сувтөдліс серпас, кызди найо Валяыскөд олісны эськө. Шум-зыктөг керкаын чөв-лөнь. Асывьяснас сувтлісны, өтувйөн вөчисны гортгөгөрсө уджсө. Та бөрын кутчысьөмөн петлісны йөз син водзө, мед вежсө налысь пычиктыны. Тэрмасьтөг, өта-мөдсө меліа кутігтыр вөсьлалісны. Гашкө, весиг эз сөрнитны, сідз ставыс гөгөрвоана да. Сэсся и Валяыс эз уна сөрния вөв. Митрей Ваньөс варовөн он жө шу дай. Гажтөма эськө олөм,— такөдіс асьсө Митрей Вань, быттө ачыс ас водзас зілис дор-йысьны, мыйла Валяыскөд олөмсө эз йит.

Син водзас сувтөдөм нывьяс дорын боқынджык моз, быттө вуджөр, кодкө сулаліс на. Тайө жө эсійө, кызди и шулісны? Сөмын нывбабаяслысь став нимсө лыддьөдлөм бөрын юрас вартис, мый шулісны сійөс Варяөн. Варук, сідзкө. Сыктивкарын оліс. Сэтчө гежөдика ветлігөн кызкө төдмасьлісны. Тайө нылыс-

көд Митрей Вань сөмын кыкысь либө куимысь паныдасьліс. Гашкө и, унджыкысь да. Мун да сэсся и төд та мында во кольом борад. Висьтавліс, мый армияын сылөн зон служитө. Но меным пө тэ, Ваньө, зэв ёна сьолөм вылө воин. Пыр пө тэ йылысь мөвпала. Митрей Вань сьолөмын да юрын татшөмыс эз вөв. И кор нем виччысьтөг Варяыс телепон пыр юөртіс, мый аски пө зонмыс армияысь локтө, Митрей Вань недыр кежлө шөйөвошлі. Нылыс кутіс юасыны сылысь, мый вөчнысө. Висьтавны пө абу сылы, мый тэ менам эм, да янсөдчыны зонмыскөд, Митрей Вань көсйысис удж бөрас воыны карө да сэні өтвылысь ставсө артыштны. Весиг инсө индіс, кытөн паныдасясны. Быттө жаль лои нывсө татшөм өдйө воштөмысь ли мый ли. Но рытөдзыс карө мунөм йылысь мөвпыс кутіс сывны. Сійө ачыс на эз торъя важөн армиясыд во. Асьсө эськө некод нывъяс пөвстысь сэтчө эз кольөд, но өртъяс сертиыс төдіс, кутшөм лөк, кор оз виччысьны. Быттө Варя вөснаыс Ваньө эз косьмы, а зонмыс, гашкө, радейтө. Доймас сьолөмыс. Тайө помкаыс лои тырмымөн, медым өвтыштчыны карө ветлөмсьыс. Колөкө, Варяыс зонмыскөд кутшөм бура өніөдз на олөны. А кыдзи эськө ачыс ськөд оліс, быттө ветліс кө карас да янсөдіс нывсө зонмыскөд? Көсйис на та йылысь серпасъяс син водзас сувтөдны, да кухняс мыйкө лөкысь клонмуніс. Джоджас, тыдалө, усянтор аддзысис. Эз-ө нин Машөыскөд мыйкө ло? Митрей Вань уськөдчис кухняө.

— Кымынысь нин тэныд дөжнавлі, мед шкап өдзөссө шуруп вылө бура гартан, а тэныд шу көть эн,— броткыны уськөдчис гөтырыс.— Мукөд кө эськө важөн нин вөчис. А тэныд сёысь век шуны колө. Мыйла бара тэ сайө петі-а? Өд кымынөн вөтлысисны. А ме, йөйыд, тэ вылө ышти. Төді кө...

Митрей Вань гөтырыслөн ропкөдчөм улын босьтчис лөсьөдны шкап өдзөссө. «Тыдалө, пусигмозыс зонъяссө жө казьтылөма,— бергаліс сылөн юрын. Сэсся весиг гусьөнмоз вашмуніс:— Нинөм. Өні он нин бергөд. Ковмас нин мекөд овны».

Төвйылөм көч

Өти сиктын чужисны да уськөдчисны быдмыны кык нывка — Нина да Катя. Өтлаын детсадыө ветлісны, сэсся школаө босьтчисны котравны. Урокъяс бөрын исласисны лыжиөн либө даддьөн. Тайө төвъяснас. А гожөмнас, майбыр, позьө унджыктор вөчны. Купайтчыны лэччыласны, горт дорас чомйын ворсасны. Зэрмас кө, код орданыс кө пырасны да сёр рытөдз вермасны быдсяматор йывсьыс варовитны. Быттө дышөдас кө мыйыськө ворснысө. Тадзи и быдмисны. И со нин дас арөс кыкнанныслы.

Өні бара гожөм. Нывкаяс ворсісны Ниналөн керка дорын. Сылөн айыс вөчөма быдтасыслы чом сяма керка. Вевт, өдзөс и стеклөтөм өшинь эм. И весиг джодж вольсалөма. Налөн өтувъя ворсөм вылө вежалан сингясөн дзоргис орчча керкаысь Митя нима детинка. Зонкаяс мыйыськө сійөс өтдортісны. Тыдалө, небыдик сёрнисыс. Некор эз матькыв, ырыштчан кө сы вылө —

пыр жө и йөжгыльтчас. Вартасны кө — некор воча оз кучкы. Зіліс сөльнитчыны нывкаяс дорөджык. Та вөсна зонкаяс нимтісны сійөс баба Митьөн.

— Вай Митя вылас бара тешитчыштам,— вашнитіс Ниналы Катя.

— Кыдзи?

— Чом пытшкас ёг пыртам да тшөктам чышкыны.

Сідзи и вөчисны. Сэссия горөдісны Митялы.

— Көсьян кө миянкөд ворсны, лок да джоджсө чышкы. Тэ жө ёгөсьтін-а.

— Ме. Ме эг,— мөмляйтис на дорө матыстчигөн зонка.

— Кыдзи эн? Тэ төрыт рытнас пыралін татчө,— ярскөба шуис Катя.

— Ме аддзылі жө пыралөмтө.

— Эг пырав ме чомъяд.

— Пыралін,— чорыда шуис Нина.— Чышкы джоджсө. Сэссия, гашкө, ворсны босьтам.

Митя нывкаяслөн серам да ёсь кывъяс улө чышкис джоджсө. Сэссия нывкаяс тшөктісны мыськыны джоджсө.

— А өні сэссия мун бөр гортад,— чорыда шуис Нина.

— А кор нө ворсам?

— Некор,— йөткавны босьтчис чом пытшкысь зонкаөс Катя.

Митя чуқыртчыліс забеднөйысла, но бөрэдзыны нывкаяс дыр-йи эз жө лысьт. Сөмын ас керка дорас воөм бөрын дзевбис посводзас да кыз синва кутіс лэдзны.

Быдмигчөжыс Нина да Катя унаысь на тадзи либө мөд ногөн тешитчылісны зонка вылын.

Со нин налы дас өкмыс арөс тыри. Митя наысь арөн ичөт-джык да, дас көкъямыс тырис. Көть тушанас нюжаліс, но сямыс важ кодъыс вөлі. Сэтшөм жө небыдик сёрниа. Восьлалігас нывъяс моз быттө өвтчис кияснас. Та вөсна Баба Митьө нимыс эз вушйы. Зонъяс өтдортісны сійөс. Ас кежын чукөртчасны да нывъяс йылысь сёрни панасны, а Митя кө матыстчас, дугдөны, мөдлаө вешйөны.

— Вай Митя вылас тешитчыштам,— паніс өгчыд сёрнисө Катя.

— Кыдзи?

— Вай вөчам сідзи, мый быттө кыкнаннымлөн сьөлөм косьмө сы вөсна.

— Эн сөр,— серөктіс Нина.— Сы вөсна өд сьөлөм оз жө косьмы.

— Быттөкө радейтны сійөс нем виччысьтөг кыкнанным босьтчим. А сэссия, кор сійө кутас эскыны, ордчам дай. Тешкодъ өд лоө.

— Збыльысь тешкодъ. Öні нин аддза, кыдзи сійө кельдөдас, вомсө пөлөстас. Вай тешитчыштам и эм.

Митя нем виччысьтөг казяліс, мый орчча керкаса нывъяс кутісны кыдзкө аслыспөлөса видзөдны сы вылө. Нинаыс матыстчас да меліа шуас:

— Кутшөм тэ талун мича! Тэ кодъ зонмыс сэссия сиктын абу.

— Эн сөр,— гөрдөдас да вочавидзас Митя.

— Ме сөра? Сё збыль. И Катя со тайос жө шуо.

Зон яндзимысла первой пышгьявны наысь босытчис. Но нывъ-яс эз лэдзчысьны. То отиыс мыйкө меліос шуас, то модыс. Сэсса кызкө и ачыс төдлытөг лэчкас шедіс. Весиг кутіс мөвпавны, кодныс на пиысь мичаджык да, коднысө бөрийыны. И шудыс уси Катялы. Кызкө пыр отарө сыкөд ёнджыка варовитны босытчис. Сьөлөмыс чукийон тырис ныв дорө пөсьлунөн. Нинаыс быттьө и вежөгтыны кутіс. Но зон вылө тыр синмөн видзөдны эз өвсьы. Митялы весиг кызкө эз вөв лөсьыд сы водзын. Быттьө кедзөвтөма Нинасө лои да. Но өд кык пельө он юксьы. Со тай Катяыс кызди сыкөд аддзысьлыны көсийө. Окасьөмөдз, дерт, эз на во, но Митя мөвпаліс нин та йылысь. Син водзас сувтөдліс серпассө, кор сійө топөдас нылөс ас бердас да пөссъыс-пөся окыштас. Весиг дзөрөм босытліс тайө серпассө аддзитөн. Оти рытө паныдаситөн көсийис нин тадзисө вөчны, но Катяыс кинас пыксис сылы морөсас да кызкө лёк ногөн сералігтыр шуис:

— Йой кө тэ, Митьө-а. Ог жө кут тэкөд окасьны. Ме өд дура сөмын. Ёна тай тэ меным колантор. А со Ниналы тэ збыльысь кажитчан. Аддзан, кызди вежөгтө.

— Катюк, но өд ме, тыдалө, тэнө...

Ныв эз лэдз нинөм водзөсө шуны. Йөткыштіс сійөс:

— Талунсянь ме ог көсийи весиг тэнө аддзыны. Ышмөмсө кө менсьым он гөгөрво.

— Но өд ме... кола тэныд.

— Дугды! Кодлы кө тэ колан. Не то баба, не то мужик. Гашкө, сөмын Ниналы.

И Катя сералігтыр пышйис сы дорысь. Митя лун-мөд ветлөдліс плешкас нөшкөн вартөм өш моз. Кок увсьыс мусө оз аддзы, йөзсьыс синсө дзөбө. Сылы кажитчис, мый став сиктыс нин төдө, кызди Катя уркнитчөма сы дорө да оз көсийи водзө аддзысьлыны. Весиг Нинаысь пышгьяліс, коді мөд луннас нин уськөдчис сибөдчыны сы дорө.

Но вочасөн Митя сайкавны жө босытчис. Первойсө эськө Катякөд виддіс жө паныдасьны, мед висьтавны, мый сылы нылыс збыльысь эз ло веськодьөн. Гашкө, бөр паныдасьлыны кутам да. Мыйыс тай олөмас оз овлы да. Талун тадзи думайтлан, аскинас тайө мөвпыс сылөма нин. Колөкө, Катяыс пөсьвылысь тадзисө шуаліс, а ачыс мөдтөр мөвпалө. Но Катя весиг синнас аддзыны Митяос эз көсийи. А Нина, мөдарө дай, пыр видзөдлас улас уськөдчыны зильө.

— Митя, вай талун рыт паныдасьлам. Эстөні... пос дорас,— өтчыд паныд лоөм бөрын меліа нюмгьялігтыр шуис Нина.

— Мыйла?

— Мыйла нө ныла-зонмаыс паныдасьлөны?— серөктіс ныв.

— Ог төд.

— Эн сөр. Аддзылі өд, кызди тэ да Катя паныдасьлывлінныд.

— Катяыс висьталіс али мый?— гөрдөдіс Митя.

— Висьталөм оз ков. Ас синмөн казьявлі. Вай талун тэ да ме паныдасьлам. Тырмас тэныд Катя йылысь мөвптө пөжны.

— Мыйкө висьталіс али мый сійө ме йылысь?

— Висьталіс. Синмөн пö ог көсйы сэсся Митясö аддзыны. Эз ло муса да. А меным...

Ныв нарошнö эз помав шуöмсö да наяна видзöдліс зон выlö. Митя кө вöлі төвйылöм көч кодь, то эськö казяліс сылысь вильыш видзöдлассö. Но зон сёрнитіс Нинакөд сингьяссö увлань лэдзöмөн. Яндысис весиг видзöдлыны ныв выlö.

— Катясö кө аддзылан, висьтав, мый ме век на...— сöмын и аддзис, мый шуны Митя.

— Вунöд, мися, сійöс. Локтан он пос дорас? Ме тэнö квайт часын сэні виччысьны кута.

Нина эз кут кывзыны, мый зонмыс вочавидзас, да тэрыба муніс. Митя лунтыр майшасис: ветлыны абу пос дорас. Мый йöзыс шуасны? Со пö неважөн на Катякөд сэні сулалісны, а öні Нинакөд дай. Эз öд и мун сэсся. Мöд луннас Нина кыйöдöмөн кыйöдіс, кор сійö лавкалань кутас мунны. Зон ылісянь аддзис сійöс да көсйис весиг кытшовтны мöдлаті. Ныв казяліс сылысь кежөмсö да тэрыба вомöналіс туйсö. Митя чайтіс, мый Нинаыс лёкысь уськөдчас сы дорö да босьтчас пинявны. А сійö со небыдика шуис:

— Ме тэнö кузь рытивбыд виччыси. Мыйла нö эн лок? Эн эшты али мый?

Митя весиг яндзимысла юрсö лэдзис. Босьтчис мөмляйтны:

— Мамö, мамö мырдысьөн тшöктіс пес поткөдлыны.

— Эн ылöдчы. Ме öд тиян керка дорö волі. Пескыд чуркаясын на да. Талун рыт бара кута виччысьны. Квайт часын.

Лунтыр Нинаыс Митя син водзын сэсся вöлі. Збыльысь öмöй кажитчö сійö нылыслы? Рытнас вит бöрас нин муніс пос дорас. Сэсся унаысь на аддзысьлісны. Кутшöмкө кадö Митялөн юрын весиг Нина выlö гөтрасьöм йылысь мөвп вирдыштліс. Катяыд вочасөн сылөн вежöрысь вушйис и. Но воис сійö весьöпöртана луныс, кор ныв коса сералігтыр йөткыштіс сійöс.

— Тэ збыль али мый чайтін, мый тэ меным сьöлөм выlö воан. Ас вылад рөмпöштанö видзöдлы. Ыджыд тай колантор. Ми Катякөд тэ вылын тешитчим.

Зон эськö босьтчыліс жö шуавны, мый шмонитан пö, но мөдыс весиг эз кывзы. Та бöрын дзикөдз путкыльтчис Митялөн олöмыс. Нöшта на нывъясыс сы вылын пыр сералісны. Быд паныдасигөн ас костаныс моз босьтчылісны вензъыны.

— Со менам мусукöй локтö,— шуас öтиыс.

— Мед абу тэнад. Менам сійö сьöлөм косьтысьыс да.

И сералöны. Митя эз тöд, косны али водзö мунны. Гашкö, налөн дэльöдчөм да тешитчөм вöснаыс и муніс сійö сиктсьыс да. Воши тай кытчөкө. Мамыслы кындзи некодлы эз висьтав, кытчö мунöма. Тыдалö, поліс, мый нывъясыс и сэтысь сійöс корсясны, медым водзö тешитчыны.

И со нин Катериналы да Ниналы нелямын квайт арöс таво гожөмнас тыри. Ас сиктас, ас керкаясас олісны. Нина мамыс дорын, Катерина чунь öтнасөн. Бать-мамыс водз кувсьылісны, ичөт чойыс ылі карö муніс да вит онас öтчыд мыгчысьлö. Нина весиг верöс сайö петавліс. Юркарын олыштіс. Но торксисны. Патерасö эз најөвитлыны, йöзлысь көртымалөм жырыын олісны.

Та вөсна торйөдчөм бөрас дыр эз артась, бөр ас сиктас локтис. Пошта вылын уджалө өні. Катерина весиг верөс сайө эз петавлы. Эндөм нылөн коли кутшөмкө абутөм грекысь. Тадзи тай ачыс шулывліс-а. Ас сиктысь верөспусө эз и корсьны. Лөсяланаыс абу жө-а. Но сьөлөмъясыс век на виччысисны, мый коркө сэні пестыяс кодөскө радейтөм, и сюрас на морт, кодкөд сэсса нэм помөдзыс кутасны кургыны-овны да нимкодьясьны өта-мөднас. А өні налы ковмыліс өтлаын рытйысьлыны, телевизор видзөдны либө олөм вылө помся элясьны. Зэв на өна лөсялісны өта-мөдыс-көд да пөшти быд рыт аддзысьлісны.

Но өти луно сиктын мыччысис төдтөм мужичөй. Накөд тшөтшгья кымын видзөдлас вылас. Ас машинаөн воис. Сувтөдіс машинасө Ниналөн да Катериналөн оланінгяс дорө вель матө да пырис керкаө, көні коркө оліс Митя нима зонкаыс. Сөмын неуна сөрөнджык став сиктыс төдмаліс, мый тайө ачыс Митяыс и вөлөма. Дзикөдз вежсьөма мортыд. Топыд тэчаса, зумыд вось-кола, пидісянь петысь гөлөса. Кывъяссө шуигөн бытгтьө тэчалө найөс водзвыв юрас, дзик мөдпөлөс сөрния, абу сиктса мужикьяс кодь. Сиктсаяс босьтчисны юасьны, көні вөлөма та дырасө, мыйла воөма? Но Дмитрий Иванович да мамыс дзик веськыдасө эз и висьтавны. Мамыс сөмын шуис, мый өна нин пөрысьмис да оз нин вермы нинөм вөчнысө, да писө со ковмис гортас корны. Локтис пө өд мамсө видзны, эз пыксьы. Мыйла өтрасөн воис, эм абу гөтырыс — сідзи эз и висьтавны. Но төлысь-мөд оліс, да некод бөрсяньыс эз мыччысь. Сідзкө, өтрасөн и бергөдчис, гөтыртөг ни мөтыртөг. Гашкө, эз и вөвлы сійө сылөн да.

Ниналөн да Катериналөн Митяыслөн воөм бөрын төлысь мысти кымын юраныс мөвпгьяс чужисны, мый тайө мортсө найө и виччысьөмаөсь. Со тай кутшөм веж петана мужик сыысь арт-мөма. Важ Митяыслөн дзик нинөм абу кольөма. Недыр олыштис, мамыслысь керкасө дзоньтальштис да паськөдчыны босьтчис: скөт видзөм вылө стрөйбаяс кыпөдаліс. Кутас пө мөсьясөс да куканьясөс видзны,— быдөнлы висьтавліс мамыс.

Нина да Катя ас кежаныс кутісны мөвпавны, кыдзи эськө матыстчыны Дмитрий Иванович дорас. Мый коркө тешитчылісны сы вылын, кыкнанныслөн нин вунөма. Ниналы кокныдджык вөлі аддзыны помкасө паныдасьөм вылас. Пошта вылад уджалө да, зэв нимкодь лои, кор Дмитрий Ивановичыслы районсянь письмө воис. Ачыс и нуис сылы. Мужичөй буретш керка дорас ноксис.

— Видза олан, Митя. Эн дивит тадзи шуөмсьыс. Тэно өд өні со ставөн Дмитрий Ивановичөн ыдждөдлөны. Менө өд эн на вунөд?

— Эг,— коса вочавидзис мужичөй.— Нинаөс нө кыз вунөда?

— Письмө со көсий вайны да гортө кольсьөма. Гашкө, рыгнас ачыд пыралан да босьган? Тшай юам. Челядьдырнымөс казьтыштам.

— Кадыс абу.

— Ме өд шмонита. Со письмөыс. На. Но кежалан кө тшай юны, то ог вөтлы.

Босытчыліс на эськө Нина водзё сёрни нуодны, но нинөм эз артмы.

Катерина пайтөмөн эз жө коль. Мог корсис да Дмитрий Иванович дорө кежаліс жө. Мамсө бытгыё сылысь видлыны, гажыс бырөма да. И сідзжө кос сёрниысь водзё нинөм эз ладмы. Но нывбабаяс эз лэдзчысьны. Весиг лөгасисны ота-мөдныскөд. Быдөн зіліс медводдзаён пырөдчыны мужичөйлөн сьолөмө. Отыыс кө босытчас туй вылын сёрнитны мужичөйкөд, мөдыс казялас да зэв өдйө матыстчас. Но Дмитрий Иванович век эз сыв, некоднанныс дорө матын эз ло.

Оти рытө, пемдөм бөрүн нин, Нина казяліс, мый Митяыс кутшөмкө нывбабаөс сой бердөдыс кутөмөн мунө. Пемыд вөлі да, некыдзи эз төд аньсө. «Катякөд али мый?»— вирдыштис юрас. Кор мужичөй да нывбабыс саймовтчисны, зэв өдйө котөртис нывьёрт дорас. Сылөн керкаыс вөлі биа. Сідзкө, абу Катяыскөд. Но кодкөд? Муніс гортас да зэв өдйө кусөдіс бисө, мед бура төдмавны, кодкөд тадзи ветлөдлө сиктөдыс Митяыс. Лача кутіс, мый налөн керка дорті бара на мунасны. Вель дыр бисө кусөдөмөн оліс. Сөмын вой шөрланьё матыстчигөн Митяыс на дорті гортланьыс муніс. Дзик өтнас. Тыдалө, кольөдөма нывбабасө да абу жө сы дорө узыны кольччөма. Кодөс бара аддзис-а?

Катерина казявліс жө Митяысыс кутшөмкө нывбабакөд мунөмсө да аскинас босытчис юасыны Ниналысь.

— Көні тэ төрыт рыт вөлін? Биыд тай эз öзыы.

— Митякөд тай ыркөдчыны петавлім,— ылөдліс Нина.

Катерина весиг вочакывсө эз кут шуны, өдзөссө крапнитөмөн петіс. Нина эськө көсйис вөтчылөмөн висьтавны ылөдлөм йывсьыс да эз нин аддзы Катясө. Котөрөн, тыдалө, мунөма.

Дмитрий Иванович төрыт рыт мамыскөд ветлісны сикт помас олысь вежань дорас. Вель дыр рытйысисны. Мамыс весиг сэтчө узыны кольччис. Ачыс бөр гортас муніс. Отнасөн восьлалігөн казгытыліс ылі муясын олөмсө. Дзик чунь өтнас пыр оліс. Эз и гөтрасьлы. Вөліны жө эськө нывъясыд да том аньясыд да. Весиг кодсюрө сійөс радейтөмөн висьтавлісны. Но Митя пыр поліс, мый кутшөмкө кадө найө Нина да Катя моз нем виччысьтөг шуасны, мый шмониті пө ме, тешитчыны тэ вылын мөвпышти. Тайө полөмыс пыр кутіс Митяөс матыстны кодөскө дзик сьолөм бердөдзыс.

Мөд луннас мамысла ветлыны мөдөдчис. Кутшөмкө мужичөйкөд өтлаын восьлавны веськалісны. Видзөдө да, бөрсяныс Нина да Катя пангысьөмөн локтөны. Весиг ота-мөдыскөд оз сёрнитны. Со нин дзик матынөсь лоины. Сэки Дмитрий Иванович и шуис гораа орччөн восьлалысь мужикыдлы:

— Ме со гөтрасьны лөсьөдча.

— Но-о,— нем виччысьтөг шуөм вылас вочасө висьтавны сөмын сяммис мужикыд.— Код вылө нө?

— Эм тай код вылө.

Катялөн да Ниналөн воськовъясыс ньөжмисны. А Дмитрий Иванович ас улас нюмгыяліс: «Бара сэкса мозыд босытчинныд ме вылын тешитчыны. Ме өні төвйылөм көч нин. Ог шед тیان лэчкө».

Мый тавой вөталін?

Петыр Вась тэрмасьтөг восьтіс өдзөссө да пырис. И мортто шензьом босьтіс. Быттё и аслас керкаө воськовтіс, но пытшкө-сыс дзик мөдпөлөс. Кутшөмкө аслыспөлөс улөсьяс да пызан. Дозмукъясыс абу жө аслас. Вывті нин югъялысь чашкаяс, тасьті-яс пызан вылас сулалөны. И йөзяс, кодъяс пуксялөмаось пызан саяс, дзик жө төдтөмөсь. И паськөмныс шензьөдана. Кинояс вылысь татшөмъяссө аддзыліс, кор петкөдывлісны коркө уна во мысти лоөмторъяс йылысь. Югъялөны жө паськөмъясыс.

Пызан сайын пукалісны нельөн: том ныв, зон, шөр арлыда мужичөй да ськөд тшөтшъя кымын нывбаба. Гашкө, ай-мам да налөн ныв-пиыс. Колөкө, нывбабалөн да мужичөйлөн нылыс да зятъыс. Вермас лоны и пиыс да монъыс. Петыр Вась вылө весиг эз видзөдлыны. Быттё некод и эз пыр. Мыйкө юисны югъялысь чашкаяссыс, сөйисны дзик төдтөм да некор аддзыв-лытөм сөян. Көсйис эськө горөдны, мый найө сылөн керкаын вөчөны, но эз лысьт. Пуксис өдзөс тагөс дорө лөсьөдөм улөс вылө. Сійө, кажитчис, мый аслас вөлі. И босьтчис кывзыны сёрнисө. Тыдалө асылалөны на. Сөмын неважөн вольпасысь чеччөмаось. Вөтъяссө, тыдалө, босьтчөмаось ассыныс висьтавлыны. Сідз тай Петыр Вась гөгөрвоис-а.

— Ме со мый тавой вөтаси,— босьтчис висьтавлны нылыд.— Быттёкө көнкө енкөлаас эмөсь инопланетянинъяс, кодъяс олөны лючки сы ради, медым вежны мяян му вылын кулөм йөзөс, зверъясөс да пемөсьясөс. Оти кывйөн кө — став ловъя ловсө, коді кулө. Инопланетянинъясыс сяммөны босьтны кулөмаыслысь өбликсө, оласногсө, ветланногсө. Дзик ставсө, медым лоны на кодьөн. Та дырйи сяммөны вуштыны кулөмасө төдлысь йөз паметъысь. Быттё олөмыс сөмын на босьтчөма, кор кулөмасө вежысыс пөрас сьө. И со муыввса өти детинкалөн зэв ёна висьмис понйыс, кулан выйын нин. Инопланетянинъяс ыстісны өтиөс му вылө. Шуисны, мый көть мый лоас, а бөрсө оз бергөдчы. Но сылөн лэбигөн понтө сяммисны кызкө бурдөдны. И со детинкаыд казялас аслас жырысь кутшөмкө зэв повзьөдчана да мисьтөм лолөс. Он и гөгөрво, коді сэтшөмыс, но абу морт кодь. Муртса ветлөдлынысө вермө. Сійө босьтчылөма нин понйө пөрны, но мөдыс со бурдөма. И кольөма код төдас кодөн. Детинкаыд ськөд кутіс лөсявны. Вердіс да удіс сійөс, кок вылас сувтөдіс. Но детинкакөд восьса сёрнияс дырйи пыр норасис, мый өні сылөн олөм сюрөсыс абу. Од сылөн олөмын сөмын өти мог — вежны кулөмаөс. А тайөс вөчны сійө со эз вермы. Детинка эськө жалитіс сійөс, но отсавны некызди эз вермы. И со өтчыд гортас школа бөрас локтіс да казяліс, мый керка пытшкас вывті нин чөв-лөнь. Сійө кутіс чуксавны бать-мамсө, но некод эз вочавидз. И сійө пырис батыслөн да мамыслөн жырыө. И измис, кывсө весиг воштис. Джоджын куйліс батыс, кодлөн мышкас тыдаліс пурт вороп, а сы весьтө копыртчөма код төдас кодыд. Тыдалө, виөма батысө, медым босьтны олөмыслысь сюрөссө. Оні со босьтчөма нин лоны батынас. Зэв повзьөдчана серпас! Код

тодас кодід бергөдчис детинкалань да вомсө вежыньтөмөн нюмунис «аслас ёртлы», да нимкодя шуис: «Өні ми пыр кутам лоны отлаын». Детинка лёкысь горөдіс. Та бөрын ме садьми.

Петыр Васылөн нывлөн висьталігчөж йирмөг визъяліс вир-яй кузяыс. Көсйис нин пышйыны, но кокъясыс эз нуны. Помөдз ковмис пукавны.

— А ме вөталі, быттьө ола аслам чужан сиктын,— босьтчис висьтавны зонмыс.— Гөгөр ас йөз: рөдвуж, ёртъяс. Но сиктса став олысьыс вир юысьяс, вампиръяс. Та дырйи найө ставныс зильөны петкөдлыны, мый найө бур йөз. И ме быттьө сиктас дзик өти морт, коді абу на кодь. И төда, кодъяс найө, но некодлы ог явит. Төдмаласны кө, то виасны менө. Шензьөданаыс сі-йө, мый миян сиктын мыччысьөма шөр нэмъясса замок, көні өшалө часі. Кор лоас дас кык час, менө виасны. А верма кө ме төдмавны замокыслысь гусяторсө дас кык часөдзыс, то ставыс вежсяс. Йөзыс оз лоны вир юысьясөн, а дзик бур войтырөн. Ме некыдзи ог вермы веськавны тайө замокас. Ме дорө пыр локтөны варовитны рөдвужой, ёртъясөй, сиктса мукөд олысь. Либө пыр корөны, медым ме суседъяслы йөв нуи. А кадыс мунө. Меным колө төдны, кыдзи мездыны ачымөс да мукөдсө бергөдны бур йөзө. И нем виччысьтөг ме дорө локтіс ныв. Дерг, вир юысь жө. Но сяммө төдмавны йөзыслысь сёрнияссө и вермө весиг висьтавны, мый йылысь варовитлісны уна лун сайын. Сылөн висьталөмгьясысь ме гөгөрвои, кыдзи веськавны замокас да мездысьны. И со ме нин замок дорад. И кор восьті өдзөссө, ме садьми.

Петыр Вась сылөн висьталөмысь нинөм торъясө эз гөгөрво. А пызан сайын пукалысьяс мыйкө зумыштчисны. Сэсса водзө нуөдісны сёрнисө.

— А өні тэ висьтав ассыд вөттө,— мужичөй дорө шыасис нывбабаыс.

— Менам син водзын өні на сулалө көрт туй бокса тайө вокзалыс. Важник керка быттьө. Татшөмыс өні абу. Вой шөр бөр быттьө. Этшаник йөз виччысьөны билет вузалан касса воссьөм. Но вузөс вылас сөмын өти билет и эм. И кодлы сюрас билетыс, сійөс поездыс нуөдас помасьлыгөм оломө. Йөзыс татчө воөмаөсь быдлаысь. Шуа тай, мый абу торъя уна, морт кызь, гашкө. И веськалөмаөсь сэтчө асланыс сикт-каръясын бөрийөм войтыр. Сэні зильөмаөсь ыстыны сэтшөмгьясөс, кодъяс шедөдөмаөсь пыдди пуктөмсө асланыс олом чөж. Но кык-ө-куим морт, тыдалө, вывті озыръяс, ньөбөмаөсь пыдди пуктөмсө сьөм вылө. Тані жө пөч да томиник ныв. Тыдалө, нучкаыс. Ачыс пөчыс зэв нин пөрысь. Вайөдөма татчө нывкаыс. Но и тані, вокзалас, колө бөрийыны сөмын өти мортөс, кодлы асывланыыс вичмас дзик өти билетыс. Мунө вен сяма. Озыръяс бара өвтөны асланыс сьөмөң, көсйөны ньөбны билетсө. Но татчө чукөрмөмаөсь медясө зэв вежавидзысь войтыр, кодъясөс сьөм вылад он вермы ньөбны. Өні на син водзын көрт туй вывса уджалысь паськөма том мужичөй. Сійө пыр өтарө-мөдарө ветлөдлө. Кодсюрөлы вашнитас, кодөскө боклань нулас. Тыдалө, ачыс дявөлыс тайө. Зильө

йөзсө и тани дзугны. А шоныд сетан батарея дорө топөдчөмөн пукалө оланінтөм мужичөй. Некрытчө оз сюйсьы, но зэв сюсь синъясөн став вылас видзөдө. Чайта, мый анделыс тайө вөлі. Вель дыр сёрнитөм-артасьом бөрын билетыс вичмас пөрысь пөчыды. Унджыкыс шуасны, мый сійө аслас олөмнас медся ёна лөсялө помасьлыгтөм олөмө мунны. Көрт туйвывса уджалысь паськөма мужичөйыд кутіс гартчыны нылыд гөгөр. Мыйкө вашкөдө, кытчөкө нулас и. Асыв нин воис, а поездыс век абу. Кутісны юасьны көрт туй вылын уджалысьыдысь, мыйла та дыра оз лок. А сійө зэв гораа серөктө да висьталө, мый поездыс важөн нин муніс. Видзөдоны да, пөчыд өтнас пукалө, нылыд абу. Сі-йө и босьтөма билетсө да сөлөма поездас, коді нуөдө помасьлыгтөм олөмас. Йөзыс кутасны ызгыны. Кодкө пинялө нывтө, кодкө пөчсө жалитө. Тэ пыдди пө со муніс помасьлыгтөм олөмас нинөм на вөчтөм нучкаыд. Тэнө ылөдліс, и миянөс тшөтш. Сөмын шонтысьысь мужичөй чөла оліс. Но медбөрын нурбыльтіс:

— Кытчө на өд вайөдас поездыс. өд ті кулөм бөраныд векся олөмө веськаланныд. А муывывса помасьлыгтөм олөмыс код төдас на кутшөм лоас.

Нем виччысьтөг вокзалас пырө том мужичөй. Тайө көрт туйвывса уджалысьыд, но дзик нин мөд паськөма. Сөмын чужөмыс сыланьө муныштө.

— Тайө жө сійө мортгыс, коді миян дорө воліс чуксавны бөрийны мортөс, коді веськалас муывывса помасьлыгтөм олөмө!— кутісны индавны том морт вылө чуньнаныс вокзалө кольысьяс.

Мөдыс нинөм эз вочавидз, сөмын жерьяліс. Ме повзи сылөн көдзыд да ёсь синъяссьыс да садьми.

Петыр Вась өні збыльысь став висьталөмсө ас ногыс бура гөгөрвоис. Весиг телепит лои аस्याныс мыйкө содтыны, но дыр эз лысьт. Сэсся шуис жө:

— Нывкасө джагөдны колө таысь!

Но пызан сайын пукалысьяс весиг эз видзөдлыны сы вылө. Тыдалө, Петыр Васьлөн шуөмыс наөдз весиг эз во. Быттө эськө гораа висьталіс да. Мөдысь шуны эз нин лысьт.

— Меным кадыс, тыдалө, воис висьтавынсьө. Ме аслам вөтысь торъясө нинөм ог вермы төд вылө уськөдны,— босьтчис нывбабаыс.— Мыйкө эськө вөталі жө да. Сөмын кутшөмкө шуөм юрө коліс. Ог төд, коді и шуис. Но кывьясыс со вежөрө кольөмаөсь. өнөжкатө пө босьт да менсьым шурпуньөс гудрав. Ті он төдөй, мый сійө өнөжкаыс да шурпуньыс?

— Медводдзаысь тайө кывьяссө кыла,— шуис мужичөйыс.

— Гашкө, коркө, ёна важөн найө вөліны, а сэсся вочасөн вошины,— аслас мөвпөн юксис том мортгыс.

Нылыс нинөм эз шу. Петыр Вась нем виччысьтөн ас ногыс гөгөрвоис тайө төдтөм кывьяссө да зэв гораа серөктіс...

И садьмис гөтырыслөн мышкас зутшнньытөмысь. Сійө аслас ёсь гырдазанас лөкысь сизьдыштіс верөсыслы да босьтчис броткөдчыны:

— Нөшта өд сералө сэні. Нель часянь нин унмовсьны ог вермы, да сыысь али мый?

— Серөкті али мый?— юалис Петыр Вась. Зутшнитөмсьыс видны эз жө лысыт.

— Лёкысь тай гөрдыны кутін. Көсья нин вөлі унмовсьны да. Öнi сэсся ог нин унмас шед. Да и чеччан кад регыд. Мун да тшайниксö сутшкы.

Петыр Вась дышпырысь сувтiс да веськөдчис тшай ва пузёдны. Узыланiныс налөн торъя жырийн. А сөйлöны мөдлаын. Жырийн, кытчö веськалан ывласянь пыригмозыд. Сэтчö эськö Петыр Вась тэрыба мунiс, но сэсся нем виччысьтөг джөмдiс. Вөтыс юрас воис да. Весиг полис видзөдлыны пызанланыс. Колөкө, нель мортыс век на сэни пукалöны. Но керкаö пыран өдзөс дорас сулалiс буретш сийö бөртөм улöсыс, код вылын вөтас пукалiс. Медбöрын бергөдчис жö пызанланыс. Сэни некод эз вöv. Но йирмөг мортгö босьтiс. Бытгьö өд кылiс, мый сы вылö кодъяскö видзөдöны. Эз жö тай пернапас чөвт-а. Электричествосянь уджалысь тшайникын васö пузёдны лөсьöдiс да тэрыба пырис узыланiнас. Машöыс вөлі сувтöма нин да бөр водны эз жö кут. Виччысис, кор гöтырыс пасьтасяс да петас сөян жырьяс. Гашкö, сийö, ярджык мортыд, омöльяссö вермас вöтлыны.

Машöыс бөрся сэсся и вуджис мөд жырьяс. Но век на кылiс ас вывсьыс кодлыськö видзөдлассö. Тадзи тай кажитчис Петыр Васьлы-а. Гöтырыслы веськодь, ноксьö, лөсьöдö асья сөян. Сэсся пуксисны нурьясьыштны. Кыкнанныс нин пенсия босьтöны, да тэрмасьны некытчö. Петыр Вась эськö сөян пызан саяд дыр пукавны оз радейт. Машöыс со вермас час да и дырджык на пукавны. Дыш да быть Петыр Васьлы воча пуксьöмөн кывзыны сылысь сёрнисö. Варов гöтыр сюри да. Бөръя кадас найö босьтчисны висьтавланы ассьыныс вөтгьяссö. Таысь Петыр Вась талун асьв медся нин полис. Эз лысыт висьтавны вөтнас адзылөмторсö да. Колөкө, адзылөм да кывлөмторсö гора висьталöмыс кодъяслыкö весиг оз кажитчы. Оз өд прöстаысь йирмөгыс визлав.

— Василей, мый нö талун вөталiн?— неуна нурьясьыштөм бöрын юасьны босьтчис Машöыс.

— Нинөм торъясö,— нурбыльтiс Петыр Вась.— Бурджык тэ висьтав.

Гöтырыслы мöдысь тшөктөм оз ков. Кузякодь висьталiс, кыдзи асьсö томдырсяөн адзылөма. Сэсся вуджис, кутшөм мича инъясö вөтнас волöма.

— Сэсся вөтөн вуджи аслам керкаö. Висьтавнысö весиг та йылысь пола. Висьтавны абу, Василей?

— Кыдз көсьян.

— Босьтчи да висьтала нин,— бытгьö эз и кывлы верöсыслысь шуөмсö гöтырыс.— Бытгьö миян керка тыр чукөртчөмаöсь сусед гөгöрыс. Ставыс тöдсаөсь, но ме тöда, мый ставныс найö вежөм йöз. А тэ миян узылан жырийн бытгьö. Öдзөссö мыйлакö томанөн игналöмаöсь. Тэ он весиг тöд, мый миян керкаын тырыс вежөм йöз. Узян весигтö. Ме мөвпала, кыдзи эськö тэныд тайöс висьтавны, но ог тöд. Көсья чукөртчөмаясылы шуавны, кодъяс найö, да ог жö вермы. Тöда, мый ачым узя да тайöс вөтала. Некутшөм петан туй эг аддзы да сэтшөма повзи, мый паляли. Сэс-

ся унмовсьны эг нин вермы. Нёшта на тэ сэни кутін лёкысь серавны. Мый вылын нё гөрдлін?

— Ог и төд. Быттьо нинөм серам петанаыс вөтө эз уськөдчыв да.

— Мыйкө өд вөталін жө?

Машөыс босьтчис дзоргыны верөс вылас. Виччысис, кор сійө төдмөдас аслас аддзылөмторъяснас.

— Тэ, Машө, он төд, мый сэтшөм шурпуньыс да өнөжкаыс? Тіян тадзсө эз шулыны?

Машөыс абу татчөс, войвылысьджык. Та вөсна и юалис. Колөкө, сэни тадзи сёрнитөны да.

— Медводдзаысь тайө кывъяссө кыла. А тэ кытысь кывлін?

— Вөтын кывлі. Мый аддзылі, дзик нинөм ог вермы төд вылө уськөдны. А со тайө кывъясыс юрө сатшисны. Быттьо кодкө шуис, мый өнөжкатө босьт да менсьым шурпуньөс гудрав. А мый тайө лоө — ог весиг төд.

— А тэ мый чайтан?

— Гашкө, эсійө да...— видліс серөктыны Петыр Вась, но эз артмы вөтас кодь серамыс. Быттьо кодкө өлөдіс сійөс таысь да став аддзылөмторсө водзө висьталөмысь.

Сёрнитчөмөн юкөм шуд

Гожөм помланьыс турун пуктысьяс юрасисны Катшаыб грездяньыс вель ылын. Веськыда кө мунаң, оланінөдзыс вит километр лоө. Тани видзясыс векнялөны, но пуктытөг кө колян — нуасны кытчөкө. Медводз бригадир Аннаөс. Та вөсна гөрбуш косаыс веськавліс бадь костъясө, медся вутшкаинас. Талун шондіа, да нывбабаяс юрасисны. Тани жө вөліны челядь да сизимдас сайө арөса Марпа тьөт. Арлыд вылас видзөдтөг сійө вөлі тэрыб кока да вөраса на.

— Тонө кодкө локтө,— горөдіс ёсь синма зонка, Вась Марьялөн Гриша пиыс.

Сійө видзөдліс грездянь локтысь ордым вылө. Сійө веськыда да вель ылөдз тыдалө.

— Епим пөльлөн кө мыгөрыс-а,— шуис Татьяна.— Мыйкө лоөма али мый Катшаыбас?

— Зэв тай со тэрмасьө,— ассьыс мөвпсө восьтіс Степанида.

— Тырмас дзоргынытө,— өлөдіс бригадир Анна.— Сійө татчөдз час джын кымын на кыссяс. Куртны колө, вермас зэрмыны.

Нывбабаяс да челядь бара босьтчисны зія куртны да юрасьны. Төдісны, мый Епим пөль на дорөдз дыр на кыссяс. Сійө өтнәсөн и коли мужик рөдсьыс грездын. Быттьо он кө зонпоснисө лыдды. Та ылнаөдз турун пуктыны оз ветлы, но кор грезд гөгөрас пуктысисны, петавліс на отсөг вылө. Дерт, ыджыдторъяс вылө оз нин сяммы, сөмын коса зудьявліс да куран пинь лөсьөдаліс.

Көть ставөн уджалісны, но век жө чөвтлывлісны видзөдлассө Епим пөльлань. Быдөн ассьыс мөвп гартліс, мед эськө налөн керкаын нинөм жө абу лоөма. Татьяна, Марья, Степанида да

Марпида полісны, мед эськө оз жө вай верөс усьом йылысь юөр. Сөмын Раисалы таысь нинөм повнысө. Сылы татшөм гижөдыс во сайын воліс. Синваыс нин косьмис.

Кор Епим пөль лои дзык матын, ставөн уськөдчисны сылань. Медым нывбабаяс эз тыртны юасьөмгьяснас, ачыс ылісянь на горөдіс:

— Марья, Микулайыд локтіс!

Нывбаба эз төд, мый и вөчны. Лёкысь горөдны шудысла абу лөсьыд. Мукөдыслы забеднө лоө. Та вөсна чөла чышкыштіс вазьөм сингьяссө.

— Ачыс нө мыйла эз лок, тэнө ыстіс,— броткыштіс Степанида.

— Сійө муртса грездөдзыс воөдчөма, кытысь нин сэсса татчөдз локны. Көстыльяс костын локтіс. Кокбөрляыс пө дрөбитчөма,— висьталіс.

— Шуйгаыс али веськыдыс?— мыйлакө буретш тайөс телепит лои төдны Марпидалы.

— Вуні. Төді эськө да, вуні,— шемөсмис Епим пөль.— Аддзаныд асьсө да төдмаланныд.

— Слабог,— ышловзис бригадир Анна.— Öні ме мына тайө сьөккыд нопсыс.

Марьялөн Микулай верөсыс война вылө мунтөдз бригадираліс, да көнкө öні тайө уджас жө кутчыяс.

Татьянлөн Анна нима дас öти арөса нылыс вежалана синмөн видзөдліс Гриша вылө, кодкөд öти классө котралісны да зэв өна лөсялісны.

— Гриша, котөрт гортад. Айыд со воөма,— вашкөдіс Анна Гришалы.

Зонка полөмпырысь видзөдліс бригадир Анна вылө. Сы сайын öні ставыс.

— Марья, мый нө сулалан? Котөрт. Гриша вермас жө талун шойччыштны. Айыс өд бергөдчөма,— ставлы кывмөн шуис Анна.

Марья, дерт, котөртны эз кут, но вель тэрыба веськөдчис грездлань. Гриша босьтчыліс эськө бөрсяныс мунны, но эз вермы асьсө кутны да котөрөн төвзыштіс Катшаыблань.

Видз вылө кольысыс бара босьтчисны уджө. Дерт, быдөнлөн öні юрас аслас мөвп визгьяліс. Епим пөль татчөдз воис да эз жө бөр грездлань сетчы. Уналөн куран пиньясыс усьөмабсь да выльөс пукталіс.

Катшаыб грезд сулалө юрсиктянь дас вит верст сайын. А районса шөр сиктөдз ветымын сайө верст лыддьöны. Та вөсна тани колхозлысь бригада лөсьөдісны. Да и уна йөзөн грездыс некор эз нима. Керка комынөдз сөмын кайлөма. Öні сыысь өна этшаджык кольөма. Война пансьөм бөрын, кыдзи и быдлаын, колины сөмын челядь да нывбабаяс. Он кө нөшта содты Марпа тьөтөс да Епим пөльөс. Либө дзык нин вермытөм Парась пөчөс, коді керкасыс нин оз петавлы. Та вөсна Микулайлөн война вылысь бергөдчөмыс вежис грездысь олөмсө.

Сылы комын витыс на абу. Топыд тэчаса, чужөм вылас мичаник зон вөлі, да грездса став нылыс, Татьян, Степанида,

Марпида, Раиса, сы вөсна косьмылісны. Но Микулай мыйлако Марьяос бөрийис. Нывъясыс регыд мысти верос сайо жо петалисны. Но Марьялы вежаломыс налон юрын дыр эз сайкав. И со они бара жо Марьялы шудыс уси. Абу налон, а сылон веросыс ловья юрон вир кыстанінсьыс бергодчома.

Кызко сидз артмис, мый рытнас, видз вылысь воом бөрын, Степанида, Татьяна, Раиса да Марпида ассьыныс медся мича платгьяссө пасьталісны да быдон кутшөмко мог аддзисны локны Марья дорө.

Микулай пывсьома да банйыштөм чужома пукаліс пызан сайын, да ужнайтіс. Керкаас өвтіс табак дукон. Абу торья и омоль чужом вылас Микулайыс. Важ кодыс на мича. Пукалігад эз жо тодчы, мый мортыслон кытко доймөма. Та йылысь ясыда висьталісны кык костыль, кодыасос мужичой пуктома дінас. Гырысь черлыясыс вөрисны, пиньясыс изісны Марьяон лөсьодом сөянсө. Степанида, Татьяна, Раиса да Марпида сьорсьон-бөрсьон пыром да Марьялы ассьыныс воан могсө висьгалом бөрын пуксисны лабич выло да видзөдісны, кызди сөйө Микулайыс. Сьолөмьяссө тыртіс жугыльлун. Найо со быдон во куим нин эз адзывны, кызди мужичойясыс сөйоны. И телепит вөлі видзөдны и видзөдны, кызди Микулайыс паньыштө, курчалө, ньылыштө. И быдон нывбабаясыс сувтөдлісны син водзас, кызди пажнайтілісны, ужнайтілісны да асылавлісны верөсьясыскөд. Керка пытшкын вөлі чөв-лонь. Сөмын кыліс Микулайлон паньнас тасьтіө инмөдчылөмыс, черлыясылон гөтшкөмыс. Эз нинөм шу и Марьяыс. Сійө ачыс вомас на нинөм эз босьты. Зіліс пөттөдзыс вердны верөссө. Гриша пиыс эз нин вөв керкаас. Тыдалө, Аннаыскөд конкө аскежся сөрни нуөдоны.

Микулай нывбабаяскөд сөмын чолөмасис да эз жо нинөм шу. Синсө увлань лэдзөмон сөйис. Бытгьө яндысис, мый сійө со воис гортас, а налон верөсьясыс код на тодас бергодчасны оз.

Тадзи эськө чола пукалісны да коркө разөдчисны, эз ко бригадир Анна пыр.

— Кор делөяссө тэныд сдایتны?— пыригмозыс юалис сійө Микулайысь. Видзөдліс мужичойлон нинөм гөгөрвотөм чужом вылас да содтіс.— Бригадиравнысө, шуа, кор кутчысян? Ме нин сэтшөма мудзи тайө нопсьыс. Индісны, да куражитчыны эг жо лысьт.

— Регыд пета. Ме татчө локтөдз колхозса предсө адзылі нин. Сійө сидз жо шуис, мый Аннасө колө вежны.

— Лөка веськөдла али мый?— повзис весиг Аннаыс.

— Та йылысь нинөм эз шу. Гашкө, ме война вылад мунтөдз бригадиралі да, сійон корис тэрмасьыштны.

— Сидзко, примит уджсө. Уджала, мырся мый вынысь, а бур кыв пыдди со мый кылі — вежны пө менө колө.

— Он кө көсийы чөвтны бригадиралөмтө, ме верма и мукөд удж вөчны. Кор кокой бурдыштас. Госпитальсьыс лэдзисны, а помөдз эз на и бурд.

— Ме бара-й ог кут сэсья бригадиравнытө,— өвтыштчис

Анна.— Тэ нин босытчы. Тэ велаломыд нин, а ме йоз вылын ыджыдавын ог кут.

— Эн на эськө некор ыджыдав да,— сьолөм сетис Марья.

— Эн. Эн,— суйсисны сёрнио и лабич вылын пукалысьяс.

— Быдсямаыс вөлі,— ышловзис накөд орччөн пуксигмоз Анна.— Меным тшөктөны, и ме тиянлы тшөкта.

Микулайлы йоз видзөдлас улад водзө сёйны, тыдалө, эз ло лосьыд. Но пызан сайысь эз чеччы. Гартыштіс куритчан да өзтіс. Керка пытшкын босытчис лайкъявын тшын, но тайө эз дөзмөд нывбабаясөс. Мөдарө на, ныръяссө пошкөдыштөмөн исалисны сынөдсө. Тыдалө, быдөнлы чайтсис, мый куритчыны кутчысис сылөн верөсыс. Микулай кусөдіс куритчан помсө да ружтыштіс. Көть эськө нывбабаяслы телепит вөлі төдны, ёна-ө сылөн кокыс доймөма, но юавны эз вөв лосьыд. Тыдалө, ёна, лэдзисны кө нин гортас.

— Сэссия он сёй?— юалис на Марья.

— Ог, пөті,— вочавидзис верөсыс.

— Сідзкө ме идрала.

— Ачыд нө мый эн сёй? Да и гөсьтъяссө вердышт.

— Ми, ми сёйөмөн и юөмөн татчө воим. Миянлы нинөм оз ков,— пыкисны нывбабаяс.

Дерт, быдөн гөгөрвоис, мый Марьялөн гортас уна сёян абу. Нөшта кө найө пуксясны да лупсуйтасны, то локтан лунъяс кежлас нинөм оз коль. Войнаөдз кө тадзи воисны гөсьтъясыд, быд керкаын эськө бура вердісны да юкталисны. Та вөсна Марья эз кут вынөн корны пуксыны пызан сайө и ачыс эз жө уж-найтнысө кутчысь. Ме пө пөт шуднас, мый Микулай бөр гортас воис.

Гожся рыгыд югыд, да дыркодь олісны Марья да Микулай дорын нывбабаяс. Тыдалө, мужик дукуыс весиг юрнысө кольмөдыштөма. Пукалоны, гоз-мөд кыв шыбитасны да бара чөв усьоны. Микулай сідзи и эз чеччыв пызан сайсыс. Со нин Гришаыс керкаас пырис. Сөмын сэк нывбабаяс убөлитісны мунны мужик көртөм асланыс керкаясас.

Ывла вылө петөм да Микулай-Марьялөн керка дорысь вель ылө вешйөм бөрын Степанида эз вермы видзны ассыс мөвпъяссө да шуис:

— Шуда вой талун Марьялөн. Верөсыскөд орччөн кутас узыны.

— Унмовсясны кө быттё,— кизьөриника серөктіс Марпида.

— Ми тай коставлөм дырйи Ваньөкөд асылөдзис синнымөс эг куньлөй-а,— казытлөмсьыс ышловзис Татьяна.— Коркө өд татшөм кадыс бара на лолас.

— Тиян, гашкө, лоас, а менам оз нин,— весиг шлюпнитіс-бөрдзыліс Раиса.

Сөмын бригадир Анна нинөм эз шу. Сійө медводз и кежис аслас керкалань. Мукөдыс неуна муныштөм бөрын чөла разөдчисны.

Степанида, Татьяна, Раиса да Марпида тайө войсө дыр эз унмовсьны. Аскөдныс керка пытшкас быттё вайисны мужичөй

дуксө. Паськөмас слөймөма йиджны табак тшыныс, да весиг коді платтьөсө, коді сарапансө аскөдныс орччөн вольпасяс пуктісны да бурпөт исалисны кыз синваён бөрдігтыр. Быдөңлөн син водзас сувтіс серпасыс, көні Марья да Микулай топыда кутчысьөмөн узьөны ли олоны ли, мыйкө вөчөны ли.

Мөд асывнас бара мөдөдчисны ылысса видз вылө. Анна да Гриша водзвылын котөртісны да эз кывны гырысьяслысь сёрнисө.

— Энлы, Марья, сувтыштлы,— грездянь вель ылө мунөм да бадьяс костө веськалом бөрын нем виччысьтөг шуис Степанида.

— Мыйла?— эз гөгөрво Марья.

— Тэнсьыд шуда чужөмтө видзөдлыны. Сэсса и исыштны на, гашкө, Микулайыдлөн мужик дукыс век на кылө. Лок, бабаяс, топөддам Марьясө.

Мукөдыс, Марпа тьөт да бригадир Аннаысь өтдор, быттьө дуригмоз кутчысисны исавны Марьяөс. Сійө эськө и пескыласис, видліс йөткавны бабаясөс ас дорсьыс, но нельыды паныд водзасьны эз вермы. Гашкө, весиг эз көсйы. Мед дурөны, сылысь шудсө юкөны.

— Тырмас сэсса мортсө исавны. Абу өд пон чукөр,— чорыда шуис бригадир Анна.— Кадыс мунө, а ті тані йөйталанныд.

— Ок, эськө, миянкөд кө Микулайнад юксьыштін,— быттьө шмонитігмоз серөктіс Марпида.

— Ми эськө сэки тэнө исалөм дорысь сылысь асьыс дуксө кылім,— бөрсяныс серөктіс Степанида.

— Öвсьөй сөрөмсьыд. Нинөм абусө бызганнды,— өлөдіс бригадир Анна да шыасис Марья дорө.— Тэ эн сёрнитлы Микулайыдкөд, кор бригадиравнысө кутчысяс?

— Ачыс тай шуис, мый доймөминыс дзикөдз бурдас, да сэк. Сэсса пө коркө кад юркарө ковмас ветлыны. Сылөн өд коклябөрыс дзикөдз пазалөма. Кутшөмкө протез ли мый ли колө пө судзөдны. Весь пө миян кодьыслы карас сеталөны.

Пажын бөрын нывбабаяс мыйлакө торйөдчисны челядысь, Марьяысь да бригадир Аннаысь. Көсйисны эськө и Марпа тьөтысь, но сійө казьявліс Степанидалысь, Татьяналысь, Раисалысь да Марпидалысь турун куртігөн вашкөдчөмьяссө да пыр син улас найөс кутіс. Муртса на өта-мөдныскөд синмасьөм бөрын нель нывбаба кутісны бокө вешйыны, Марпа тьөт кока туис моз тірликтіс на бөрся. Нывбабаяс бергөдчлысны сылань, но эз вөтлыны.

— Гашкө, мыйкө вылө и велөдас на,— сьодас моз шуис Степанида.

— Мый вылө нө колө велөднысө?— телепит лои төдны Марпа тьөтлы.

Сылы эз и вочавидзны. Ю дорлань сетчисны, быттьө мысьыштны мөвпыштөмаөсь. И збыльысь ваад пидзөсөдзыс пыралісны да мыськыштісны чужөм да сьылі вывсьыс турун буссө. Сэсса пуксисны кыр йылө да нюжмасьтөг кутчысисны гуся сёрниас, кодөс чужтіс мөвпыс, коді талун асыв нем виччысьтөг быттьө воөма Марпидалы. Сійө өд тай татчө локтігөн медводз шуис, мый Марьялы поэяс и юксьыштны накөд Микулайнас.

Мый коть шу, кыз коть эн найос янод, но мортыд морт на и эм. Сылон эм вир-яй, пытшкөсса көсйомгяс, кодос кутны весиг он вермы. Мыйлакө од лосьодомаось му вылас абу сомын нывбабаясөс, но и налы гаж выло да нөшта на модтор выло мужикуловос. Сы могысь, медым йитчывны ота-модныскөд, сетны мыйкө та дырйи ота-модныслы. Тайос тай вир-яйыд корө-а. Сидзи жө и тайө аньясылы ковмома. Весиг кутчысьнысө таысь сьокыд. Со тай Марьяыс веросыскөд узьом бөрын кутшөм шылыд чужома лоома. И сингясыс югьялоны, и вашыс ачыс чужом вылас мыччысьло. А налы. Степанидалы, Татьянлы, Раисалы да Марпидалы, кор на татшөм шудыс чуктас. А овнытө, кокниа лолавнытө, мужик рөдкөд узян шудсө тодны өни со вир-яйыс чуксалө. Вынысь дэльөдө тайө мөвпыс том нывбабаясөс. И таысь дивитны да янөдны дзик нинөмла. Тадзи кымын тай мөвпалисны нельнан нывбабаяс. Бьдөн ас ногыс, но чукөртны да ёкмыльтны кө отилаө налысь мөвпгьяссө, то татшөм кымын и мыччыяс кывкөртөдыс.

— Менам эськө сидз шусис да,— дорйысис быттьө Марпида.— Тодлытөг вомысь чеччыштіс.

— Эн сөр,— өлөдіс Степанида.— Менам од юрын тайө жө мөвпыс войбыд гартчис.

— Марьяыс мый шуас?— майшасис Татьяна.— Колөкө, паныд лоас. Ме кө эськө эг лэдз тайос вөчны.

Марпа тьот то оти выло видзөдлас, то мод выло, некызди эз гөгөрво, мый йылысь и сёрниыс.

— Колө сыкөд бура сёрнитлыны,— суйсис Раиса.

— Нельнанным кө босьтчам сёрниө, сийө гөгөрвоас да оз кут пыксыны.

— А Микулайыс кө куражитчас,— майшасьны кутіс Раиса.

— Абу од йөй. Нель мича нывбабакөд мусукасьомысь кө нырсө көрлавны босьтчас али мый. Да и миянлы сийө томдырсянь кажитчыліс. Сидз од?— кывкөрталіс быттьө Степанида.

— Мый нө ті? Эсийө...— кутіс жө мыйсюрө гөгөрвоны Марпа тьот.

— Сидзи и эм, Марпа тьот. Дзик сидзи. Көсьям Марьякөд сёрнитны, мед лэдзас Микулайсө чередөн и миянкөд мусукасьыштны.

— Ті тай, оз тусьяс, дзикөдз йөймөмныд.

— Йөймим и эм,— ышловзис Татьяна.

— Мый сэсса миянлы дзикөдз нюрсмунны али мый мужиктөгыс,— чорыда шуис Степанида.

— От төд, мый татчө и шуны,— ышловзис Марпида.

— Мый шуны, мый шуны? Марьяыскөд сёрнитлыны, и ставыс,— асьыс нырис Степанида.— Оз од Микулайыслон некыті чин. Кутшөмөн енмыс сетөма, сэтшөм и кольө. А миянөс ловзьодас.

Недыр артасьөм да майшасьөм бөрын Татьянлы юрас вартіс нем виччысьтөм мөвп.

— А кага кө артмас? Сэки верос воас да джагөдас. И менө, и Микулайсө.

— Артмас кө, эськө бур да,— нурбыльтіс Раиса.— Миян тай Васьокөд эз артмы. Кык во эськө и олім да. Война вылас босьтгөдз. Артмас кө, таысь бурджыкыс нинөм абу. Ог нин өт-намөн ло.

— Кага артмөмсьыс өд поэьо кызкө видзысьны,— суйсис бара сёрниө Марпида.— Тэ, Марпа тьот, дыр нин олан да төдан тайос.

— Кытысь нин меным төдны. Ставыс нин вунөма да. Ме өд нелямын во нин со дөваала,— аслыс моз быттьө висьталіс Марпа тьот. Сэсся кыпөдіс гөлөссө да вежис сёрни нырвизьсө.— Ме өд сэж, кор верөс эз ло, тиян арлыда кымын и вөлі. Чайтанныд, эг көсйи кодлыськө верөссө вой кежлө көть мырддыны? Унаысь тайө мөвпыс юрын бергавліс. Но полі. Яндыси, йөйыд.

— Ачыд со көсйылөмыд, а миян вылө шензян?— пыр жө и сюри мый шуны Степанидалы.

— Мыйла шензя? Ог шенззы. Нем виччысьтөг сёрниыс тиян кыптіс, да сійөн шай-паймуни.

Недыр водзө артасьом-муртасьом бөрын шуисны сёрнитлыны Марьякөд. Но пөсьвывьсыд өни став сёрниыс өдйө артмис, а со Марьякөд варовитөмөдз вель уна лун исковтис.

Микулайөн дойыс вочасөн бурдіс. Сійө некымынысь нин петавліс ставкөд картупель идравны. Көстыльяс отсөгөн на, дерт. Сэсся кутіс өти бедь вылө пыксьомөн сьөкыдпырысь ветлыны. Сійө, дерт, эз төд нывбабаяслөн сёрнитчөм йылысь, чайтіс, мый Степанида да мукөдыс дурөм ради сы бердө жмитчывласны. Медбөрын том аныас топөдісны жө Марьяос асланыс сёрниөн. Мөдыс муртса эз весьөпөр налөн корөмысь. Йөйминныд пө али мый, кута ме Микулайос ачым тиян дорө ыстыны. Но вочасөн да вочасөн песовтісны сійөс. Гашкө, ачыс гөгөрвоис, кутшөм сьөкыд том нывбабалы мужикыдкөд вольпасьса олөмсьыд коставлөмыд. Ас вывтгыс тайө муніс жө.

Төв шөрнас кымын нин Микулай ветліс карө да вайис протезсө, сэсся и бригадиравны пуксис. Медбөрын Марья ылісянь босьтчис нуөдны колана сёрнисө. Код төдас, мый сійө висьталіс верөсыслы, но мөдыс эз и дыр куражитчы. Ставсө пө гөгөрвоа.

Та бөрын Степанида, Татьяна, Раиса да Марпида Марьякөд өтвылысь кутісны артасьны, кыззи ставсө тайос олөмө пөртны. Кодкө эськө шуис, мый вөвлөм бригадир Аннаос тшөтш колө артеляс босьтны, но унджыкыс паныд сувтісны. Сійө пө пайө мед оз суйсьы. Сылөн нэмсө мужикыс эз вөв, верөс сайө эз петавлы, олас кызкө татөг и водзө.

Микулайос юкны сёрнитчисны чередөн. Но мед көть нин төлысьнас өтчыд быдөнлы чередыс воліс. Ёна тшөкыдатө өти дорсянь мөд дорө ветлөдлігөн Микулайыс вермас кок йивсьыс усьны — сералігмоз быттьө кывкөрталісны нывбабаяс. Весиг волісны сёрниө сы йылысь, мый Микулайөн на дорө волөм водзвылын пывсян ломтыны кутасны. Но Марья та вылө пыксис. Сэки пө збыльысь йөзасям. Ме пө ачым нин ломта. Мукөдыс эз куражитчыны. Пывсян пестө заптыны пө отсыштам. А васө ачыд ваяв.

И өти рытö Микулай да Марья дорö кутшöмкö могөн пырис Степанида. Марья вежон шөрнас пывсян ломтыліс, да мужичöй вöлі зэв баниём да шыльыд чужöма. Пуксьыліс Степанида недыр кежлö лабич вылö, гоз-мöд кывйöн шыбитчис да петіс. Марья видзöдліс верöс вылас. Мöдыс гөгөрвоис ставсö. Öд сёрнитчöма нин вöлі, мый коді рытнас кежалас на ордö, сылөн и талун рыт чередыс. Степанида медводдза воськовсö ас вылас босьтöма. Медся збой да.

Микулай час кымын кольём мысти пасьтасис да веськöдчис Степанидаясö. Сылөн кык челядь нин вöлі, вит да квайт арöса-öсь. Найöс сійö пемдыгöдзыс на нуис Марпа тьöt ордö. Тавой пö пöч дорас узяныд. Пызан вылас лöсьöдöма медся пötöса да чöскыдторсö, мый сюри татшöм кадас. Тшöктіс мужичöйлы нурьясьыштны. Но Микулай весиг эз видлы. Челядьыдлы пö коль, а ме гортын нурьяси нин.

Водісны орчöн да быгтьö некоднанныс эз тöдны, мый водзöсö вöчны. Степанида бара жö ас вылас босьтіс. Тадзи пö али мый асылöдзыс куйлыны кутам. Кор ставыс на костын лоис, нывбаба лёкысь пыркнитчис да сувтіс. Грыма-йирка босьтчис ветлöддыны керкатыс. Тыдалö, скöраліс ас вылас, мыйла тадзисö вöчис. Микулай эз кут дыр овны. Чöла пасьтасис да муніс. Но мöд луннас Степанида мыччисис нин удж вылас ловзыштöм синъяса, быгтьö öд весиг чужöмыс шылялöма. Мукöдыслөн весиг вежыс петіс.

Сэсса Микулай гозья дорö некымын лун мысти рытйысьны воліс Раиса. Вольпасьвывса удж эштöм бöрын сійö босьтчис лёкысь бöрдны. Сыркъялö-омлялö, но нинöм оз шу. Микулай ставсö гөгөрвоис да весиг бурöдны да такöдана кывъяс шуны эз кут. Чотігтыр, өти бедь вылö мыджсьöмөн багыль туй кузя муніс узыны гортас.

Марпида бöрын чередыс воис Татьяналы. Сійö эськö видліс ыстыны Анна нывсö Марпа тьöt дорö, узыны, но мöдыс пыксис. Кор пыраліс Микулай гозья дорö, Марьялы вашнитіс, медым верöсыс сы дорö сёрöнджык локтас. Анна пö гортын, некыдзи бокö узыны эз мун, унмовсяс да сэк мед локтас.

Муніс Татьян гортас да кильчö öдзöссö эз каличав. Аннаыс быгтьö мыйкö тöдö, некыдзи узыны оз вод. Гашкö, Татьяна мырдысьөн водтöдны кутіс да сійөн аснырасьö. Медбöрын водіс жö. Татьяна топыда пöддаліс чулан öдзöссö да ачыс кайис гөбöч вылö. Крöватыс ёна дзуртö да. Сэсса коркö и Микулайыс воис.

Анна нылыс вöлöм ставсö кывлöма, мужичöй мунöм бöрын öшиньöдыс видзöдлöма да тöдöма, коді мам дорас волöма. Мöд луннас лёкысь уськöдчис Гриша вылö. Тэнад пö айыд менам мамкöд кырсалö. Весась пö син водзысь. Гриша дузгöдчис бать вылас. Но нинöм эз висьтав. Но кор чередыс бара воис Татьянлөн да рытнас сійö кежаліс на ордö, детинка некыдзи эз кöсйи водны. Виччисис мыйкö. Кор батыс босьтчис пасьтасьны, Гриша öдзöссö крупка-крапка восьтлöмөн петаліс да пырис киас лэчыд чер босьтöмөн.

— Лысьтлы сöмын мунны!— лэптіс черсö детинка.

Микулай нинөм эз шу, бөр пөрччысис.

— Гашкө, сэсся тырмас да,— водөм бөрын вашкөдіс верөсыс-лы Марья.— Дзыкөдз йөзасям. Верөсьясныс воасны да кувтөдзыд жбоньодасны.

Микулай нинөм вочасө эз шу, сөмын топөдчыліс Марья бердө.

Но кор чередыс воис Степанидалы, Марья век жө пывсян ломтіс. Но рытнас Степанида пыдди керкаас пырис да лабич вылө пуксис Татьян... Тыдалө, нывбабаяс ас кежаныс сёрнитчө-маось, мый черед торкны оз позь.

А көнкө ылын gryмакыліс-муніс война, коді со татшөм ногөн вежліс олан сюрөссө тайө грездыслысь. Татшөмсяма гуся олөм-сьыс, мусукасьөмсьыс көдзөдчысьяснас бара лоины нывбабаяс. Марья, тыдалө, та йылысь төдіс да колана рытас эз ломты пывсянсө. И керкаас некод эз жө пыр. Мый йөткыштіс нывбабаясөс та вылө, Микулай весиг төдны эз көйы. Сылы и Марьяыс век вөлі тырмымөн...





Колегов Егор Васильевич
чужліс 1895 вося апрель 21
лунӧ Усть-Сысольск уездса Ыб
сиктын (ӧні Сыктывдін ра-
йон).

1906 – 1909 вв. велӧдчис
Ыбса начальнӧй земскӧй учи-
лищеын.

1909 – 1914 вв. – Ыбын вӧ-
лӧсьтса писарлы отсасьысь,
вуджис овны Усть-Сысольскӧ,
земствоса начальниклӧн пись-
моводительлы отсасьысь, зем-
леустройство кузя делопроиз-
водитель.

01.1914 – 02.1917 вв. – вуджӧ
Маджаӧ вӧлӧсьтса писарӧн,
делопроизводителӧ Маджа
вӧлӧсьтса правлениелӧн вӧ-
лӧсьтса судын.

02.1917 – 10.1917 вв. – Ма-
джаын вӧлӧсьтса временнӧй комитетын да земствоса упра-
ваын секретар.

10.1917 – 01.01.1919 вв. – Маджаын вӧлӧсьтса исполкомын
да вӧлӧсьтса Комбедын секретар, а сӧсса Зеленечын.

01.01.1919 – 09.1919 вв. – Краснӧй Армияын служба.

11.11.1919 – 11.02.1920 вв. – Ыбын народнӧй судлӧн мӧдӧд
участокын секретар.

11.02.1920 – 9.12.1920 вв. – Ыбын народнӧй судлӧн мӧдӧд
участокын народнӧй судья.

12.1920 – Усть-Сысольскӧ вуджӧм.

9.12.1920 – 1.07.1921 вв. – Усть-Сысольскын Уездса юстиция
бюро да особӧй сессияса председатель.

1.07.1921 – 1.02.1923 вв. – Обсовнарсудын член, Совнарсудса
председательӧс вежысь.

1.02.1923 – 14.03.1925 вв. – Обсудса нотариальнӧй юкӧнӧн
веськӧдлысь.

14.03.1925 нотариальнӧй юкӧн бырӧдӧма.

Коми издательствоын литсотрудник, зырянизация кузя
комиссияын, облисполкомын удж.

1930 в. — КАПП-лӧн секретариатын уджалӧм.

1933 – 1934 вв. – Коми книжнӧй издательствоын литера-
турнӧй уджалысь.

Бӧргя уджыс — Ыбса Погост грездын «Сталинец» колхозын
служащӧй.

Кувсис 1937 вося октябр 19 лунӧ.

Дзедӧма чужанінас.

Егор Васильевичос өні сэтшөм ёнасө мыйлакө оз казътывлыны, көть эськө сылөн творчество кузя вель уна гижөма. А өд сійө пуктіс ассыс пай коми литература чужтөмө, сөвмөмө. И не кө кадыс водз мунөмыс, ми, колөкө, төдгім сійөс эг сөмын серамбана гижөдгъяс сертиыс.

Нимкодъ, мый Сыктывгінса войтыр нималана землякөсө оз вунөдны: чукөртөны гижыс йылыс материал, нуөдөны лыддысьбөмъяс, лэдзөны вөдитчан литература, вильмөдісны гусө... Да и Егор Васильевичос тайө казътылөмыс натөг эськө эз жө артмы. Редакция сьөлөмсянь аттьөалө Ыбса да Сыктывгін районас шөр библиотекаясыс уджалысьясөс бур отсөгыс. Торъя ыджыд аттьө Марина Геннадьевналы Колегова да Людмила Николаевналы Муравьева.

А Василей Ёгор йылыс поэтьө и колө сёрнитны паськыдгужыка, мый ми и кутам зильны вөчны.

Геннадий БЕЛЯЕВ

КЫПЫД ЛОВ – ШОР ЁГОР*

Шор Ёгорөс ті, чайта, он төдөй. *Тадз шулөмадөс сійөс и бать-мамсө сиктас сы вөсна, тыдалө,—* висьталө Социалина нылыс,— *мый керкаыс сулавлөма Ыбса өти шор дорын.* Сёрниыс Василей Ёгор — Е.В.Колегов, коми поэт-сатирик, фельетонист йылыс. Нылыс жө висьталө батыслөн том өрт кывьяс серти:

— Виктор Савинкөд пө пыр ветлөдлісны өтлаын, и серамыд налөн пыр вөлі киссьө, шулывліс Фёдор Щербаков, коді батьсө ми-янлыс бура төдлөма да коді ме ордө тишөкыда пыравліс.

Мый Нёбдінса Виттор — восьса нюма и теш вөчъштны помся кужыс и радейтыс морт, тайөс коми йөзлы висьтавны оз ков. А вот Василей Ёгор-юмористтө ми омөля төдам. И нач весьшөрө. Зэв бур юморист. И эз жө весьшөрө өта-мөд дорас найөс кыскы, кык серамбана ловөс, эз сідз прөстө «пыр ветлөдлыны өтлаын».

Но — мый ог төдө, колө төдмавны! Талун, кос му — апрель медводдза шмонитан лун водзын петыс газет номерын, буретш кад сералыштны Василей Ёгоркөд өтвылыс.

Дерт, позис лыддыны сылыс мукөд гижөд сертиыс неуна төдсаджык «Пөсь пывсянсө», коді и өні на, дзоньнас ли дженьдөдөмөн, юргывлө весиг самодеятельность сцена вывсянь. Сійө петалис: «Коми му» журнал, 1924, № 3; «Сатира сборник», 1933, Сыктывкар; «Войвыв кодзув», 1956, № 11. Позис босьт-



* Петалис 1996 воё «Коми му» газетын.

ны «Коммунистлөн кулом бѳрас олѳмыс» кывбура фельетонсѳ, кодѳ уськѳдѳ тѳд вылад Савинлысь сѳки гижтѳм на «Инасьтѳм ловсѳ» да кодѳс ыджыд ѳртыслѳн нимкѳд и йитѳма: «Сѳѳлѳм-сянь сиа тайѳс Нѳбдѳнса Витторлы — коми юмористлы».

1922 воѳ на, кор В.Савинлѳн вѳлѳ сѳмын на «Райын», а «Инасьтѳм лов» гижас на сѳмын нѳль во мысти, «Югыд туй» газетысь Колегов босьтѳма татшѳм юѳр:

«Межадорын кулѳма ѳти коммунист — Давыдов Михайлѳ Петрович, сѳсся пѳ ѳнѳ сѳйѳ... повзьѳдчѳ». Лоѳма инасьтѳм лолѳн, абу инасьѳма коммунистыд райѳ ни адѳ да «мѳдѳс бѳрлань Межадорѳ». Локтас да овмѳдчас аслас свежѳй гу вылын.

**Симѳ Мишка вѳлѳ тешкодѳ,
Полѳм делѳ сылы веськодѳ.
Тешкодѳ йѳз вылас шмонитыштны радейтѳ,
налы кастигчѳ:**

**Войнад уналаѳ волѳ...
Дзикѳдз нин пѳ воши лад —
Полысь йѳзлы ыджыд мат.
Со ѳд коммунистлы дзугыд:
Весиг пѳдса мѳдарьюгыд.
Збыль сѳдз абу — ме ог тѳд...
Гашкѳ-й, бабаяслѳн вѳт.**

(Медводдзаясь, тыдалѳ, «Коми му» журналын, 1925, № 6-7).

Ог тѳд, кыдзи эськѳ донъялисны тайѳ гижѳдсѳ 1937 воѳ, ловъя кѳ вѳлѳ авторыс. Но кызьѳд воясас кык шмонлив поѳт, кык атеист Савин да Колегов, быттьѳ ордысьѳны и ѳддзѳдѳны ѳта-мѳдныслысь гижан уджсѳ.

Либѳ босьтны Колеговлысь «Тѳлысь кусѳдѳм» серамбана гижѳдсѳ, кѳнѳ петкѳдлѳ Сыктывкарысь комынѳд воясся кусѳдчысь-ясѳс («Ударник», 1933, № 5-6). Лишнѳйджык гажмѳм бѳрад налы керка вевтъяс сайысь мыччысьысь тѳлысьыс частѳ кажитчывлѳ вывтѳ гѳрдѳн, биѳн. И — кусѳдны! Медбѳрын оз пѳжарникъяс, а тѳлысьыс казялѳ, мый тадзтѳ делѳыс дзуг, да кымѳр сайѳ дзебсьѳ — кук.

**И карын сѳсянь тѳлысь дзикѳдз раммас:
Кыдз пѳжарник мыччас юр,
Сайѳдчыны ѳдйѳ сяммас,
Пырас кымѳр сайѳ — гур.**

Либѳ босьтны Василей Ёгорлысь...

А сѳѳкыд и бѳрйынысѳ, быд бур гижѳдѳн кѳсйысьсѳ тѳдмѳдны ѳнѳя выль лыддысьысьѳс. Шуѳма лои со, мый зѳв омѳля тѳдам тайѳ Ыбса юмористсѳ. Вунѳдлѳмаѳсь кыдзкѳ быттьѳ сѳйѳс. А ловъя дырйиыс ѳд ѳна паськыда тѳдлѳмаѳсь и донъявлѳмны. 1923 воѳ на «Коми поэзия артмѳм» доклад-статьяын Илля Вась гижѳ:

«Ёгор Колегов. Нѳбдѳнса Витторлѳн кѳ кокныдик юмор, Ёгор Колеговлѳн сѳйѳ сотѳ. Сылѳн серамыс ѳтмында кывъясас

и висьталомторгъяс (содержаниеас). Сійө мукөд гижөднас дзик Демьян Бедный кодь («Вичко служба»). Гижө сөмын кывбургъяс (сэки — да. — Г.Б.). Уна гижөма коми олөм йылысь, петкөдлөма бытовөй серпасгъяс. Сералө коми йөз оланноглысь гугсө».

Но со В.Латкинлөн сюрөма архив фондгъясө вөйлөм-вошлөм мөд пасйөд, нөшта воддза, 1921 вося, кодөс абу на зэв важөн аддзөма Г.И.Торлопов. Сэки Е.Колегов Ыбас на оліс, нарсудьяалис сэни да вөлі сөмын некымын кывбурлөн авторөн. Но тайө петкөдлө и Илля Васьлысь талант вылө бур ныриссө. Пасйөдас (вөчөма сійө абу йөзөдөм вылө эмөсь татшөм кывгъяс:

«Со көн вөллөм коми поэтыс, настоящйи коми гижысьыс! Аслас гижөдгъясас («Крам праздник», «Кага видзөм», «Миян грездса комитет» да с.в.) книгагысь нинөм абу босьтөма. Гижө, мый аслас синнас аддзылөма, а гашкө, и ас мышку вывтйыс мунлөма...»

Колеговлөн сатира — коми сатира. Кывзөй, кор коми морт кодөскө көсий сөравны либө кодкө йылысь анекдот висьтавыны,— сійө висьталө Колегов кывгъясөн.

Колегов гижө дженъыдика, но уна висьталө, сьлөн быд кывбурын мездор тыр ним. Мукөдлы кө коми крам праздник петкөдлөм могысь ковмис гижны быдса книга, Колеговлөн гижөма өти лист бокө...

Колегов — выль поэт, сөмын на заводитө гижны. Ме чайта, ёнджыка кө кутас гижны, сыысь лоө миян коми Демьян».

Кодлы эз мавтышт эськө выя бордйөн морөстө творчество тадз донгъялөмыд!

И збыль өд, гижысьлөн шөр визгыс, кыті шуөма пысьтыны да вынсявны сьлөн енби-сямлы, мукөддырйи мыччысьө өти ичөтик гижөдын. Уськөдам төд выланым Василей Ёгорлысь «Ада-рая костын» серамбана гижөдсө (ми йөзөдім март 7 лунө), «Кыйсьысь зон» (Пармазон) мадригалсө (мадригал — а вильыш нюма, кык пөвста сюрөса!).

Кужліс-төдліс Ёгор Колегов и проза шмонь. Лыддөй сылысь өти фельетон. Шусьө сійө

ЛОВЪЯ ГИРА

ФЕЛЬЕТОН

Собраннө вылө та мында йөз некор на эз чукөрмыв. Талун кежлө вөлі юөртөма, кутасны пө бөрийыны... гираяс, да локталісны быдөн. Пөрысь йөз асывсянь быдөн шыльөдчисны-мольөдчисны да енлы муөдз юрбитісны, мед эськө ен милөсьтөн веськаласны прөста олгөмоз гира туйын овны. Том йөз быдөн вөччөмөн локталісны, а нывбабаяс сьөрсьыныс став челядсьө тшөтш вайөдісны, оз-ө пө кутны посныд гираяс тшөтш пуктавыны.

Комилес складлы гираяс колөм йылысь төдісны нин вежон кымын сайын став Висерыс. Төдөны вөлі — складын вески эм (важ купечлөн зэв ыджыд вески), а гира абу. Көсьылісны весиг вөр лэдзөмсө сы понда сувтөдны, да ладнө кладовщикыс «изоб-

ретательной» вёлёма: гөгөрвоас чугун гиратё мортон вежны... Тайё «секретыс» кальёг йёзнад регыдён паськаліс став Висер кузьяс. Лэдзёмаось вёлі тшотш сёрни, «гираяслы» пё кутасны сетны ыджыд жалёванньо...

Собранньо вылын бөрйисны председательёс да секретарёс. Кладовщик висьталіс неыджыд речь.

— Оні мян быдлаын режим экономия,— шуё сійё.— Кор позьё вёдитчыны ловья гираён, нинёмла и чугунсё лёсьодны. Тайё лоё мян СССР масштабын, гашкё, и всемирной масштабын, медводдза опыт. Сезоныс кё бура кольё, локтан восянь став чугун гирасё вежлалам ловьяясён да правительстволысь корам тайё изобретенньосыс патент.

— Унджык гира колё пуктавы!— горөдісны челядя нывбабаяс.

Кладовщик бара висьталіс, тайё пё мян медводдз опыт на да, таво кежлө лоё лёсьодлыны сөмын өти ловья гира.

Та бөрын сёрнитісны, кыдзи бурджык гирапусё бөрйыны. Кодсюрё вөчисны предложенньо — вөчавны пудьяс.

— Пудйон бөрйыны оз позь,— прөтестуйтіс кладовщик.— Лоё бөрйыны весён, мед эськө төдны кутім «гиралысь» сьөктасё, кымын кило кутас кыскыны. То, менам гираяссё чукөртөма нин,— индіс чуньнас да сэсся командуйтіс:— Вайё сувталөй өчередьё!..

Өчередьысь медводдза мортыс весён эз лөсяв. Мөд мортыс вөлі сулалө нывка. Кладовщик сэтчө падмис да бара протестуйтіс:

— Нывбабаясөс гира туйын вөдитны оз позь: налён сьөктаыс зэв ёна вежласьё... Сьөктасны кё, менам зептө инмас...

Сэки шыасис өти коктөм морт:

— Вай инө менө, коктөм мортөс, босьтөй. Тані ме натө ола.

— Инвалидьясөс босьтны оз жө позь!— горөдіс кладовщик.— Миянлы колө, мед вөлі полной механизация, мед гираыс пытш кодь вөлі — ачыс лэччө и кайё вески вылад. Инвалид помсьыд кутшөм механизация да рационализация вермас лоны?..

Унаөс веситөм бөрын лөсялан морт сюрис. Роч Опоньлөн сьөктаыс буретш лөсяліс килограмм лыдө. Сэки став йөзыс видзөдлісны Опонь вылө завидьпырысь, со пё мортыс кутшөм шуда вёлёма.

— Бөрйыны — бөрйинныд,— шуис йөзлы Опонь,— а клеймитны ме ог сетчы. Көсьянынды кё клеймитны, бөрйөй выльёс.

Кысь нин сэні выльёс бөрйыны, муртса нин сюрис да. Сідзи Роч Опонь төвбыд гира туйын и оліс. Первойсө йөзлы вөлі зэв тешкодь кажитчө, а сэсся велалісны да — нинөм. Бөрынджык йөзыс сюсьмисны да, кор Опоньыд шоныдджыка пасьтасьөма (паркаён либө тулупөн), сэки и мунөны складө ньөбасьны. Мукөддырйи вөлі вермасны вөр лэдзөмысь нянь босьтны вөлөн, да Опонь кё паськөмсө мыйкө понда пөрччөма, бөр тыртөгыс локтасны.

Өти тьотка вөлөм нывсө велөдө:

— Тарыт, нылө, аддзөдлы Роч Опоньтө да меліджыка бергав, мед аски, ньөбасигкежлад, топыдджыка пасьтасяс.

Бөрас, велалісны да, килоөн пыдди няньтө «опонь» лыдөн и вөлі ньөбалөны:

— Кымын «опонь» няньтö ньöбин?

— Куим «опонь».

Тадзи Роч Опонь служитис Комилеслы «гираён» төвбыд. Кор шоньд паськөма, кор и дөрөм кежсьыс.

Режим экономия, рационализация да механизация — полнöй. Америкаын татшөм «изобретенньос» абу на. Кладовщикыс «пустяки» жö абу судзсьöма — сöмын кыксё шайт гөгөр.

1929.

(Тані босьтöма «Сатира сборникысь»,
Сыктывкар, 1933).

Но олöмыд олөм и эм. «Шмонитлöмаöсь» и аскöдыс Егор Васильевичкөд. Öтчыд сылы ковмöма справка... Абу эськö сылы — налог чукöртгысь службаяслы, тыдалö. И лоöма тайö зырянизация кадö на, абу на сы динö дзик кöдзалöмны. Зырянизация кö, и зырянизация, учрежденияесада колö став делöсö комиён нуöдны. Сыктывкарса Сöвет исполкомын сетасны Коми госиздатса уджалысь Колеговлы колана бумагатö. Ни öти шыпас вежтөг кö, сийö татшөм:

«Справка

7-öд фев 33

№17

Сетöма гр. Сыктывкарысь Колегов Егор Васильевич, мый сылөн социальной положеннö видзму абу, мукöд тор керка, вöв мöс нинöм абу, семейнöй положеннö öтик баба Анна Алексеевна, тае сетöма учрежденнö петкöдлөм вылö, пошлина босьтöма % 50 % ур.

Секретар Горсов (гөгөрвотөм кырымпас)

Делопроизвод (кырымпас)»

Төдöмысь, Василей Ёгор эз этша серав та вылын и «семейнöй положеннö öтик баба» кывъяссö быть петкöдлис гöтырыслы да эз öтчыд уськöдлы төд вылас. Анна Алексеевнаыс вөлöма Е.В.Колеговлөн мөд гöтыр, визябожысь Ичöt Öльöш Анна.

Снимок вылын: КАПП-лөн II конференция. Усть-Сысольск, 1928 во. Е.В.Колегов медводдза радас веськыдвылас.





Никон ХАТАНЗЕЙСКИЙ

ЛОВ ДА СЬӦЛӦМ МЕНАМ ТАН

(журналист аслас чужан сикт йылысь)

Вӧліс лӧнь да озыр сиктӧн

Чужан сиктыд быдӧнлы дона. Торйӧн нин томъяс кӧсйӧны тӧдны, мыйӧн нимавліс сійӧ, мый коліс йӧзлӧн паметьӧ. Менам чужан сиктӧй — Кипиево. Сійӧ нимавліс ыджыд кӧр стадаясӧн, йӧла мӧсьясӧн, мастеръясӧн, кодъяс асланыс кужӧмнас нимавлісны эз сӧмын Изьва муын, но и ёна ылынджык. Менам землякъяс — вӧсьса йӧз, найӧ пыр радӧсь ветлысь-мунысьлы, примитасны бур гӧсьтӧс моз.

Кипиево сиктлӧн историяыс оз пыр ёна пыдӧ. Чужан му туялысь Василий Егорович Канев, Ёгор Вась, тӧдмаліс нимъяссӧ ставлысь, кодъяс 1851 воын овмӧдчылӧмаӧсь Печера юлӧн шуйга берегас. Найӧ вӧліны Изьва бердса Гам, Мохча, Бакур да Сизябск сиктъясысь, но чужанінаныс дзескыд лоӧма овнысӧ.

Первойӧн Кипиево йывсьыс казътыштӧма роч геолог да палеонтолог В.П.Амалинский, коді ХІХ нэм помас пароходӧн катлӧма Печера кузя. Кывтігас учӧной сувтлӧма грезд весьтас, видлалӧма юбердса муяссӧ. «Ледовитӧй океан да Печора кузя» книгаын, коді пегіс 1903 воын Варшаваын, учӧной гижӧ: «...водзті Кипиево-Севастополь грездыс вӧліс Печера шуйга берегас, но тувсовъя ыджыд ваис босьтліс эз сӧмын скӧт картаяссӧ, но и оланінъяссӧ. Та вӧсна йӧзыс овмӧдчисны веськыд берегас». Некодлысь юасьтӧг кутісны пуксьыны сэтчӧ и мукӧд сиктсаяс. Тайӧ абу кажитчӧма грездса олысьяслы. Старӧста веськӧдлӧм улын найӧ гижӧны «приговор», кодӧс вынсьӧдӧ сиктса сход. Овмӧдчыны пӧ сэтчӧ позьӧ сӧмын грездса йӧзлӧн

сӱглас серти. Тайӱ «приговор» пондаыс либӱ мыйкӱ мӱдтор вӱсна Печорскӱ крайын Кипиевоыс дыр нималис медся лӱнъ, медся лӱсьыд сиктӱн. Дыр сӱни некутшӱм лӱктор абу вӱвлӱма.

Пыралам республикаса архивӱ. 1902 воын Кипиево-Севастополь грездас вӱлис 26 ӱти судтаа да 16 кык судтаа керка, кӱни олисны 191 мужичӱй да 125 нывбаба. Найӱ видзисны 155 мӱс (ӱти мӱскаыс вӱлис 7, куим да унджык мӱскаыс 29 овмӱс), 129 вӱв, 2160 кӱр.

1912 воын Кипиево лоис вӱлӱсьтӱн. Сӱни кутисны уджавны вӱлӱсьтса управа, вичко, грамота школа. 1920 вося перепись дырйи сӱни вӱлис 394 олысь (59 овмӱс). Кипиево вӱлӱстяс пырисны Чаркабӱж да Чаркаю грездъяс, перваяс вӱлис 81, мӱдас — 62 олысь.

Сиктса йӱз воысь-во лӱсьӱдисны унджык гортса скӱт да кӱръясӱс. Пӱтр Терентьевлӱн «Брыкаланск — село Печорское» книгаын пасйӱма, мый Филипп Маркович Каневлӱн (Марк Фильлӱн) революцияӱдз вӱлис квайт сюрс сайӱ кӱр, 40 юр гырысь скӱт. Сийӱ стрӱитис кык судтаа, ыджыд ӱшиньяса, уна жыръя керка, кодӱ ӱна мичмӱдис сиктсӱ. Кольӱм нӱмся комынӱд воясын сӱни вӱлис начальнӱй школа, но сотчывлис.

Марк Фильлӱн вӱлис куим вок — Михаил, ӱсип да Иван. Ставныс найӱ олисны озыра, воысь-во видзисны унджык гортса скӱт, лӱсьӱдисны выль видзьяс, муяс. Ытшкан да куртан машинасын турунсӱ дасътисны эз сӱмын асланыс скӱтлы, но и Изъваӱ вузӱс вылӱ. Михаил да ӱсип олисны ӱти овмӱсӱн, быд во содтисны вузӱс яй да вый. Михаил Кипиево сиктын первойӱн лӱсьӱдис сепаратор, джын сиктыс ваялис йӱвсӱ сылӱн вый заводас. Михаил да ӱсип ӱтвылысь стрӱитисны кык судтаа, ыджыд да мичаысь-мича керка, кодӱс кольӱм нӱмся комынӱд воясын разисны да баржаясӱн кыпӱдисны Усавомӱ. Ыджыд войнаӱдз Усавомыс вӱли Печорскӱ округлӱн шӱринӱн. Коймӱд вокыс, Иван, видзис 6–7 мӱс, 5 вӱв, уна ыж. Иван мукӱд вокъяс серти велӱдчӱмаджык вӱли, сылӱн унакодъ вӱлис книга (ӱткымынъяс босътлисны лыддыны), музыкальнӱй инструментъяс. Иван судзӱдис Петербурга да Кардорса газетъяс.

Екатерина Васильевна Хозяинова вӱлис ыджыд мывкыда да уджач нывбабаӱн. Колхоз дырйи тулысъясын 22 во помся кӱдзис ид, рудзӱг. Уна во уджалис дояркаӱн. Аслас бать Василий Тимофеевич Артеев йылысь казътывлис, мый сийӱ вӱлис тӱлка да уджач мортӱн, бур вӱралысьӱн. Лӱсьӱдлис ыджыд семья: кызь морт олим ӱти керкаын, олим сӱглас. Ме эг казаявлы, медым кодкӱ норасълис. Быдӱн вӱчис ассыс уджсӱ. Овмӱсын вӱлис дасысь унджык мӱс, 6–7 вӱв, уна ыж. Асланым нянныс восӱ бура тырмис, шоча нӱблӱм Чердынья купечьяслысь еджыд пызь. Батьлӱн вӱлис нӱль вок — ӱгор, Аврам, Филипп, Прокопий. Ставныслӱн вӱлис уна челядь. Быдӱнлӱн вӱлис крепыд овмӱс, уна скӱт.

Первӱй мирӱвӱй война вылас сиктысь босътлисны 49 мортӱс. Аврам Тимофеевич Ануфриев фронт вылас вӱлӱма разведчикӱн, ранитчылӱма. Война вывсъыс волӱма кык Георгиевскӱй крестӱн

да куим Георгиевско́й медальо́н. Игнатий Иванович Дуркин кыкысь ветло́ма штыко́вой атакао́. Сійо́с наградитло́мао́сь Георгиевско́й кресто́н да кык Георгиевско́й медальо́н. Фронт вылас кык салдат веськавлóма немечлóн газъяс улó, сизим салдат усьóма косьясын, квайт салдат веськавлóма пленó. Нель фронтóвик волóма гортó сьóкыда ранитчóм бóрын. Нельнаныслóн вóлины Георгиевско́й медальяс. Салдатъяс война вылас унатор адзылісны, унатор кывлісны, гортó локтóм бóрын óтияс сувтисны озыръяс, мóдъяс — гóльяс дор.

Сиктын сóвет власът вóсна тышсó котыртисны Печера вомса вór пилитан заводысь вóвлóм рабочóйяс. Разнóй воясó Кипиевоысь сэнí уджавлісны сизимсянь дас óти мортóдз. Вóлосът испол-



комса первой председателна́с бóрйылісны Семён Дмитриевич Артеевóс. Сійó вóлі плóтнично́й делóяс кузя мастерóн, бура кужис котыртны йóзóс, ышóдны найóс. Заводса рабочóйяс да и сиктса йóз пóвстас пóльзуйтчис авторитетóн. Жаль, мый чорыда висьмис, водз куліс. Вóлосътса военно́й комиссарна́с вол-исполком инд́ис Егор Николаевич Рочевóс. Сійó жó волисполком бердын котыртис красногвардейско́й отряд. Белогвардеечья́слы удайтчис арестуйтны комиссарóс да сыкóд тшóтш сиктса почтальонóс, сóвет власътса активистóс. Кыкнаннысó нуóдисны Брыкаланскó, дыр издевайтчóм бóрын ловъя вылысь скойсны йóрданó. Сиктысь óкмыс морт пуктис оло́мсó сóвет власът вóсна тышын.

Первóй мирóвой да гражданско́й война́яс дырйи сиктса олысьяслóн лыдыс чинис матó 160 морт вылó. Óтияс усисны косьясын, мóдъяс кулісны висьómъясысь. Сиктса йóзлысь оло́мсó кокньóдыштóм могысь волисполком котыртис субботникъя́с, на дырйи шко́лалы дасътисны пес, дзоньталісны туйяс, весалісны видзья́с да пóскóтина́яс. Изъва-Печера уездса «Красная Печора» газет юóртис, мый 1923 воын Кипиевоын кутис уджавны вый вóчан артель. Газет тóдчóдіс, мый мóсъясыс тані зэв йóлао́сь, вайсьómсяньыс луннас сетóны нель ведра йóв.

Тшыг кадас сиктысь уна йёз мунісны вёравны. Пушнина вылас государство сетіс пызь, сакар, мануфактура, дрёб, порок. Уна да бур куяс сдайтёмысь уездса власьтъяс кык ствола ружьяясён премируйтисны Герасим Иванович Каневос (Никон Вась Ярос), Никита Иванович Артеевос (Малой Вань Никитос), Кондратий Иванович Хатанзейскийос (Яран Конаос).

1925 воын мунісны советъясё бөрйысьомъяс. Сиктса озыръясос, озыр төргөвечьясос (П.Терентьевлөн «Брыкаланск — село Печорское» книгаын пасйёма, мый Кипиевоын вөліс 16 кулак овмос) да вичкоса служительясос вөлі лишитёма бөрйысян правоясысь. Налысь, кодъяс водзсасисны совет власьтлы, национализируйтисны няр вочан мастерскойяс, складьяс, откымынъяслысь оланінъяссө.

1926 воын Усавомын заводитисны стрөитны кансер завод. Корпусьяссө тшуписны керйысь. Стрөитисны тшөтш складьяс, оланінъяс. Уджъяснас веськөдліс Брыкаланскысь Степан Александрович Терентьев. Стройка вылас Кипиевоысь уджаліс квайт плөтник. Заводыс стройё пырис 1929 воын. Консервьяссө вөчисны көр яйысь, байдөгъясысь, быдсяма чериысь, весиг йөршъясысь. Вөчөмторсө нулісны Кардорө.

1927 воын Брыкаланскысь да Кипиевоысь плөтникъяс сёрнитчисны Большеземельской тундраын стрөитны культбаза. Асьныс найө порөдісны вөр, тулысын сійос сөвтисны баржаяс вылө, ыджыд ва дырйи пароходьясён пыртисны Большеземельской тундраса Хоседа юө, код берегын и кыптис культбазыс — оланінъяс, складьяс, магазин, пывсян...

1928 воын Кипиевоын кутис уджавны лыддысян керка. Веськөдліс сійөн Андрей Захарович Терентьев. Сійө жө воас сэтчө лосьөдісны радио. Йёз окотапырысь чукөртчывлісны сэтчө, кывзисны радио, төдмасисны газетьясён, сиктса активистъяс төдмөдісны странаын мунысь событиясён. Тшөкыда сёрни пансьыліс и коллективизация йылысь.

1929 воын Кипиевоын котыртчис вөрпункт. Веськөдліс сійөн Михаил Фёдорович Дуркин. Порөдчис 38 морт. 1934—1935 воясын медся уна вөрсө порөдіс Фёдор Максимович Кожевин, Кипиевоса медся вына мортыс. Сылы сетисны «Ударник» ним. 1935—1936 воясө төвнас Леонид Семёнович Чупров порөдіс 1071 кубометр вөр. Сійө лоис стахановечөн. Чупровос да сылысь гөтырсө, Евдокия Александровнаос, коді сідзжө уджаліс вөрын, 1936 воын корлісны Сыктывкарө, кыкнаннысө наградитисны «Коми обласьтлы XV во» знакъясён. Леонид Семёновичос босьтисны армияс 1941 вося сентябр төлысьын, усис косьын. 1938—1939 вося төвнас Кондратий Иванович Хатанзейский лучкөвөй пилаөн порөдіс 1500 кубометр вөр, районуын медся уна. Кондратий косьясын сьөкыда ранитчис 1942 вося сентябр 20 лунө, садьө волытөг куліс Ленинград обласьтса 160-өд госпитальын.

Сиктын коллективной овмос котыртөмө уна вын пуктис Григорий Иванович Артеев. 1918 вося февральсянь 1922 вося августөдз служитис Гөрд Армияын, Северо-Двинской фронтын, тышкасис еджыдъяскөд, ранитчыліс. Армияысь демобилизуйтөм

бөрас веськөдліс Кипиевоста волисполкомон, а сәсса кредитной товариществоон. 1930 вося мартын Кипиевоын котыртчис «Путь Ленина» колхоз, собраниеса участникъяс өтсөгласон председателънас бөрийсны Григорий Ивановичос.

— Коллективной овмос котыртөмыс мунис сьөкыда,— казъ-тывліс Артеев.— Сиктын быд өкмысөд овмосыс вөліс озыр. Да и сідз шусяна середнякъясыс олісны эз гөля, быд татшөм овмосыслон вөліс кык-куим мөс, кык вөв, ыжъяс, уналон — көръяс. Крестьянин лун и вой мырчис, зіліс көдзны унджык нянь, видзны унджык скөт. Быдөн на пөвстысь думайтис: лоас-ө мыйкө бурис колхозас? Коллективизация нуөдөмыслы прөтивникыс вөліс уна. Сиктса йөзкөд сөрниын ме некодлы нинөм эг көсийсылы, висътавлі, мый кутам кө бура уджавны — лооны удж ккнөдысь машинаяс, уна мукөдтор. Колө эськө вөлі миянлы унаторйө велөдчыны овмосон веськөдлыны Марк Фильлысь, но сійөс мыжтөм мыжысь судитисны лыйлыны.

Первой воас правление чукөртчыліс быд лун. Идсө көдзим 60 гектар му вылө, урожайыс воис вөвлытөм бур. Ссуда вылө ньөбим 16 кукань, но ни өти нывбаба эз босътчы дөзьөритны найөс. Вөйпөді олома колхозник Иуда Семёнович Филипповос. Пасибө сылы, бур мөсъяс быдтис.

Воысь неуна дырджык веськөдліс овмоснас Григорий Иванович. Сійө кадас председателъяссө частө вежлавлісны. Партия райкомлон корөм серти Артеевос бөрийсны веськөдлыны Гам сиктса колхозон. Куим во председателълөм бөрын сійөс индісны связь райконтораса начальникө. Связяс разной должностъяс вылын уджаліс комын во. 1954 воын Григорий Ивановичос наградитисны Трудөвой Гөрд Знамя орденон.

Торйөн ыджыд вежсьөмъяс колхозас лоисны, кор сійөн веськөдліс Иван Васильевич Канев. Сійө ачыс вөліс Ухтаса. 1940 воөдз Ухтаыс пырліс Изъва районө. Канев гөрд дипломон помавлөма колхоз председателъясөс дасътан Кардорса высшой курсъяс. Иван Васильевич судзөдіс животноводство да агрономия кузя журналъяс, статьяяснас төдмөдіс бригадиръясөс, правленияса членъясөс. Изъва районса «Гөрд Печора» газет частө йөзөдліс материалъяс «Путь Ленина» колхоз йылысь: колхоз төв кезлө дасътө не сөмын турун, но и уна силос. Колхоз ньөбис холмогорскөй пөрөдаа өшгъясөс, быд во стрөитө выль скөт карта, лөсьөдіс выль муяс, видзъяс.

1937 воын бөрийсысьсяскөд аддзысьлөм могысь Кипиевоө воліс СССР Верховной Сөветса депутатө кандидат — Матрёна Трофимовна Артеева, Сизябскысь «Трактор» колхозса кукань видзысь. Сылы өна вөлі кажитчөма колхозлон мөсъяс бөрся дөзьөрыс. Районса мукөд овмосъяс серти йөвсө тані лысьтөны өна унджык. Ёна бурөсь и скөт картаясыс. Депутатө кандидатлы кажитчөмаөсь вөлі куканьясыс, кодъясөс дөзьөритис Калерия Трофимовна Чупрова.

Колхоз ыджыд төдчанлун сетіс му вөдитөмлы, выль муяс лөсьөдөмлы. Шөркодя быд гектар бура вынсөдөм му вылысь идсө чукөртисны 16 да унджык центнерон. Ме водзын «Совет-

ская Печора» книга, кодi петөма Сыктывкарын 1940 воын. Сэни гижөма: «Көр пастук Ефим Антипович Рочев семьялөн 1938 вося уджысь пасйөма 3410 трудодень. Та вылө колхозысь семья босьтис 6485 шайт сьом, 43 центнер нянь, 852 килограмм яй, а сідзжө град выв пуктас, кыс, турун».

1938 вося арнас Изьва райисполком индiс Иван Васильевич Каневөс веськөдлыны Ухтаса механизируйтөм леспромхозөн. 1941 во помас сййөс босьтисны война вылө. Усис косьын.

1939 вося февральын колхозса председательнас бөрйисны Василий Николаевич Ануфриевөс. 1939 вося тулыснас баржаөн вайисны колхозлы локомобиль. Мужичөйяс вөрөтъясөн кыпөдiсны сййөс гөра вылас. Механикнас правление индiс Василий Аврамович Вокуевөс, кодi машиниставлөма пароходъяс вылын. Сййө вөліс збыльысь бур мастерөн, дзоньтавліс вурсян машинаяс, ружьеяс, часяяс. Тайө мортыс вөліс и шмонь радейтысьөн, серам петкөдлысьөн, төдiс уна анекдот, пөслөвича. Локомобиляс унатор эз тырмы, тыдалө, туяс вошталөмаөсь. Кутшөмсюрө деталь вөчисны Щельяюрса затон мастерскөйясын, унатор дорис сиктса кузнеч Василий Григорьевич Рочев (сиктса гудөкасысь). Сөр арнас локомобильыс кузя тутөстiс, олөма йөз весиг кулисны шапкаяснысө. Локомобильыс первой бергөдліс вартан машина, а сэсся циркульнөй пила. Колхозникъяслы машинаыс зэв воис сьёлөм выланыс.

Сиктса история туялысь Александр Васильевич Каневлөн висьталөм серти, Филипп Маркович Каневлөн көр стадаясыс гожөмнас йирсисны Большеземельскөй тундраын. Колхозъяс котыртан воас став тайө көръяссө приватизируйтiс Ненеч национальной округ. Көръяслысь өти стада көзьяиныс нуөдiс Урал гөра сайө, көр видзысьясыс сэтчө и овмөдчисны. 1933 воын өти нейджыд стада пыр кежлө муніс Канин тундраө. Сййө жө воас вит көр видзысь өтувтiсны асьыныс көръяссө. Артмис 2400 сайө көра стада. Тани ыджыд заслугаыс көр пастук Ефим Антипович Рочевлөн. Дыр эз аддзыны көр ферманас веськөдлысьөс.

Видз-му овмөсөн веськөдлысьяслысь курсъяс помалөм бөрын Василий Егорович Каневлы, Ёгор Васьлы, характеристикасө сетiсны сэтшөмөс, мый көть талун сййөс пукты районса первой секретарөн. Василий Егорович кутшөмкө кад вөліс колхозса председателён. Но сййө унаторйын эз волы өти кывйө районөн веськөдлысьяскөд. Торйөн нин Каневлы эз кажитчы, мый районса власьтъяс ёна дзескөдөны озыръясөс. Ёгор Васьөс мездiсны колхозса председателысь. Лун мысьт колхоз правление индiс сййөс веськөдлыны көр фермаөн, «временно исполняющөйөн». Тайө «временнөйыс» нюжаліс 1934 вося февральсянь 1968 вося августөдз. Ёгор Васьлөн водзмөстчөмөн Большеземельскөй тундраын колхоз аслас вынъясөн вөчис первой кораль — уна жыръя ыджыд йөр, кодi ёна кокньөдiс көр пастукъяслысь уджсө, торйөн нин көръясөс лыддигөн да висьысь көръясөс торйөдiгөн. 1937—1938 воясын районса колхозъяс шөр-кодя быд сө көр вылө вөчлісны 22 центнер яй, а Кипиевөса

колхоз — 28,3 центнер. Торйон нин выло донъяліс Ёгор Васьлысь уджсö водзмöстчысь көр видзсысьяслөн слёт, кодi муніс 1939 воын Усавомын. Сэні Кипиевоста көр видзсысьясöс шуисны стахановечьясөн. 1940 воын ыджыд вермөмъясысь көр видзсысь бригадирьясöс — Андрей Каневос, Николай Рочевос, Ёгор, Иван да Семён, а сідзжö Василий Егорович Каневос — вöлі пыртöма ВСХВ-лөн Почёт книгаö. Война водзас Ёгор Васьос наградитисны ВСХВ-лөн зарни медальон, война бöрас — Трудовöй Гөрд Знамя орденөн.

1936—1938 воясын нянь быдтöмын да көр видзöмын ыджыд вермөмъясысь Кипиевоста «Путь Ленина» колхозос наградитисны Трудовöй Гөрд Знамя орденөн. 1940 вося юнь тöлысьын колхозса председатель Василий Николаевич Ануфриевос да көр пастук Иван Иванович Чупровос колхоз мөдöдіс Москваö орденысла. Найос нуны Сыктывкарсянь Изьваö воліс У-2 самолёт.

— Лэбигчöж, — казтыліс Чупров, — öтарö дзöргим-видзöдім, дивуйтчим, кутшöм паськыд Коми муным, дивö, мыйта сэні вöрыс, юыс... Москваын олім кык вежон, новлөдлісны миянös музейясті, выставкаясті, весиг театрын вöлім. Уна бур йöзкөд тöдмасим. Кремльын Калинин висьталіс страналөн экономика да культура сөвмөм йылысь, а сэсся сеталіс орденъяс, вичмис и миян колхозлы. Крепыда кутліс миянлысь кияснымös. Кык лун тöдмасим ВСХВ-лөн павильонъясөн. Мыйыс сэні эз вöv! Ставсö вöчöма сы могысь, медым уджалысь мортлы овсис бурджыка. Öти павильонти мунігөн кылім экскурсоводлысь висьтсö: «Тайö ылі войвывса овмöсыслөн уна сюрс көр, гожöмнас көръяс йирсьöны тундраын. Воысь-во колхоз чукöртö няньлысь озыр урожай...» Василий Николаевич öдйö писькөдчис экскурсовод дорас да ньöжйö юаліс: «Тайö миян колхоз йылысь ті висьтавлінныд?» Вочакыв пыдди экскурсовод юаліс: «Коді ті?» «Ме сійö овмöсса председателысь, код йылысь ті нуöданныд сёрнисö». Экскурсовод мыччис председателылы микрофон да шуис: «Тянылы нель минут». Василий Николаевич висьтавліс колхоз йылысь, а ме видзöді стенд вылас. Сэні öшалісны ид, рудзөг да зөр кольтаяс, ляпкыдик ящикъясын — картофель, капуста, морков, сёркни. Ыджыд снимок вылын петкөдлöма тундраын йирсьысь көръяс, сиктбердса пöскöтинаяс вылын — мösъяс, вövъяс. Мичаа видзöдсьö Печера юыс, код пöлөн нюжөдчöма Кипиево сиктыс. Сиктлөн шөр улича, уна выль керка, кык судта выль школа. Диаграммаяс петкөдлöны уна-ö колхозлөн көрыс, вöлыс, мöскыс, уна-ö онас вöчсьö яй, йöv, картофель, чукöртöма нянь.

Важөн нин абуöсь колхозъяс. Налөн уджын бурыс вöлі уна. Колхозса председатель Василий Николаевич Ануфриев меным казтывліс:

— Гожöмнас быд асыв ме лэччылі кутшöмкө бригадалөн пыж дорö. Йöзыс чукöртчигкостти унакөд удитан вöлі кыв-мөд шуны. Сизим час гөгöрыс ставыс нин пыжынöсь. Мужичöйяс йөткыштасны берегысь пыжсö, быд кык нывбаба кутчысьöны öти опаснöйö, метр дас-дас вит муныштöм бöрын кодкө заводитö

сьывны. Сьылёны «Един молодец», «По Муромской дороге», «Окрасился месяц багрянцем», «Глухой неведомой тайгою», «Шондibanой оломой», «Мича нывъяс Эжва дорё лэччисны». Быд бригадалён аслас сьыланкывъяс. Уналён гёлөсьясыс вына-
оьс, мичаоьс, ас дораныс кысканаоьс... «Тайё Фёдор ёна кыпөдіс,



а тайё Марпалён гөлөсыс, ёна нин мыла». Сьыланкывъясыс ышөдөны, содтөны вын, гажөдөны. «Көні найё тадзисө велалисны сьывны?» Паськыд Печера юыс. Мөдар берегас вотөдз уна сьыланкыв юргас. Меным пыр кежлө колисны паметьё тайё асывъясыс. Татшөм сьылөмсө кывзөм бөрын лунтыр олан бур руөн.

Енбия коми поэт, изъватас Владимир Попов гижис поэма:

**Ок, и сьылісны бабаяс, сьылісны!
А кыз сынисны, бабаяс сынисны.
Өклучинаяс сөмын и дзуртөны,
Опаснойясыс ва эжсө куртөны.**

Районной газетса редакторён уджалігөн да районса музейён веськөдлігөн Кипиево йылысь ме уна гижөд йөзөдлі районса да республикаса «Красное Знамя» газетын. Тшөкыда пыравлі школаө, көні велөдчи 1933—1936 воясын. Сэки школаыс вөлі начальнойён. Учителяс пөвстысь помнита Егор Ивановичөс, торйөн нин бура — Зоя Петровнаөс. Чужөм сертиыс Зоя видзөдчис ёна томён, сьлөн вөліс зэв мича гөлөс. Урокъяс бөрын учительницаным нүөдліс мянөс колхоз муяс вылө, төдмөдіс быдмөгъясөн. Лэччылім Печера берегө, ветлім и матысса вөрө. Коймөд классын велөдчигөн кутшөмкө висьөм вөсна школасө тупкылісны, зонъясөс йөртлісны өти жырйө, нывкаясөс — мөдө. Помнита, мекөд тшөтш вөлісны Филипп Ануфриев, Александр Хозяинов да Александр Чупров, кодлысь нимсө өні новлөны

сиктса школа да шөр улича. Сэки, наверно, сьокыдджык вöли уджавны велöдысьнад. Миян пöвстысь унджыкыс омöля тöдис роч кывсö. Первой велöдчим гижны латинскöй алфавитон, коймöд классын вуджим молодцовскöй алфавит вылö. Эз вöвны и колана учебникъяс. Сийö кадея велöдчысь зонъяс пиысь ловйöнсö коли ме öтнам. Унаон усисны война вылын, унаон водз мунисны олöмсьыс сьокыд удж да висьöмъяс понда.

Школаö волигон ме волі сёрниö Татьяна Яковлевна Хозяиновакöд. Тайö енбиа учительницаыс велöдис биология. Сийöс ёна пыдди пуктылисны велöдчысьяс, сиктса олысьяс, помся бөрйылисны сельсöветса депутатон, культура комиссияса председателён. Татьяна Яковлевна том йöзлы вöлис наставникон, уналы отсаліс сувтны веськыд туй вылö. Велöдöмын ыджыд вермöмъясысь, сиктын общественнöй удж нуöдöмысь Татьяна Яковлевнаос наградитöма Трудöвöй Гöрд Знамя орденон.

Кывзылі урокъяс Милана Андреевна Хозяиновалысь. Сийö велöдис роч кыв да литература. Урокъяс вылын тöдмöдис Блоклön да Есенинлön творчествоон, лыддылис и ассьыс кывбуръяссö. Тайö енбиа учительницаыслон петавліс кывбуръяса нель книжка. Милана Андреевна уна во помся вöлис партийнöй пропагандистон да лекторон. Сылы сетöма Коми АССР-са заслуженнöй уджалысьлысь ним. Öти татшöм волигон Милана Андреевна (сэки сийö вöлис школаса директорон) сетіс меным школаса Почёт книгаö менсьым нимöс пыртöм йылысь грамота.

Школаса директор Николай Терентьевич Братенков веськöдлöм улын учительяс да велöдчысьяс школа дорас садитісны корья уна пу. Артмис мича сад, код шөрö сувтöдисны Александр Чупровлысьobelisk.

Ставсö фронтлы! Ставсö — Победа вылö!

Война пансьöм бöрас районса колхозъясысь, промышленнöй предприятиеясысь, учреждениеясысь 70–80 прöцент мужичöйсö первой воас босьтісны фронт вылö. Став сьокыд уджыс усис нывбабаяслон, олöма мужичöйяслон да томиник зонуловлön пельпомъяс вылö.

«Ставсö фронтлы! Ставсö — Победа вылö!» — татшöм лозунг улын война воясас олісны да уджалісны тылса труженикъяс. «Путь Ленина» колхоз первойон Изьва районуна оборона фондö сетіс дас тысяча шайт.

Война заводитчöмсянь первой жö тöлысьясас армияö босьтісны колхозса председатель Василий Николаевич Ануфриевöс, нельнан полеводческöй бригадирсö. Бригадаясон веськöдлысьяснас индісны том нывбабаясöс — Афанасия Егоровна да Гликерия Егоровна Ануфриеваясöс, Наталья Фёдоровна Рочеваöс, Александра Алексеевна Хозяиноваöс. Скöt widzан ферманас кутіс веськöдлыны Екатерина Никитична Артева. Бригадирлön уджыс война кадас эз вöв кокни. Страда дырйи быть ковмыліс сувтны вит час асылö, тöждысьны сы йылысь, медым

муяс ас кадö вöліны гөрöмаöсь, видзьяс ытшкöмаöсь, нянь вартöма, турун скöт карта дорö ваялöма. И ещö, медым колхозник челядь эз кынмыны, эз кувны тшыгйысь. Выручайтис колхозникъяслөн зільлуныс. 1942 воын шөркодя быд колхозниклы вöлі пасйöма 324 трудодень, 1944 воын — 361 трудодень.

Александра Хозяинова казътывліс: «Кöрым заптан кадас уджаліс пöрысь и том. Некодлы тшöктыны оз вöлі ков. Ытшкан машина вылас уджалісны дас нель арöса зонъяс — Никита Рочев да Митрофан Хозяинов. Зорöдö турун чöвтисны Мария Васильевна Ануфриева, Павла Митрофановна Терентьева, Василиса Васильевна Филимонова. Урожай идралігөн уна сюрліс нывбабаяслы. Марфида Фёдоровна Рочева, Татьяна Ивановна да Татьяна Андреевна Ануфриеваяс луннас идсö вундылісны 600 кольтаöдз. Война воясас бригада аслас вынъясөн лöсьöдіс вит гектар выль му.

Евдокия Александровна Чупрова война кадö уджаліс колхозса председательöс вежысьөн, кывкутис скöт видзан фермалөн удж вöсна. Тшöкыда вежліс висьмём дояркаясöс, кукань видзысьясöс, войся дежурнойясöс. Зэв уджач доярка öти кадö крепыда висьмыліс. Дас öти лун мөсьяссö дözьöритис Евдокия Александровна. Дас кыкөд луннас нин сöмын уна челядя нывбаба сöгласитчис кутшöмкö кад вежны висьысьсö.

Война воясас Евдокия Чупрова нуöдіс ыджыд общественной удж — вöліс райсöветса депутатөн да партия райкомса членөн. Сійö топыд йитөд кутис сиктса комсомолечьяскөд. Тулыснас скöтнöй дворьясын, конюшняясын дежуритисны комсомолечьяс.

1943 воын му вöдитөм кузя СССР-са народнöй комиссар наградитис видз-му овмөсса отличник знакөн Евдокия Александровна Чупроваöс, Мария Васильевна Ануфриеваöс, Татьяна Ивановна Рочеваöс. Тайö вöліны война кадся медводдза наградаяс.

1942 вося арнас сезонникъяс лыдын колхоз мөдöдіс уджавны вөрö 18–20 арöса нывъясöс (21 мортöс). «Муртса пемдыштас, — казътывліс Мария Канева, — мунам дялянкаö, лунтыр öти пусянь мөд дорö келам джуджыд лымті. Некемын здук бикур дорын шойччыштан, и бара водзö. Колхоз быд во дасьтис 20 тысяча кубометр вөр».

Изьваса партия райкомлөн 1945 во апрель 15 лунся постановлениеын пасйöма: «Колхоз «Путь Ленина» вөр пөрөдөм кузя сезоннöй заданиесö тыртис 111,7, вөр кыскөм кузя 73 прöцент вылö. Война воясас колхоз Изьва леспромхозлы заготовитис 91,8 тысяча кубометр вөр.

Война кадас уна сьöкыдыс сюрис көр видзысьяслы. «За новый Север» газет 1944 вося февраль 20 лунö гижис: «Путь Ленина» колхозлөн көр видзан фермаыс районын медся ыджыд — сэнi 7 тысяча сайö көр. Том нывбаба Марфида Рочева, фронт вылö мунөм верöс пыддиыс веськөдлö бригадаөн, көні 2 тысячаыс унджык көр. Ачыс пемыд войясын петавлö дежуритны стада дінö. Бригадаын став пастукыс нывбаба. Ыджыд отсөг бригадирлы сетö старшöй пастук (көр видзысьяс шуöны найöс опытнöй

пастукъясөн) Анна Антиповна Рочева, коді бура тёдө тундрасө. Сійө жугалом дадытө вөлі дзоньталас, стадаысь торйөдчөм көрсө корсяс, пастукъяссө гажөдыштас... Бригадалы гожся чом вылас брезентсө сетисны сөмын 1944 воын. Сэтчөдз пастукъяс олісны



сюмөд чомйын. Ёна и сюрліс налы кынмөмыс. Война воясас тундраын көиныс вөлі вывті уна. «Менам верөслөн вөлі кык ствола ружье, сыысь и лыйлі көинъяссө», — казтылө Марфида Рочева.

Медся том бригадирнас вөлі Анисья Дуркина. Сылөн верөсыс фронт вылын жө вөліс. Бригадаас 7 пастук, кыкыс ёна нин олөма мужичөйяс, нель нывбаба (на лыдын бригадир) да 14 арөса зон. Ставыс зіля уджалөны. Марфида Рочевалөн да Анисья Дуркиналөн бригадаясын война воясас көръяслөн юр лыдыс содіс матө 14 прөчент вылө.

Война воясас сьөкыда овсис и сиктын. Колхозникъяслы сёян-өн отсыштөм могысь да колхозса көр фермаөн веськөдлысь Василий Егорович Каневлөн водзмөстчөм серти 1942 вося мартын лөсьөдісны 500 сайө юра, сідз шусяна, вөрса стада, — кодъяс во гөгөр чөж йирсисны сиктбердса вөръясын. Көр видзан бригаданас веськөдліс Прокопий Семёнович Чупров, кодлы 1942 воын вөліс 62 арөс. Пастукъяснас уджалісны том аньяс Екатерина Рочева да Анастасия Чупрова, кодъяслөн верөсьясныс воуйтісны фронт вылын. Пастукаліс и Михаил Чупров, кодөс сьөлөм висьөм вөсна эз босьтны армияө. Отсөг вылө во-

лывлісны олома йёз, вёвлём көр видзысьяс. Көр яйён вердісны турун пуктысьясос да урожай идралысьясос. Яя шыд пуисны детсадса да школаса велөдчысьяслы. Вичмыліс яй фронтөвикъяслөн семьяяслы да висьысь колхозникъяслы. Партия райкомлөн бюро вылын көр фермаён веськөдлысь В.Е.Канев висьталіс, мый кык вонас чөжсис вөрын көръясөс видзан колана опыт. Дерт, татшөм стадасө видзөм вылө колө унджык вын, унджык рөскод. Кипиевоса овмөс вылө видзөдөмөн татшөм стадаяс лөсьөдлісны Бакурса да Сизябкска колхозъяс. 1946 воын куимнан овмөсыс татшөм стадаяссө бырөдісны.

Войнаыс пыр чорзис. Көрым тырмытөм вөсна слабмисны вөвъяс. Ылыс видзьяс вылысь турунсө ковмис ваявны көръясөн. Пыр этшаджык муяс вылө петкөдлісны куйөд да торф. 1944 воын шөркодя быд гектар вылысь няньсө чукөртісны 6 центнерөн. Нянь пыдди госуларстволы сдایتлісны йөв, частөджык — көр яй. Бур, мый колхозлөн көрыс вөлі уна.

1944 вося гожөмыс помся зэрис. Өткымын видзьяс вылысь ытшкөм турунсө эз вермыны чукөртны, сісьмис.

Пантелеймон Алексеевич Семьяшкин, колхозса председатель, вөліс Изьваса, семьяыс сэні и оліс. Гөтырыс председательлөн тшөкыда висис, и сылы ковмыліс ветлыны Изьваө, сө сайө километр. Ставыс тайө төдчис колхозлөн удж вылө. Сиктса коммунистьяс гижисны партия райкомө письмө, көні став тырмытөмторъяссыс мыжалісны председательөс, корисны колхозса веськөдлысьнас пуктыны Василий Егорович Каневөс, Ёгор Васьөс. Колхозникъяс пиысь унаөн дорйисны Семьяшкинөс. Евдокия Александровна Чупрова лыддьө, мый Пантелеймон Алексеевич вөліс төлка веськөдлысьөн, честной коммунистөн. Быдлунъя оломас вөліс вежавидзысьөн, йөз дорө сибыдөн да найөс пыдди пуктысьөн. Төждысис, медым быд семьялөн вөліс мөс, град йөрыс вөлі гөрөма, медым быд колхозниклөн керкаыс вөлі шоныд. Жаль, мый колхозлы колана отсөг ас кадө эз ло сетөма.

1944 во помас Семьяшкин аддзөдчыліс партия райкомса первой секретарь Ваенскийкөд, коді корис, медым Пантелеймон Алексеевич война помөдзыс веськөдліс овмөснас. 1945 во помас колхозной собрание председательнас бөрийс Ёгор Васьөс, коді уна вөчис, медым овмөсыс өдйөджык чорыда сувтіс кок вылө.

Кольөм нэмся квайтымынөд воясын Изьваын ме некымынысь адзысьлі Пантелеймон Семьяшкинкөд. Сійө зэв бурөн казтыліс Кипиевоса йөзөс, найө пө мөда-мөдкөд олоны сөглас, отсасьоны мөда-мөдлы. Йөзлөн тадзи асьсө кутөмыс отсаліс венны сьөкыдлунсө.

Салдатлөн подвиг йылысь висьталөны орден да медаль

Бдждыд война пансьөмсянь кык лун мысьт Кипиево берегө сувтіс «Республика» пароход. Тыдалө, водзвыв юөртөмаөсь та йылысь йөзыслы, берегас лэччалөма став сиктыс, пөрысь и том. Курыд шог өтувтис быдөнөс. Пароход палуба вывсянь

сёрнитысьяс висьталісны: враг шыблалё бомбаяс миян каръяс вылө, жуглө школаяс, больничаяс, виалө мыжтөм йөзөс. Татшөмторсө прөститны оз позь. Ми пуктам став вын, медым пасьвартны этшысь петөм врагөс, ковмас кө сетам и ассыным олөмнымөс.

Вежон мысьт татшөм жө еджыд пароход вылө сөлісны армияө босьтөм мужичөйяс. Берегас бөрдисны гөтыръясныс, мамъясныс, чойясныс. Пароходлөн прөщайтчан гудөкъясыс быдөнлысь нормөдисны сьөлөмсө.

Сиктын эз вөв сэтшөм семья, кодөс эз вөрзьөд войнаыс. Ме-



нам батылөн да Фёдор Семёнович Каневлөн, Сема Федьлөн, керкаясным вөліны орччөнөсь. Сійө аслас гөтыркөд, Ирина Дмитриевнакөд, быдтисны квайт пиөс да нель нылөс. Пияныс — Тимофей, Яков, Герасим, Андрей, Ёгор да Фёдор — ставныс вөліны мича статьяөсь, паськыд пельпомаөсь, бур мывкыдаөсь. Менам бать дорө тшөкыда пыравлісны Тимофей да Герасим. Чай юиг сёрнитлісны вөралөм да чери кыйөм йылысь. Герасимлөн вөліс мича гөлөс, румка-мөд юөм бөрын радейтис сьывны «Среди долины ровныя...». Ме частө аддзөдчылі Фёдоркөд, коді куим воөн меысь вөлі ыджыдджык. Сійө ичөтысянь радейтис серпасасыны. Кык блокнот вөлі тырөма сьлөн рисунокъясөн: сиктса улица, берег бердын пыжъяс, Печера кузя вөвъясөн новлөны турун, локтисны көр дадювъяс, нывъяслөн чужөмъяс... Печера бердса нөрыс вылын пукалігөн Фёдор зепсыс кыскис ас вөчөм блокнот да заводитис серпасавны ю

кузя катысь буксирной пароходсё. Ме дивуйтчи, кутшом лосьыд рисунок артмис. Фёдорлөн и гөлөсыс вөлі зэв бур. Сылы эськө велөдчыны художествоа школаын, зэв нин енбиа вөліс зонмыс. Но начальной школа (Кипиевоын сомын сэтшом школа и вөліс) помалом борас сийо уджаліс колхозын, дас куим арөс тыром борас вөлөн новлөдліс почта да йозөс. Фёдорос армияас босьтісны 1942 вося февральын, сийо жө вося декабрын усис косьын.

1942 вося ноябрын «За новый Север» йозөдіс Ирина Дмитриевналысь гижөд: «Меным 66 арөс, менам верөслы — 68. Быдтім ми квайт пиос да нель нылос. Ай му дорйыны модөдім квайтнан пинымос. Фронт выло мунісны нельнан зятьным. Тайо луньясө сьокыда ранитчөм бөрын локтіс гортө Яков пиным. Кык писянь дыр нин некутшом юор эз во...»

Ирина Семёновна да Фёдор Семёнович Каневьяслөн — вит пи да куим зять сетісны олөмсө вөрөгкөд тышын. Менам землякьяс тышкасисны уна фронт вылын. Найо дорйисны Сталинград, Киев, Москва, Ленинград, вөліны Берлин штурмуитысьяс лыдын. Но торйөн унаөн воуйтісны Карельской фронт вылын Баренцево море бердын. Кипиевосаяс война вылас петкөдчисны збойөн да повтомөн, унаос наградитома орденьясөн да боевой медальясөн.

Александр Ефимович Чупров начальной школа помалом борас уджаліс көр пастукөн. Армияас босьтісны 1943 вося март толысьын. Веськаліс Первой Украинской фронтса 15-өд мотострелковой бригадаө. Томлун выло видзөдтөг, вөлі писькөс, косьын эз воштыв юрсө. Украинаын, гөраса ю вуджигөн, Александр чепөсийс водзлань да автоматысь лыйліс вуджанін видзысь уна гитлеровечөс. Юсө вуджөм бөрын отсаліс батальонлы кутны берег рөчсө, ертьясыскөд вуджөдліс орудиеяс да салдатьясөс.

Водзын мунысь роталысь туйсө потшис враглөн пулемёт. Чупров кыссис матөджык пулемёт дінас да гранатаясөн лөньөдіс сийөс. Тайо подвиг йывсьыс батальонса командир гижөдөн юөртіс бригадаса командирлы: «1944 вося март 11 лунө Войтовка грезд вөсна тышын Александр Чупров бырөдіс вражеской пулемёт, та дырйи пленө босьтіс унтер-офицерөс».

Александр эз виччысь, кор Лунвыв Буг вомөн лөсьөдасны вуджанін, а медводдзаяс лыдын варччөмөн вуджис юсө. Уна салдат эз вермыны воөдчыны мөдар берегас, но коді вермис вуджны, быдөн тышкасисны врагкөд дас морт пыдди.

Дас витөд мотострелковой бригада первойөн локтіс Днестр ю дорө. Чупров бара жө медводдзаяс лыдын варччис ю вомөн, кыссис враглөн дзот дорө да гранатаясөн «пөдтіс» сийөс. Александр бырөдіс противотанковой орудие расчөт, босьтіс пленө кык унтер-офицерөс».

Южной Буг да Днестр бердса косьясын героизм да збойлун петкөдлөмысь Александр Чупровлы сетісны Советской Союза Геройлысь ним. Но ыджыд наградаыс ловьянас эз нин су Чупровөс. Сийо тышкасис 278 гвардейской полкын Румынияса Турки-Севери кар дорын, сьокыда ранитчис, куліс госпитальын.



Изьвасаяс эз вунӧдны геройӧс, сылысь нимсӧ сетӧма Изьва да Кипиево сиктъясса уличаяслы. Велӧдчысьяс да учительяс школа бердӧ садитисны уна пу, артмис мича сад, код шӧрӧ сувтӧдисны Александрлысьobelisk. Кипиевоса шӧр школа стенӧ крепитӧма мемориальной пӧв. Сиктса учительница Милина Хозяинова гижис Александр Чупровӧс казтылан сыланкыв.

Филипп Харлампович Чупров танкса механик-водительӧ велӧдчыштӧм бӧрын веськаліс танкӧвӧй полкӧ, кодӧ вӧлі вооружитчӧма БТ-7 легкӧвӧй танкъясӧн. 1942 вося январь 13 лунӧ Волхов-

скӧй фронт муніс наступлениеӧ. Ыджыд лым вӧснаыс полкъясӧ эз вермыны вайны колана мында мини-снаряд. «Менсьым легкӧвӧй танксӧ,— казтыліс Чупров,— кыкысь ыстылісны неылӧ разведкаӧ. Туйсянныс 80-100 метр сайысь аддзим вӧрӧглысь миномӧтъяс, бырӧдім кык миномӧт расчӧт. Вӧрӧглӧн снаряд веськаліс менам машина мотор юкӧнас, танкыс кутіс тшынавны». Танкысь петӧм бӧрас шальной пуля ранитіс Филипп Харламповичлысь сойяс. Госпитальын бурдӧм бӧрас Чупров веськаліс 57-ӧд танкӧвӧй бригадаӧ, кодлӧн Т-34 танкъясыс 1942 вося юннын кӧкъямыс лун помся эз петавлыны косысь. Чупров танклӧн орудиеыс ӧзтіс вӧрӧглысь машина, сійӧ тшыналіг муніс кось мунанінсыс. Лун мысти вӧрӧглӧн да сылӧн танкъяс косьын зурасисны, кыкнанныс петісны стройысь. Чупровлӧн экипажысь ставыс ӧна доймалісны, кыкӧс ӧдва петкӧдісны машинасыс. Матӧ нель тӧлысь Филипп Харлампович бурдӧдчис госпитальын. Сы бӧрын уна косьын на вӧліс, кык сотчысь танкысь петаліс. Подвигъясысь Филипп Харламповичӧс наградитӧма кык Красной Звезда орденӧн, «За отвагу» медальӧн. Война бӧрас Чупров овмӧдчис Интаӧ.

Степан Васильевич Канев воздушной стрелок курсьяс помалӧм бӧрын воюйтіс авиационной полкын, кодӧ вӧлі вооружитчӧма ӧдӧ лӧбалысь Пе-2 (Петляков-2) самолӧтъясӧн. Кор колӧ, татшӧм машинасыс «уджавлісны» и пикируйтысь бомбардировщикъясӧн да весиг истребительясӧн. Мувывса пас (танк, паровоз) бырӧдӧм вылӧ самолӧт быд борд улын вӧліс нель реактивной снаряд. Вӧрӧглӧн самолӧтъяскӧд тышкасьӧм вылӧ — 20 мм кык пушка да 12,7 мм куим пулемӧт. Старшина Канев во да кӧкъямыс тӧлысь вӧліс воздушной стрелокӧн, а тайӧ абу ӧтша, полкын сійӧ лыддысис бур лыйсысьӧн, лӧтчикъяс вылӧ

донъялісны сылысь сямсö. Узлөвöй станция вылö бомбаяс шыблалём бöрын самолётыс лэбö-локтö вöлі аслас аэродромö. Ывлайс югдіс нин. Виччысьтöг вөрöглөн кык «Фокке-Вульф» истребитель уськөдчисны Пе-2 вылö. Косыс кыссис 3—4 минут. Вөрöглөн öти истребительыс тшыналіг эновтіс кось мунанінсö, мөд истребительыслы удайтчис лыйлыны миянлысь самолётсö. Командирлөн приказ серти Канев эновтіс самолётсö, парашютөн лэччигас аддзыліс тшыналысь Пе-2-сö, ылынджык ещö кык парашютистöс. Степан Васильевичлөн синваыс петіс. Кык вежон мысти Степан Васильевич пуксис мөд самолёт вылö. 1943 вося май 17 лунö Пе-2 косын уськөдіс вөрöглысь истребитель, сійö жö вося ноябр 2 лунö öзтіс вөрöглысь «Юнкерс» бомбардировщик. 1943 вося декабр 5 лунö Тамань кар районын (Краснодарскöй край) бомбаяс шыблалём бöрас вөрöглөн зенитчикъяс уськөдісны Каневлысь самолётсö. Боевöй подвигъясысь Степан Васильевич Каневöс вöлі наградитöма Краснöй Знамя да Краснöй Звезда орденъясөн.

Пётр Егорович Чупровлөн 122 мм гаубичнöй полкыс 1942 вося арнас дорйысис Воронеж дорын. Карыс кыкысь вуджліс кийсь киö. Полкыс бöрынчигас кыкысь веськавліс вөрöглөн кытшö, чорыд косьясын воштіс уна салдатöс. 1943 вося май тöлысьын Чупровöс индісны орудие наводчикөн. Тöлысь мысти орудиеяслы вайисны кумулятивнöй (броня сотысь) снарядъяс, кодъясөн Будапешт дорса косьясын Чупровлөн орудиеыс öзтіс вөрöглысь кык танк (öтикыс «Фердинанд»). Тайö косяс вөрöглөн снаряд осколок ёна дойдіс Пётр Егоровичлысь юрсö. Госпитальысь лэдзисны сійöс мөд группаа инвалидөн. Боевöй подвигъясысь Чупровöс наградитöма кык Краснöй Звезда орденөн.

Николай Чупров бура ветліс лыжиөн. Винтовкаөн лыйсöмысь босьтіс первой места. 31 көра лыжнöй бригадаын босьтісны сійöс разведка взводö. 1943—1944 восясын дас нельысь ветліс вөрöглөн тылö, ветлывліс 200 да унджык километр сайö. Быд раз вайөдлісны «языкös». Öти татшöм ветлігөн дойдліс коксö, куйм лун оліс лым тола пытшкын. Командованиельысь задание олөмö пöртöмысь 1943 вося декабрын бригадаысь вит разведчикös, на лыдын Николай Митрофанович Чупровös, наградитісны Краснöй Звезда орденъясөн.

1943 воын финнъяс тшөкыда уськөдчывлісны миян дорйысян участок вылö, овліс и аскөдныс нуөдлісны салдатös. 1943 вося февралын финнъяслөн кык рота мында салдат куймысь помся атакуйтісны миянлысь дорйысянінсö. Тайö косяс финнъяс воштісны 13 салдатös, раненöйяссö сёрсыныс нуөдісны. И миян батальонын воштöмъясыс вöліны ыджыдöс жö. Вöлі шуöма атакуйтны финнъяслысь опорнöй пунктсö.

Усис лым. Ротаысь унджык миян салдат бауөн моз кыссисны вөрöглөн опорнöй пунктлань. Кор пунктöдзыс колис 250—300 метр мында, первойөн сувтіс Николай Чупров да автоматысь лыйсиг котöртіс опорнöй пунктлөн блиндажъяслань. Наступайтысьяс эз жалитны патронсö. Финнъяслөн водзсасьöмыс

вочасён лönис. Финнъяс тайö косяс воштисны 17 салдатöс да öти офицерöс. Миян усис 7 салдат, витөн сьöкыда ранитчисны. Тайö косяс, кыдзи гижöма наградной листас, Чупров бырöдис 8 финн салдатöс, кыкöс босьтис пленö.

1944 вося арнас лыжной бригада участвуйтис Никель посёлок босьтöмын. Первойөн посёлокас пырис Николай Чупровлөн отделениеес. Николай Митрофанович локтис гортас кык Красной Звезда орденөн.



Фёдор Акимович Рочев война вылас вöлис 76 мм противотанкöвой öрудиеса наводчикөн. Сылөн паметьö колисны Курскöй дугаса Прохоровка дорын косясыс. «1943 вося июль 5 луно водз асылö,— казтывлис Рочев,— миян позицияс вылö кутисны зыртчыны вөрöглөн танкъяс. Миян батареяса орудиеас восьтисны би. Сийö асывнас миян батареялөн орудиеас öзтисны вөрöглысь кык танк». Белоруссия мездигөн Рочев сьöкыда ранитчылис. Бурдём бöрас веськалис мöд полкö, кодi участвуйтис Берлин штурмуйтöмын. Победа лунас Фёдор Акимович вöзйысис видзöдлыны Берлинсö. Виччысьтöг рейстаг дорас сийö аддзысис аслас земляк Никита Самойлович Рочевкöд, кодкöд войнаöдзыс унаысь ветлывлис чери кыйны. Кыкнанныс зэв радöсь лоины, колö жö аддзысисны Берлинын да ещö Рейхстаг дорын. Никита война вылас вöлöма пулемётчикөн, ранитчылöма. Неважөн сийöс наградитöмаöсь «За отвагу» медальөн. Сэтшöм жö медаль öшалис

гимнастёрка вылас Фёдор Акимовичлөн. Другъяслы окота лои кольны ас йывсыныс память. Фёдор Рочев немец винтовка штыкөн гыжъявліс Рейхстаг стенас: «Ф.А.Рочев, Н.С.Рочев. Мы из Кипиево».

Армияс Фёдор Сергеевич Хатанзейскийос босьтісны 1940 воын. Служитіс сійө Карельскөй фронтлөн лыжнөй бригадаын. 1941 во помас ёна дойдліс коксө. Бурдөм бөрас веськаліс 155-өд стрелкөвөй полкө. Кык төлысь служитөм бөрын босьтісны сійөс разведка взводө. Недыр мысти тыдовтчис, мый Фёдор взводас медся вына, сэтчө жө медся өдйө котралө лыжиөн. Мый тшөктасны — вөчас. 1943 вося августын разведчикъяс вайөдісны унтер-офицерөс. Разведчикъясөс, на лыдын Хатанзейскийос, наградитісны «За отвагу» медальөн. Сійө жө вося декабр помланьыс квайт разведчикөс, на лыдын Фёдор Сергеевичөс, мөдөдісны төдмавны, кутшөм вынъяс вөрөг чукөртөма Титовка ю районын. Мый колө төдмалөм бөрын разведчикъяс мөдісны гортлань. Пемдыштіс нин неуна, ыджыд ты бокті мунігөн разведчикъяс паныдасисны вөрөглөн куим лыжниккөд, өти лыжник на пиысь лэдзис миян разведчикъяс кузя автоматысь кузь өчередь, пуляыс веськаліс сержантлы пельпомас, тыдалө, жугөдіс лысө. Миян разведчикъяс бырөдісны кык финнсө, коймөдсө босьтісны «язык» пыдди. Ранитчөм сержант да «язык» ньөжмөдісны разведчикъяслысь мунөмсө. Водз асывнас крут берегъяса векныдик ю вуджигөн финнъяс казялісны разведчикъясөс. Ставыс быттө шызис. Кыліс пон увтчөм, гора гөлөсьяс. Миянлысь разведчикъясөс финнъяс көсийсны босьтны кытшө. Разведгруппаса командир, томиник лейтенант, Хатанзейскийлы шуалис: «Тэ, Фёдор, мукөдъяс серти вынаджык, ну сержантөс матыса вөрөдзыс, сәні ранасө бурджыка төб, и пыр жө мунө гортлань». Лейтенант планшетсыс кыскис карта, кутшөмкө бумагаяс, шуис, мый найөс колө нуны штабө. Лейтенант крепыда кутліс Фёдорлысь кисө. Вөрас пырөм бөрын Фёдор кыліс автоматъясысь помся лыйсьөм, граната-яслысь взрываетчөм. Тыдалө, разведчикъяс нуөдісны чорыд кось.

Матө кык сутки Хатанзейский пельпом вылас нуис ранитчөм сержантөс, коді туйын частө воштыліс садьсө. Фёдор мудзөмысла некымынысь усьліс, некымын минут куйлыштөм бөрын водзө нуис ранитчөм сержантөс. Аслас полкөдз неуна эз во, адзисны найөс асланыс полкса салдатъяс, сержантөс нуөдісны медсанбатө, Фёдорлы отсалісны мунны штабөдз. Штабса начальниклы Фёдор сетіс бумагаяссө, төлка вочавидзис уна юалөм вылө.

Куим недель мысти вөрөг тылө муніс разведчикъяслөн выль группа. Сәні тшөтш вөліс и Фёдор Хатанзейский. Вайөдісны штабса сотрудникөс. Босьтөм «языксянь» төдмалісны, косьын миян разведчикъяс бырөдөмаөсь 7 финн салдатөс да өти офицерөс. Сьөкыда ранитчөм лейтенантөс финнъяс нуөдөмаөсь госпитальө.

Фёдор Хатанзейский фронт вылысь локтіс Краснөй Звезда орденөн, «За отвагу» кык медальөн. Кызь во сайө веськөдліс

көр видзан бригадоң. Наградитома «За трудовое отличие» медальон да ВДНХ-лөн медальясон.

Елизар Егорович Ануфриев вөліс Рыбачой коджын 82 мм миномёт расчётса командирон, тшөкыда веськөдліс и 120 мм миномёт бион. Көкъямыс боеч ветлісны прөтивниклөн тылө взорвитны Титовка ю вомон пос. На лыдын вөлі и Елизар Егорович. Заданиесө оломө портөмысь ставнысө найос наградитисны «За отвагу» медальясон.

Казытышта школаса ёртъясөс. Филипп Иосипович Ануфриев 1943 воын вөліс Сталинградской фронтын заградительной отрядса боецон. Татшөм отрядьяссө вөлі котыртома Сталинлөн 1942 вося июль 28-өд лунся 227 номера приказ серти. Отрядьясас пырисны Дальной Востокысь фронт вылө воом салдатъяс. Отряд водзө вөлі сувтөдома мог, места вылын бырөдны найос, кодьяс приказтөг эновтисны дорйысян позициясө, либө модөдны найос штрафной батальоньясө. Филипп пөшти нель төлысь служитис татшөм отрядас, быдторсө аддзыліс. Оти косьын отрядсө вөрөг дыр лыйліс орудиеясысь да миномётъясысь. Уна боец ранитчис, на лыдын и Филипп Ануфриев. Бурдом бөрас сійө веськаліс Мод Белорусской фронт вылө, вөліс пулемётчикон. Локтис гортө «За отвагу» медальон. Уна во помся веськөдліс колхозса ыж видзан фермаон. Филипп вөліс зэв веськыд мортон, кужис сулавны аслас кыв вылын, сиктын пөльзуйтчис ыджыд авторитетон.

Мод школьной ёртыс менам вөлі Александр Николаевич Хозяинов. Война пансян воас сійө, кыдзи и ме, велөдчис Щелья-юрса ФЗО школаын. Сэсянь миян туйяс разалисны, уна во помся сы йылысь нинөм эг кывлы. 1966 вося «Красной Знамя» газетысь лыдди, мый Александр Хозяиновос, нефть да газ корсысь бурильщикос, наградитома Трудовой Гөрд Знамя орденон. Ме радпырысь чолөмалі сійос.

1944 вося юнь 23 луно 26-өд гвардейской дивизия ородіс вөрөглысь оборонасө Белоруссияын Асинстрой районын. Матө көкъямыс километр вөрөгөс вөтлөм бөрын батальоньяс сувтисны шөр туй бокө, казытыштісны усьөмаясөс.

Войнас воисны танкьяс. Быд полкысь салдатъяслысь кык рота пуксөдісны танкьяс вылө. Десантлөн могыс — ородны Москва-Минск автотрасса. Танк мышьяс вылө пуксим квайт-сизим мортон.

Мылык-гуранаинтыс мунігөн сійос и видзөд, мед он усь, он веськав гусеница улас. Блісянь тыдовтчис Москва-Минск магистралыс. Сійө вөлі тырөма вөрөглөн грузовой да легковой машинаясон, орудиеясон, ыджыд миномётъясөс... Вөрөглөн да миян орудиеяс отпырйө осьтісны бисө. Миянсянь оськов кызь сайын кутіс тшынавны танк. Сійө жө здукас трасса вылас ыпнитіс бензовоз, гөгөр ставыс гудыртчис. Вөрөглөн снаряд веськаліс миян Т-34-лөн башняс. Танкыс быттө сувтовкерыштіліс, мышкас пукалысь салдатъясыс пельтөммылісны. «Крепыд броньясь вөчөмаось Уралын, вөрөглөн снарядыс эз вермы жугодны машинасө», — тадзи, наверно, миян пиысь быдөн

думыштис. Десантникъяслөн автоматъясысь помся лыйсиг, танкъяс ыджыд одён петисны туй вылас. Гусеницаяс улын ставыс ратшакылис: и көрттор, и шойяс...

Туйсö вуджём бöрын некымын танк колис трасса бокас, а



ми мунім водзö. Коркö воим Березина ю дорö. Кодкö горöдис: «Воздух!». Съод креста самолётъяс кутисны чöвтавны бомбаяс, лыйлыны реактивнöй снарядъясөн. Öти танк пытшкын сэтшöма грымöбтис, мый башняыс метр куим сайö лэбис. Миянös спаситис юыслөн крут берегыс. Век жö салдатъяс пöвстысь 5-6 морт ранитчисны. Регыд воисны миян самолётъяс, дыр кыссис сынöдын косьыс.

Лун-мöд мысти дивизияса газетысь лыддим Юрий Смирнов йылысь гижöд. Сийö миянкöд тшöтш вöлöма десантын. Ранитчöм бöрас усьöма танк вывсьыс, веськалöма гитлеровечьяслөн киö. Найö кыскöмаöсь сийös блиндажö, көсиймаöсь тöдмавны, кутшöм вынөн зырö миян армияным, но том салдат нинöм абу висьталöма. Дыр мучитöм бöрын сылысь юрсö да ки-коксö тувъялöмаöсь пöвйысь вöчöм крестö. Юрий Смирновлы сетисны Сöветскöй Союзса Геройлысь ним.

Война вывсьыс ме локтi «За отвагу» медальöн да коймöд степеня Слава орденөн.

Вөрөгкөд косьын көр видзысьяс

Кипиевоысь война вылө босьтисны 32 көр пастукөс. Ставныс найө тышкасисны Карельскöй фронтын, Баренцево саридз бердса муяс вылын. Шондiыс гожöмнас оз и сайöдчыв, төвнас — полярнöй вой. Унаөн служитисны каюръясөн көр транспорта батальонъясын, көра-лыжиа торъя бригадаясын разведчикъясөн, связистъясөн, снайперъясөн... Муртса пемдыштас, көр транспорта батальонлөн быд взводысь дас кымын дадюла веськөдчöны переднöй крайö, нуöны мина-снаряд, сутшласысь сутуга, термосъясын пöсь сёян. Вайöдöны ранитчöм-висьмöм салдатъясөс, усьöм салдатъяслысь шойяссö... Бöрсö базаöдз быть колö воöдчыны югдытöдзыс. Югдöм бöрас паськыд эрдъяса тундраын пыр и лоан немеч лётчиклы кыанторйөн.

— Тайö рытнас, — казтылис Николай Антипович Рочев, — көр дадювъясөн петим туйö. Дорйысянинöдзыс 17 километр мында колö вуджны куим шор. Крут кыр йылысь лэчигөн öти пастуклөн (фронт вылын миянöс шуисны каюръясөн) жугалис көр даддыс. Став грузсö ковмис тэчны мукöдъяслы. Дорйысянинас воим сёрмыштöмөн. Первой дадыасö пуксьöдiм ранитчöмаяссö, сёсся лэпталим усьöм салдатъяслысь шойяссö. Тэрмасьöмөн мöдiм бөр. Асланым переднöй крайö матö куим-нель километр вотöдз кылис самолётъяслөн жургöм. Вөрöглөн лётчикъяс ылисянь кутисны лыйлыны миянöс. Найö лэбалисны ёна улiтi, патронъяссö эз жалитны. Аддза, огö кө кутöй дорйысьны, некодöс миян пиысь ловйөн оз кольны. Горöдi: «Лыйлöй самолётъяс кузяыс!». То ли пастукъяс пиысь кодлөнкө пуляыс веськалис, то ли мукöд помка вöсна, водзынджык мунысь самолётгыс крута энöвтiс миянöс. Мöд самолётгыс кык кытш вöчöм бöрын дугдiс лыйсьыны. Көкъямыс пастукысь куимöс ранитисны, öтиöс сьöкыда. Вөрөг виис 22 көрöс.

— Миян водзын, 7-8 километр сайын, — казтывлис Иван Иванович Чупров, — вöлис враглөн опорнöй пункт. Сёсянь немеч тшöкыда уськöдчывлис миян вылö. Налысь опорнöй пунктсö бырöдöм мogyсь шуисны вайлыны реактивнöй миномёт «Катюша». Паськыд туй вылас машинасö сувтöдiм плакаяс вылö. Батальонса командир тшöктiс меным вайöдны медся вына көръяссö. Найö кокниа кыскисны миномётсö матöджык крайлань. Асья войнас бианьöвъяс лэбисны немечлөн опорнöй пунктö. Ми бөр «Катюшасö» петкөдiм паськыд туй вылö. Разведкаысь локтигөн ме аддзи лётчикöс, — шуалис И.И.Чупров. — Самолётсö сылысь уськөдöмаось, а лызытöгыд джуджыд лымйöд ылö он мун. Лётчикыс ёна нин вöли кынмöма. Пуксьöдi даддьö, нуöдi медсанбатö.

— 1943 во помланьыс, — казтылис Герасим Антипович Рочев, — батальонысь бөрйисны взвод мында салдатöс. Мöдiм немечлөн тылö. Көръяссö пасьтöдiм еджыд дöра паськөмөн. Сöмын кокъясныс неуна тыдыштисны. Асьным автоматаось, снайпер винтовкааось. Босьтим ручнöй пулемёт да весиг ротнöй ми-

номёт. Мунім 200—250 километр, взводса командир карта вылө пасъяліс враглысь опорной пунктъяс. Витөд войсö колим нейджыд вөр пиын. Вöрсъяс петөм бöрын некымын километр мунөм бöрын аддзим враглысь опорной пункт. Герасим Антипович первойөн кыссис тайö пункт дорас да шыбитіс öти бöрся мөд граната. Вöрöг чорыда водзсасис, сълөн пулемётъяс дыр эз сетны позянлун мяян разведчикъяслы матыстчыны пункт дорас. Часысь дырджык муніс косъяс. Кужомөн да смела тышкасис врагкөд Гамысь Фёдор Васильевич Чупров, сійö аслас автоматысь бырөдіс куим немечöс. Стöча лыйліс вöрöг кузя ручной пулемётысь Герасим Рочев. Косяс вöрöг воштіс 11 салдатöс, витөн ранитчисны. Миян разведчикъяс пиысь нель салдат усис косъясын, көкъямыс салдат ранитчис, куимыс сьöкыда.


Мурманскысь С.П.Шерстобитов 1942-1943 воясын командуйтіс көр транспорта взводөн, а сэсса ротаөн. Сійö гижис: «Менам ротаын унджык боецыс вöліны Печера да Изьва бердса сиктъясысь, комияс. Ставныс найö вöліны ыджыд сямлуна да смел салдатъясөн. Найö некор ёртнысö эз кольлыны бедаын, асьныс пöгибнитасны, но быть локтасны отсöг вылө. Меным торйөн ёна кажитчис Порфирий Леонидович Хатанзейский, чужломма Кипиево сиктын. Сійö командуйтіс отделениеөн. Ме куимысь ськөд öтлаын ветлі разведкаö, ок, и смел жö сійö вöлі, язык пыдди сійö вайöдіс кыз немечöс, коді вöлі служитöма штабын. Порфирий Хатанзейскийöс вöлі наградитöма кык Красной Звезда орденөн. Демобилизуйтчөм бöрас овмөдчис Мурманскö.

Эз виччысьны, кор бурдасны дойяс

Гортö локтөм бöрын фронтöвикъяс эз виччысьны, кор бурдасны дойясныс. Степан Иванович Терентьев война вылас вöліс Т-34 танкса механик-водительён. Косъясын кыкысь ранитчыліс, öтчыдысьсö сьöкыда. Война вылысь локтіс мөд группаа инвалидөн. Боевой подвигыясысь сійöс наградитöма Красной Звезда орденөн, «За отвагу» да мукөд медальясөн. 1950 воын, бурдыштөм бöрас, сійöс бöрйисны «Путь Ленина» колхозса председателён. Колхоз унатор вöчис муяслысь да видзъяслысь урожайностьсö кыпөдөм, скөт картаяс механизируйтөм кузя. Ёна содіс картофель вөдитöмыс. Председатель тöждысис эз сöмын унджык йөв-яй вöчөм вöсна, но и сы вöсна, медым война вылын усьом салдатъяслөн семьяясныс эз тшыгъявны, медым налөн вöліс бур оланін. 1950 воясын колхозын тöдчымөн содіс удж производительностьыс. 1954 воын шöркодя быд трудодень вылө көр яйсö вöлі вöчөма 22 шайт 20 көп. дон, гортса скөтлысь йөв-яйсö — 23 шайт дон. 1954 воын колхозлөн доходыс вöліс 1254,6 миллион шайт. «Путь Ленина» — районын медводдза овмөс, кодлөн вося доходыс лоис миллион сайö шайт. Быд трудодень вылө колхоз деньгаөн кутіс сетны 8 шайт 71 коп., районын медся уна. Колхоз лөсьөдіс асьыс чери кыян

бригада. Тодчана отсөг колхоз кутіс сетны уна челядя семья-яслы, олөма йөзлы. Жаль, мый Степан Иванович висьмөм вөснаыс эз дыр вермы веськөдлыны овмөснас.

Андрон Ефимович Канев война вылас вөліс взводса командирөн. Косьясын сьökыда ранитчыліс. Сылысь морөссө мичмөд-



лісны Красной Звезда орден, «За боевые заслуги» да мукөд медальяс. 1953 воын Каневөс индісны веськөдлыны сьода-эзыся гөна ручьясөс быдтан фермаөн. Нельөд воас нин фермаыс вайис прибыль, сэсянь воысь-во сьода-эзысь ручьясөс видзөмыс кутіс вайны унджык доход. 1958 воын колхоз вузаліс государстволы 118 руч ку. Сійө воас руч видзөмысь колхоз босьтіс прибыльсө 73,5 тысяча шайт. Андрон Ефимовичөс наградитөма «За трудовое отличие» медальөн да ВДНХ-лөн эзысь медальөн.

Война воясас Григорий Афиногенович Артеев служитіс Войвыв флотлөн торъя артиллерийской дивизионнын, вөліс орудиеса командирөн. Смел главстаршинаөс наградитөма Нахимов да мукөд медальясөн. Война бөрас Артеев веськөдліс лесопунктөн, а сэся кутіс уджавны чужан сиктын, вөліс сельсөветса председателъөн, 1957-1961 воясын уджаліс колхозса председателъөн. Колхозъяс подув вылын совхозъяс котыртөм бөрын дыр вөліс отделениеса управляющойөн. Уджын бур вермөмъясысь сійөс наградитісны «Знак Почёта» орденөн. Артеев уна во веськөдліс сиктса партийной организацияөн, дыр

вöліс том йöзлөн наставникөн. Григорий Афиногенович сизим во помся дасьтис «Сельские вести» ичот тиража газет, йöзöдліс



колхозлөн, школалөн, сельполөн удж йылысь гижöдъяс, уна гижис водзмöстчысь йöз йылысь, йöзöдліс сиктлөн история, сиктса партийной да комсомольской организацияяслөн удж йылысь материалъяс.

Ме водзын наградной листыс Николай Антипович Рочевлөн. 1934 восянь 1941 вося декабрöдз веськöдліс көр видзан бригадаөн. 1940 воын вöлі наградитöма ВСВХ-лөн ыджыд эзысь медальён. Война вылас вöліс каюрөн, наградитöма «За боевые заслуги» да «За оборону Заполярья» медальясөн. 1946 восянь веськöдлö көр видзан бригадаөн. 1966-1970 воясын бригада 96,1-99,8 прöцент видзис гырысь көръясöс, 89,7 прöцент вылö теляясö. Уджын ыджыд вермöмъяс шедöдöмысь Николай Антиповичöс наградитисны Трудöвой Гөрд Знамя орденөн.

Андрей Егорович Канев фронт вылын вöліс каюрөн, ранитчöм бöрас служитис көра-лыжиа батальонын, унаысь ветліс разведкаö. Öти татшöм ветлігөн сьöкыда ранитчис разведгруппаөн веськöдлысь старшой сержант. Бакурса Александр Терентьевкөд вежласьöмөн суткиөн-джынийөн вылысаныс вайисны ранитчöм ёртнысö. Война бöрас тöдлытөг колис нель во. Благовещеннö праздник бöрын Андрей Егоровичлөн бригадаыс пегис туйö. Сиктсаянь кыксё сайö километр мунöм бöрын шуйга

кокыс пидзössяныыс вылödжык ёна пыктис. Фельдшерыс мунис мöd бригадакöd, сэки рацияяс эз на вöвны. Бригадирлөн тушаыс быттö соччыны кутис, кадысь кадö воштылис садьсö. Садяс воём бöрын сэтшöма кеслис пуртсö, мый поэö вöли бритчыны. Пуртсö да пыкössö кисьталис спиртөн. Вундис. Вирыскöd да орыскöd тшötш петис нейджыд көрт тор — вөрög снаряд осколок. Куим лун чумыс сулалис öтилаын. Волис фельдшер, вöчис уколъяс, выльысь тöбис ранасö.

Кольöм нэмся ветымынöd воясын Андрей Егоровичöс наградитисны «Знак Почёта» орденөн. Кольöм нэмся квайтымынöd воясын сийöс бöрйылисны Коми АССР-са Верховной Советö депутатөн. Канев тöждысис эз сöмын унджык көр видзём, но и көр видзысьяслысь дзоньвидзалунсö бурмödом вöсна. Öд унджык көр пастукыс пенсияödзис оз и овны. Сийö корис, медым колхозъяс, государство эз жалитны сьём көр видзысьяслысь дзоньвидзалунсö видзём вылö. Та йлысь сийö висьталис Коми АССР-са Верховной Советлөн сессия вылын.

Герасим Антипович Рочев вöлис зэв енбиа мортөн, кужис ышöдны ёртъяссö, мичаа сьылис. Войнаödз на наградитлисны сийöс ВСХВ-лөн ыджыд эзысь медальён. Фронт вылын тшötш вöлис каюрөн, гортас локтис «За отвагу», «За боевые заслуги» да «За оборону Заполярья» медальясөн. Казьтылис, мый госпитальын сылөн яйысь перйöмаось нель ичötтик осколок. Войнаыс мунис на, а сийöс, мöd группаа инвалидöс, лэдзисны гортас. И сийö пыр жö босьтчис уджö.

...Луннас нин Герасим нёрпалыштитис. Но вой кежлас мунис стада динö. Гөгортис стадасö, пуксис шойччыны. Син водзас муыс быттö путкыльтчис, Герасим воштитис садьсö. Бур, мый вöжжиыс киас вöли гартöма. Садяс воём бöрын кыссьöма шордорödзис. Сэтысь и адзисны ёртъясыс. Чумын фельдшер вундис сойсьысь пыкössö, вирыскöd тшötш петис анькытш тусь ыджда кык көрт тор — вөрög мина-снарядысь осколокъяс. Герасим Антиповичлөн бригадаыс ордйысьöмын эз öтчид петав первой местаö. Войнабöрся уджысь сийöс наградитöма «За трудовое отличие» медальён, ВДНХ-лөн эзысь да бронза медальясөн.

Иван Иванович Чупров фронт вылын, кызди и мукöдыс, вöлис каюрөн, унаысь ветлис разведкаö. Кык «За отвагу» да «За оборону Заполярья» медаль мичмöдлисны сылысь морössö. Война бöрас 24 во веськөдлис көр видзан бригадаөн, кодi лоис көр пастукъясöс дасьтан бур школаөн. Сылөн бригадаыс шөркодя вонас вöчис 25,2 центнер яй, районын медся уна. Война бöрся уджысь сийöс наградитлисны «За трудовое отличие» медальён, ВДНХ-лөн кык эзысь медальён. Иван Ивановичöс шуисны «тундраса академикөн».

Найö и нимöдисны сиктсö

1967 вося февраль 16 лунся «Правда» газетын вöли йöзöдöма Кишиевысь «Путь Ленина» колхозса председатель Александр

Васильевич Ануфриевлысь статья, кӧні сёрниыс муно артельса заслуженной колхозниклысь ним лӧсьодом йылысь. Собраниеясыс мунисны вӧвлытом уна йӧзаон, кыпыда, делӧвӧя. Тӧдса, сиктын мортлы быть колӧ ёна уджавны, медым пуис



олӧмыс. Кодӧс талун лыддыны водзмӧстчысьӧн? Ме ног водзмӧстчысьыс сийӧ, кодӧ оз сӧмын бура уджав, сийӧ, кодӧ отсалӧ бригадирлы, колхоз правлениелы, председателы бурджыка котыртны удж, эрдӧдны резервъяс, бырӧдны тырмытомторъяс. Кӧні татшӧм йӧзыс уна, сӧни и уджыс муно бура, воысь-во содӧ видз-му овмӧсса прӧдукта вӧчӧмыс.

«Путь Ленина» колхозса заслуженной колхозниклысь ним сетӧма строитель Егор Тимофеевич Ануфриевлы, механизатор Георгий Алексеевич Ануфриевлы, полевод Александра Васильевна Каневалы, животноводъяс Антонина Фёдоровна Рочевалы да Калерия Ефимовна Чупровалы, механик Василий Аврамович Вокуевлы. Заслуженной колхозниклы кык онас ӧтчӧд колхоз дон босыттӧг санаторийӧ сетӧс путёвка, мынтӧс туйсӧ. Вӧлины и мукӧд кокньӧдъяс.

Колхозса председателӧн Александр Васильевичӧс бӧрйисны, кор сылы вӧлис 27 арӧс. Сийӧ уна вын пунктӧс, медым дженъыд кадӧн вежны туберкулёзӧн висьмӧм скӧтсӧ. Виль местаӧ колхоз

строитіс 800 юр вылө скөт картаяс, механизируйтис ваон юктасьомсө. 1967 воын колхозлөн вөлі 600 сайө юр гырысь скөт, на лыдын 255 мөс. Тайө сьөкыд кадас председательлы төдчана отсөг сетіс зоотехник Александр Тихонович Чупров.

Александр Васильевич куліс трагическөя. Пемыд кадө мотора пыжөн локтигас усьөма ваас.

Александр Васильевич Канев вөліс настоящөй энтузиастөн, уна материал чукөртис сиктын коллективизация нуөдөм да көр ферма лөсьөдөм йылысь. Дыр сийө веськөдліс сельсьөветөн, колхозөн, сиктса партийной организацияөн. Вөліс наставникөн сиктса том йөзлы. Александр Васильевич районной газетын йөзөдіс уна гижөд сиктлөн история да талунъя олөм йылысь.

Василий Егорович Канев, Ёгор Вась, пенсия вылө петөм бөрас уна кад видзис сиктлысь история туялөм вылө. Сийө воліс Изьва ю бердса сиктъясь, төдмаліс, кутшөм сиктысь и кодъяс XIX нэм шөрын овмөдчисны Печера юлөн шуйга берегас. Война помасьөм бөрас Ёгор Вась адззысьліс уна фронтөвиккөд, пасьяліс, көні да кутшөм фронт вылын кипиевосаяс воуйтисны. Канев чукөртис материалъяс көр видзөм йылысь книга вылө. Жаль, гижөдыс сылөн воши.

Кужысь йөзыс, збылысь, бур мастерыс Кипиевоын вөліс уна. И өні эм. Александр Герасимович Каневлысь быд вөчөмтор көть өні ну Москваө выставка вылө. Сыөн вөчөм көр дадыясыс крепыдөсь, кокниөсь, мичаөсь. Крепыдөсь да кокниөсь көр дадыдын новлөдлан пыжъясыс, кодъясөн көр видзысьяс вуджавлөны тундраса ойдөм юяс. Сыөн жө вөчөм пыж-шнягаяснас колхоз-совхоз вуджөдліс Печера ю сайө вөвъясөс, техника, йөзөс, арнас — турун. Александр Герасимович көр видзысьяслы вөчліс тасмаяс, бляшкаяссө да чепъяссө сывдіс бронзаысь. Мичаөсь и сыөн вөчөм пуртөсьясыс пуртнас.

Уна во помся көр дадыас да дады выв ящикъяс вөчліс Степан Николаевич Выучейский. Сийө велөдіс том пастукъясөс кыны нартала (аркан), кодөн позьө кутны өдийө котөртись ай көрөс.

Быдтор сяммыліс дорны Василий Григорьевич Рочев. Сийө и зэв мичаа гудөкасьліс, сьыліс.

Егор Степанович Рочевөс вөлі ошкөны, кыз бур столярөс. Сийө мастеритас вөлі шкаптө, дивантө, серванттө, сийө и пачтө кутшөмөс колө вөлі тэчас, самөвартө дзоньталас, косатө дорас.

1938 воын Екатерина Васильевна Выучейскаяөн да Евдокия Стахеевна Рочеваөн көр кыс пимияссө да туфляяссө, көр ку шапкаяссө нулісны Ставсоюзса выставка вылө Москваө.

Андрей Степанович Валея да Иван Иванович Вокуев вурлісны хромьсь сапөгъяс, туфляяс, мукөдтор. Мича да крепыд көм вурөм вылас заказъяссө налы вайлісны и орчча сиктъясысь.

Войнаөдзыс Степан Игнатьевич Рочев Изьва районса колхозъяс йылысь уна гижөд йөзөдліс Печора округлөн «Социалистическөй Войвыв» да мукөд газетъясын. Сийө чукөртис уна казьтылөм гражданскөй война да Изьва районын Совет власьт сувтөдөм йылысь. Жаль, мый сылысь эз став чукөртөмторсө, эз став гижөдсө ло йөзөдөма.

Бөркыв пыдди

Кипиевоын бура помнитöны Николай Андреевич Хозяиновöс. Видз-му овмöс техникум помалөм бöрын сийö уджалис «Усть-Усинской» совхозын мастер-наладчикöн, а сэсса веськöдлис фермаöн. 1986 воын овмöдчис Кипиевоö, аслас чужан сиктö. Уджалис скöт видзан фермаын инженерöн. Йöзлы кажитчис сылөн вöчöмторыс, йöзöс котыртан сямьс. Куим во мысти сийöс бөр-йисны сельсöветса председателöн. И тайö удж вылас ёна водзмöстчывлис.

1991 воын Николай Андреевичöс индисны сиктса администрацияөн веськöдлысьөн. Сийö пыр уджалис ассьыс тöдöм-лунгьяссö кышöдöм вылын, заочнö помалис Госслужба академия. Николай Андреевич уна вöчис сиктса йöзлысь олөмсö бурмöдöм могысь, сы дорö пöрысь и том локтисны асланыс моггьясөн, быдöнлы, мый вермис, зилис сетны отсöг. Хозяиновöс пыдди пуктылисны не сöмын Кипиево сиктын, но и районуын.

Извааын олігөн Николай Андреевич кыкысь пыравлис ме ордö. Кыкнаннысьсö сёрни панлис Кипиево йылысь нейджыд книга дасгтöм йылысь. Та дырйи сийö шуалис, мый колö, мед сиктса олысьяс, торйөн том йöз, тöдисны сиктлысь историясö, мед найö гöрдитчисны дед-баблөн, бать-мамлөн вöчöмторнас. Н.А.Хозяинов шуалис, мый сылы аслыс окота вöли унджык тöдны чужан сикт йылысь, кöсйис аддзыны кад некымын лун мекöд тшöтш уджавны архивын. Сийö пасйис, мый Кипиево йылысь менсьым уна гижöд лыддьывлөма газетгьясысь, корис, медем ме босгтчи гижны книгасö. Ме шуи, мый меным öт-намлы, ыджыд арлыд вöсна, сьöкыд тайöс вöчны, кодкö кö босгтчас, радпырысь отсала. Николай Андреевич шуалис: «Тi заводитöй гижны, аддзыясны йöз, кодгьяс водзö нуодасны заводитöмасö». Николай Андреевич ещö на кöсйис волыны, водзö нуодны сёрнисö. Лоис виччысьтöмтор: Извааысь Кипиевоö локтигөн веськалис автомобильной катастрофаö, 42 арöсөн мунис олөмсьыс.

Кипиево сиктса йöзлысь олөмсö бурмöдöм могысь унатор вöчис Александр Алексеевич Ануфриев, кодi дыр кад веськöдлис сиктса администрацияөн. Сылөн зильöмөн Кипиевоын лои стрöйтöма выль ФАП, лэптöма сиктын да шойна вылын часовняяс. Ануфриевлөн водзмöстчöмөн Кипиевоын пасйисны уна сикас праздник-гаж, котыртлисны спортын ордйысьöмгьяс. Александр Алексеевич олөмсьыс мунис 2019 вося сентябрын.

Снимокгьяс вылын:

1. Кипиево öнiя кадö. (Снимокыс Владимир Филипповлөн).
2. Хатанзейская Фёкла Ивановна, уджалис кукань видзысьён. Наградитöма «За доблестный труд в Великой Отечественной войне 1941-1945 гг.» медальөн.
3. Чупрова Александра Емельяновна, нэмсö вöли кöр дорын. Кызь кык во пастукалис, сэсса уджалис чумработничаөн. Пасйöма

«За доблестный труд в Великой Отечественной войне 1941-1945 гг.» медальён, ВДНХ-са медальясён.

4. Канев Яков Фёдорович, чужліс 1911 воын. Квайт вок пивсь өтнас воис ловійён война выльсь.

5. Чупров Александр Ефимович, Сөветскöй Союза Герой.

6. Рочев Фёдор Акимович (веськыдвылас) да Терентьев Степан Иванович Серёговын, 1990 во. Степан Иванович йыльсь гижёма «Эз виччъсны, кор бурдасны дойяс» юкёнын.

7. Ануфриев Степан Феофанович, чужліс 1924 воын. Демобилизуйтёма 1944 вося октябрын ранитчём вöсна.

8. Канев Андрон Ефимович, войнаса ветеран. Наградитёма Красная Звезда орденён. Война бöрас Кипиеваса колхозын 24 во быдтис сьöда-эзыся ручьясöс.

9. Артеев Григорий Афиногенович. Наградитёма «Знак Почёта» орденён, Нахимовлён медальён.

10. Ануфриев Александр Васильевич (шуйгавылас) да Хатанзейский Никон Кондратьевич, 1967 во.

Снимокъясыс авторлён архивысь.



Тайö номерсö дасьтiгён мянöс суис ыджыд шог — Никон Кондратьевич кувсьёма... Но сійö нэм кежлö колис «Войвыв кодзув» журналён авторён да ёртён. Паськыдджыка та йыльсь лыддöй локтан номерысь.



ПЫДДИ ПУКТАНА АВТОРЪЯС!

Редакцияö гижöдъяснытö ыстiгён быть колö юöртны:

1. Ассъынд ним, вич, ов; кор да кöни чужлöмныд (лун, тöлысь, во).
2. Паспорт юöръяс: номер, серия, кор да кöни сетiсны, гортса адрес (прописка серти).
3. Индивидуальной налогöвöй номер — ИНН.
4. Страховöй свидетельствo номер.
5. Банкын счёт реквизитъяс.

Тайöс юöрттöг редакция гонорар оз вешты.

*Журналын йöзöдтём гижöдъяс
редакция оз рецензируют и авторыслы найöс оз мöдöд.
Редакция оз век во öти кывiö авторъяскöд.*

Компьютерный набор — **Н.Кузнецова.**

Учредители: Администрация Главы Республики Коми,
«Союз писателей Республики Коми» — региональное отделение общероссийской
общественной организации «Союз писателей России».

Издатель: АУ РК «Издательский дом Коми». Директор Орёл И.Н. Адрес издателя: 167982,
ГСП-2, Республика Коми, г. Сыктывкар, ул. Карла Маркса, д. 229, Дом печати.

Адрес редакции: 167982, ГСП-2, Республика Коми, г. Сыктывкар, ул. Карла Маркса, д. 229, Дом печати. Телефоны редакции: 24-47-52 (гл. редактор), 24-51-52 (общ. отд./факс), 24-46-36 (бухгалтерия).

E-mail: kodzuv@mail.ru; Сайт: www.komikerka.ru

Подписано к печати 13.04.2020. Дата выхода в свет 30.04.2020. Формат 70x108^{1/16}. Печать офсетная. Усл. печ. л. 7; усл. кр.-отт. 8,4; учётно-изд. л. 7,54. Тираж 454. Заказ № 20-2500. Регистр. ПИ № ТУ11 - 00347 от 24.03.2017 г. выдано Управлением Федеральной службы по надзору в сфере связи, информационных технологий и массовых коммуникаций по Республике Коми. Публикация материалов на социально значимые темы осуществляется за счет субсидии, предоставленной Администрацией Главы Республики Коми из республиканского бюджета Республики Коми. Отпечатано в ООО «Коми республиканская типография», 167610, Республика Коми г. Сыктывкар, ул. В.Савина, д. 81. Цена свободная.

